

Ang Imo Bag-o nga Kabuhi





ANG BAG-O MO NGA KABUHI

ni L. Jeter Walker

**INTERNATIONAL CORRESPONDENCE INSTITUTE
PHILIPPINE NATIONAL OFFICE
P.O. BOX 1084 - MANILA**

© Copyright, 1969
by the International Correspondence Institute
Springfield, Missouri 65802

KAUNDAN

Leksyon	Pahina
Maghambalanay Anay Kita	5
1 Nagsugod Ikaw sang Bag-ong Kabuhi	9
2 Nagatuon Ikaw sa Paglakat	24
3 Ang Imo Amay Nagapakig- hambal sa Imo	41
4 Gusto Mo Bala nga Magtubo? . .	58
5 Bag-ong Kabuhi – Bag-ong Bulohaton	71
6 Ang Bag-o Mo Nga Mga Pag- sulondan	90
7 May Kabulig Ikaw	100
8 Ang Imo Kabuhi Isa ka Suga . . .	113
9 Paano Makaangkon sang Malipayon nga Panimalay . . .	131
10 Ang Bag-o Mo nga Kahilwayan. .	145



MAGHAMBALANAY ANAY KITA



Maghambalanay anay kita sa wala pa ikaw maka-sugod sa pagtuon sini nga tulon-an. Pinasahi ini nga tulon-an nga makabulig sa imo sa pagtuon bisan diin. Ini nga libro amo ang imo manunodlo. Nagatudlo sa imo sang isa ka butang kag pagkatapos may isa ka pamangkot kon bala imo ini nahangpan. Ginatuytoy anay ikaw sa tagsa ka leksyon.

“ANG BAG-O MO NGA KABUHI” ginahatag sa pinanid nga leksyon agud mahapos gamiton. Ang mga pahina ginnumerohan sing maathag agud mahapos ini tiponon kag himuon nga libro kaupod sang mga galamiton nga ginahatag sa wala sing dugang nga bayad.

Ini nga libro nabalhag sa kadakuon nga mahapos masulod sa bulsa. Madala nimo ini bisan diin ikaw magdakto kag matun-an nimo ini kon may lima ukon napulo ikaw ka minutos nga wala sang buhat. Indi na kinahanglan nga hulaton mo pa nga may tion gid ikaw sa pagtuon sang bug-os nga leksyon. Buhata ang imo masarangan, kon san-o mo mahimo, kag kon diin mo mahimo.

Ang kompleto nga libro sang “ANG BAG-O MO NGA KABUHI” may 10 ka tulon-an nga nagalambot sa 162 ka pahina. Ang tanan nga mga bumolutho nga narehistro mahimo makapangayo sang bug-os nga napulo ka leksyon upod ang mga palasinawan, sa isa lamang ka tion ukon tag-duha ka leksyon sa isa ka tion.

Kon magpangayo ikaw sang bug-os nga libro sa isa ka tion ipadala kaupod sa imo “order” ang ₱10.00 nga imo bulig sa bulohaton. Kon mag-“order” ikaw sang 2 ka leksyon sa isa ka tion, magpadala sang imo bulig nga ₱3.00 sa tagsa ka pagpangabay.

Ang mga bulig nga makita sa ibabaw nagalakisang pagrehistro, mga tulon-an, mga palasinawan, ang paggrado kag ang “Merit Certificate” sang ICI.

Buhata Ini

Pili-a ang husto nga sabat, ukon husto nga kasugpon sang dinalan, kag butangi sang x ang tupad sini. Halimbawa:

1. Ano nga klase sang libro ini?
 -a) pinasahi
 -b) ordinaryo

2. Ini nga libro amo ang imo manunudlo kag makabulig sa imo
 -a) sa pagtudlo sa klase.
 -b) sa pagtuon bisan diin.

3. Ang International Correspondence Institute ginasakdag sang manggaranon nga mga tawo kag ang mga bumolutho indi na kinahanglan maghatag sang ila bulig agud magrehistro para sa mga kurso sang ICI, magbaton sang nabayaran na sa koreo nga mga tulong sa Biblia kag nagradohan nga mga palasinawan kag "Merit Certificate".
 -a) husto
 -b) sayop

Ang pulong nga imo kuntani ginpili nga amo ang husto nga sabat amo ang "sayop". Kon lain ang imo sabat, palihog basaha liwat ang "Maghambalanay Anay Kita".

4. Ang taga ka tulong ginbuhat agud masulatan kasubong sa isa ka libro nga

may mga bulohaton para sa imo. Dugang sini, may isa ka pinasahi nga palasinawan sa tagsa ka tulong nga dapat kompletohon sang bumolutho kag ibalik sa International Correspondence Institute agud gradohan sa indi pa mahatag ang "Merit Certificate".

..... a) husto

..... b) sayop

Sabat: a) husto

Sa idalum sang bahin nga "Buhata Ini" Makita nimo ang mga sabat. Indi anay pagbasaha kon wala pa nimo masulat ang imo. Tabuni ini sang isa ka papel samtang nagasulat ikaw. Pagkatapos ipaanggid ang mga sabat mo sa iya sang libro.

Buhata Ini

Pili-a ang husto nga kasugpon sini nga dinalan kag butangi sang x ang tupad sang husto nga sabat.

3. Ang mga pamangkot kag mga sabat nagatila sang

..... a) paghangup mo sang imo ginabasa.

..... b) paghibalo mo sang tema sa kabilogan nga leksyon.

Sabat: 3. a) paghangup mo sang imo ginabasa.

Ini nga libro kon kaisa magapahimo sa imo sang iban pa gid nga mga bagay luwas sa pagsabat sa mga pamangkot. Magabulig ini nga maghanas sa imo sa pag-

tuon sing matul-id. Gani siguroha nga mabuhat nimo ini tanan.

Nagasugid ini nga libro nahanungod sa imo Kristohanon nga pagkabuhi. Maayo ini nga bulig kag pagpaka-maayo sa imo. Nangin daku nga bulig ini sa mga linibo nga mga bumolutho. Apang magahatag lamang sing kaayohan ining imo natun-an. samtang ginagamit mo. Gani gilayon nga ibutang sa buhat ang imo natun-an.

Buhata Ini

4. Madamo nga kaayohan ang imo makuha sa imo pagtuon kon

..... a) tudloan nimo ang iban sang ginatudlo sa libro.

..... b) sugoran nimo ang pagbuhat sang butang nga imo natun-an.

5. Basaha ang pahina 5 agud mahibalo-an mo kon ano ang imo pagatun-an.

Sabat: 4. b) sugoran nimo ang pagbuhat sang mga butang nga imo natun-an.

Ginakinahanglan mo ang bulig sang Ginuo sa imo pagtuon. Gani kon san-o ikaw buot magtuon, magpangayo sang Iya bulig, kag pasalamatan Sia. Ang Espiritu Santo magabulig sa imo sa pagpahangup sang mga espirituhanon nga kamatuoran nga kinahanglan nimo mahibaloan. Ipakita Niya sa imo kon ano ang pagbuhat sini sa imo kabuhi. Buligan man Niya ikaw sa espirituhanon nimo nga pagtubo, samtang nagatuon ikaw sini nga tulon-an.

Pangamuyo

Salamat Dios, sa sining mga tulon-an nahanungod sa akon kabuhi. Kabay nga buligan Mo ako sa pagtuon sing maayo. Gamita ini nga tulon-an sa pagbulig sa akon nga magmangin maayo nga Kristohanon. Sa ngalan ni Kristo Jesus, Kabay pa.

LEKSYON 1

**NAGSUGOD IKAW
SANG BAG-ONG
KABUHI**



Ang Matun-an Mo Sa Sini Nga Leksyon

Ano ang Natabo?

Ang Bag-ong Kabuhi kay Kristo

Ano nga Sari sang Kabuhi?

Ano ang Imo Dapat Buhaton?

**Ang Bag-o Mong Panimalay: Ang Imo
Amay**

**Ang Bag-o Mong Panimalay: Ang Imo
Magulang**

**Ang Bag-o Mong Panimalay: Ang
Balaan nga Espiritu Kabulig Mo**

**Ang Bag-o Mong Panimalay: Ang iban
nga mga Kristohanon**

Ano ang Natabo?

Nagsugod ikaw sang bag-o nga kabuhi sa tion nga imo ginbaton si Kristo Jesus nga imo personal nga Manluluwas. Sia ang Manughatag sang kabuhi – pinasahi, bugana kag malipayon nga wala sing katapusan. Ginhatag nimo ang imo kabuhi sa Iya nga napun-an sang sala kag kapas-lawan. Kag sa baylo sina ginhatagan Niya ikaw sang kabuhi nga madinalag-on sa sala. Nagsugod ikaw sing kabuhi nga napun-an sang mahima-yaon nga kahigayunan subong nga anak sang Dios.

Buhata Ini

Pili-a ang husto nga sabat sa mga pamangkot. Butangi sang x ang tupad sang sabat nga imo ginahunahuna nga husto.

1. Sa diin maghalin ang bag-o mo nga kabuhi?

..... a) sa imo pagpanikasug nga magKristohanon.

..... b) kay Jesu-Kristo, ang Manughatag sang kabuhi.

..... k) sa pagpasakup sa Iglesia.

Tabuni ang sabat sa idalum sini nga bahin samtang ginasulat mo ang imo kaugalingon nga sabat.

Sabat: 1. b) kay Jesu-Kristo, ang Manughatag sang kabuhi.

Ang Bag-ong Kabuhi kay Kristo

May bag-o ka nga kabuhi tungod kay si Gi-nuong Jesus nagapuyo sa imo. Nagasugid sa imo ang Pulong sang Dios, ang Biblia, nahanungod sini.

■ Si Kristo sa inyo, ang paglaum sang himaya.
Mga Taga Colosas 1:27.

Ang linya sa wala makabulig sa imo agud matalupangdan mo sing madali ang mga bersi-kulo. Ang reperensya sa katapusan nagatudlo sa imo kon diin nimo pangitaon sa Biblia.

Buhata Ini

Butangi sang x ang tupad sang husto nga sabat.

2. Sa diin nimo matun-an nga ang ka-buhi gikan kay Kristo nagapuyo sa imo?

- a) sa Biblia, ang Pulong sang Dios.
- b) gikan sa Siyensya
- k) sa nagkalainlain nga pagtu-loohan.

Sabat: 2. a) sa Biblia, ang Pulong sang Dios.

Ano nga Sari sang Kabuhi?

Si Kristo nga nagakabuhi sa imo, amo ang nag-himo sa imo nga Kristohanon. Ang panghuna-huna sang iban, nga ang Kristohanon nga kabuhi wala sing kalipay kag kaangay sang yara sa bilanggoan. Daku ang ila pagsayop. Kay ang bag-o mo nga kabuhi kay Kristo isa ka bugana kag malipayon nga kabuhi nga wala pa gid nimo maambiti sang una.

Buhata Ini

Butangi sang x sa tupad sang husto nga sabat.

3. Sa pagbaton nimo kay Kristo Jesus nga Manluluwas, nagsugod ikaw sa kabuhi nga:

- a) masinulob-on.
- b) labing malipayon sang sa daan mo nga kabuhi.
- k) kaangay sang isa ka binilanggo.

Sabat: 3. b) labing malipayon sang sa daan mo nga kabuhi.

■ Ako nagkari, agud nga may kabuhi sila, kag may kabuganaan sini. Juan 10:10.

Buhata Ini

4. Sauloha ang pulong ni Ginuong Jesus sa Juan 10:10.

Ibutang ang x sa tupad sang husto nga sabat.

5. Nagkari si Ginuong Jesu-Kristo sa paghatag sang

..... a) silot sa imo mga sala.

..... b) kabuhi . . . nga may kabuganaan.

Sabat: 5. b) kabuhi . . . nga may kabuganaan.

Makita nimo sa bag-o nga kabuhi nga ginhatag ni Ginuong Jesus ang bag-ong paghangup, bag-ong palanan-awon, bag-ong lalambuton kag bag-ong tinutuyo sang pagkabuhi.

Nadula ang lulan sang sala kay ginpatawad ikaw. Ang bag-ong gugma sa Dios kag sa iban nga katawhan nagapuno sa imo tagipusoon, nga nagadala sang kalinong kag kalipay. May bag-o na ikaw nga pagdayaw sa tanan nga mga maayo kag maanyag, kag bag-o nga pagbatyag sang presensya, gahum kag kaayo sang Dios. Ang bag-o nga handum sa pagpahamuot sa Dios kag sa pagbulig sa iban nagsugod sa paghatag sang bag-o nga gabayan sa imo mga hulag.

Ang atataro nga nahimo nga alibangbang wala makaagi sang kabalhinan nga gintuga sang Bala-an nga Espiritu sa imo. Indi na ikaw kaangay sang atataro nga nagaguyod sang imo kaugalingon nga kabuhi. Ginbag-o ikaw ni Ginuong Jesu-Kristo kag nangin bag-o nga tinuga. Kaangay ka sang isa ka alibangbang nga nagalupad nga may kahilwayan sa imo espiritu. Karon hilway na sa pag-alagad sa Dios. Natawo ikaw liwat kag indi na isa ka makasasala, kay ikaw karon anak sang Dios.

Buhata Ini

Butangi sang x ang tupad sang husto nga sabat.

6. Diin sa sining mga bagay ang imo maangkon sa bag-o mong kabuhi,

..... a) bag-ong palanan-awon

..... b) madamo nga manggad.

..... k) ang pagdayaw sang imo mga abyan.

7. Sang natawo ikaw liwat nagsugod ikaw sang kabuhi nga

..... a) hilway sa mga gumontang.

..... b) napun-an sang paghigugma sa Dios kag sa iban nga katawohan.

..... k) may kahilwayan sa pagbuhat sang imo naluyagan.

Sabat: 6. a) bag-ong palanan-awon

7. b) napun-an sang paghigugma sa Dios kag sa iban nga katawohan.

Ano ang Imo Dapat Buhaton?

Subong sang isa ka lapsag nga bag-o natawo sa panimalay sang Dios, maambitan mo ang mapinalanggaon Niya nga pagtatap. Kinahanglan batunon nimo ang mga pagtatap nga Iya ginahatag agud makaangkon ka sang maayong lawas kag kusog. Ginhatagan Niya ikaw sang bag-o nga kinaiya, kag kinahanglan buhaton nimo ang imo bahin sa pagpatubo sini.

Magabulig ini nga libro sa pagpatubo sang imo bag-o nga kinaiya. Samtang nagatuon ikaw sini nga leksyon, matun-an mo ang mga kahigayunan kag katungdanan subong nga anak sang Dios. Hingaliti ini samtang nagakabuhi pa ikaw diri sa duta. Sa pila ka adlaw pagadalhon ikaw ni Ginuong Jesus sa langitnon Niya nga puloy-an. Kag magpuyo didto kaupod Niya. Isa ini ka puloy-an nga indi matumbasan sang linibo ka mga tumalagsahon nga butang diri sa kalibutan.

Buhata Ini

Butangi sang x ang tupad sang husto nga sabat:

8. Ano ang ginahambalan sini nga libro?

- a) Ang imo pagkabuhi subong katapo sang Iglesia.
- b) Ang bag-o nga kinaiya nga ginhatag sang Dios sa imo.
- k) Mga sugo nga dapat pagsundon sang Kristohanon.

9. Nagatuon ikaw sini nga leksyon agud

- a) makakuha sang sertipiko.
- b) makadebate nahanungod sa relihiyon.
- k) mahimuslan ang mga kahigayunan subong nga anak sang Dios.

Sabat: 8. b) Ang bag-o nga kinaiya nga ginhatag sang Dios sa imo.

9. k) mahimuslan ang mga kahigayunan subong nga anak sang Dios.

Ang labing malahalón nga butang nga imo pagahimuon amo ang magpabilin nga naangot kay Kristo kag magtubo nga mabakud sa kabuhi nga iya ginhatag.

Magpabilin kamo sa akon, kag ako sa inyo . . . kay luwas sa akon wala kamo sing mahimo. Juan 15:4, 5.

Busa sa bagay nga ginbaton ninyo si Kristo Jesus nga Ginuo, maggawi kamo sa Iya, nga nakapanggamot kag natukod sa Iya kag napalig-on sa pagtuo, subong sang gintudlo sa inyo, nga nagabugana sa pagpasalamat. Mga Taga Colosas 2:6, 7.

Buhata Ini

Butangi sang x ang husto nga sabat.

10. Ano ang labing malahalón nga butang nga imo himuon agud magmabakud ikaw nga Kristohanon?

..... a) magpabilin nga naangot kay Kristo.

..... b) magpaninguha nga mangin kaangay ni Kristo.

..... k) magsunod sa ginabuhát sang iban nga Kristohanon.

Sabat: 10. a) magpabilin nga naangot kay Kristo.

Ang Bag-o Mong Panimalay: Ang Imo Amay

Ang Gamhanan nga Dios, nga nagtuga sang kalibutan, nangin mahigugmaon mo nga Amay. Indi paghunahunaa nga estrikto Sia kag yara sa malayo nga duog. Yara Sia sa imo luyo karon, nga handa sa pagbulig sa imo sa tanan mo nga gumontang.

Karon kay anak na ikaw sang Dios, buot Niya nga magpakighambal ikaw sa Iya subong nga imo Amay. Kag maghambal ikaw sing tampad kag may pagsalig, subong sang ginahimo sang isa ka bata nga nagapakighambal sa maalwan kag mabinatyagon niya nga amay. Magpakighambal ikaw sa Iya paagi sa pagpangamuyo sa adlaw-adlaw nga tanan, bisan sa ano nga oras. Isugid sa Iya ang tanan nimo nga mga gumontang. Pasa-lamati Sia sang Iya pagpakamaayo. Ginadumdom Niya ikaw kag ang tanan nga may kahilab-tanan sa imo.

Kon magpangamuyo ikaw, indi kinahanglan ang matahum nga mga pulong ukon nasaulo nga pangamuyo. Sugiri lang Sia kon ano ang yara sa imo tagipusoon.

Buhata Ini

Butangi sang x ang tupad sang husto nga sabat.

11. Sa bag-o nimo nga kabuhi karon, ang Dios kaangay sang

..... a) malayo nga tinuga nga indi naton matawag.

..... b) mahigugmaon nga Amay.

12. Ano ang imo buhaton kon nagapangamuyo?

..... a) magsaulo sang palangadi-on kag sulitsuliton sa pagpangadi.

..... b) maghambal sing tampad sa Dios subong sang bata nga nagapakighambal sa iya amay.

..... k) maggamit sang mga pulong nga binalaybay.

Sabat: 11. b) mahigugmaon nga Amay.

12. b) maghambal sing tampad sa Dios subong sang bata nga nagapakighambal sa iya amay.

Ang Bag-o Mong Panimalay: Ang Imo Magulang

Sa panimalay sang Dios, si Jesu-Kristo amo ang imo Magulang. Tungod sang daku Niya nga

gugma sa imo nagpakamatay Sia sa krus sa pagluwas sa imo. Gusto Niya karon nga mabuligan ikaw sa pagkabuhi nga malipayon kag magmangin madinalag-on batok sa sala. Pasalamatì Sia karon sa pagluwas Niya sa imo kag sa bulig nga Iya ginahatag sa imo adlaw-adlaw.

Buhata Ini

Butangi sang x ang tupad sang husto nga sabat.

13. Sa sining bag-o mo nga kabuhi, si Kristo Jesus ang imo nga
..... a) Manluluwas kag Magulang nga Utod.
..... b) mapintas nga hukom.

Sabat: 13. a) Manluluwas kag Magulang nga Utod.

Ang Bag-o Mong Panimalay: Ang Balaan nga Espiritu Kabulig Mo

Ang Balaan nga Espiritu, Ikatatlo nga Persona sang Trinidad, amo ang nagahatag sa imo sang makatilingala nga milagro sang pagkatawo liwat. Ginbag-o Niya ang imo makasasala nga kinaiya kag ginhimo ka nga anak sang Dios.

Magapakigsumpong pa ikaw sa daan nga ugali kon kaisa, apang ang Balaan nga Espiritu nga nagapuyo sa imo tagipusoon magabulig gid sa imo. Sa matinumanon kag matinuohon nimo nga pagbuylog sa Iya, pagatudloan Niya ikaw kon ano ang imo pagabuhaton. Kag hatagan Niya ikaw sing kusog sa paghimo sini.

Buhata Ini

Butangi sang x ang tupad sang husto nga sabat.

14. Nahanabo ang milagro sang pagkatawo liwat sa imo tungod sa
..... a) Ebanghelista
..... b) Pastor
..... k) Balaan nga Espiritu
15. Yara ang Balaan nga Espiritu sa
..... a) pagsilot sa imo kon makasala ikaw.
..... b) pagpuyo sa imo kag magbulig sa imo sa paghimo sang mata-rung.
16. Mahimo nimo kon ano ang gusto sang Dios nga imo buhaton
..... a) sa gilayon
..... b) tungod kay ang Balaan nga Espiritu magapilit sa imo sa paghimo sini.
..... k) kon matinuohon kag matinu-manon ikaw sa pagbuylog sa Balaan nga Espiritu.
17. Mahangpan nimo kon ano ang imo pagabuhaton kag masarangan mo sa pagbuhat ini paagi sa
..... a) imo kaugalingon nga kaalam.
..... b) imo kaugalingon nga gahum.
..... k) bulig sang Balaan nga Espiritu

- Sabat: 14. k) Balaan nga Espiritu.
15. b) pagpuyo sa imo kag magbulig sa imo sa paghimo sang matarung.
16. k) kon matinuohon kag matinumanon ikaw sa pagbuylog sa Balaan nga Espiritu.
17. k) bulig sang Balaan nga Espiritu.

Ang Bag-o Mong Panimalay: Iban nga mga Kristohanon

Ang tagsa ka maminatud-on nga Kristohanon nga natawo liwat, isa ka anak sang Dios. Tungod kay ang Dios aton Amay, mag-uloludod kita kay Kristo.

Ang kautoran nga mga Kristohanon malipay nga kabuylog nila ikaw sa panimalay sang Dios. Himuon nila ang ila masarangan sa pagbulig sa imo sa espirituhanon nga pagtubo agud magmabaskog ikaw nga Kristohanon.

Kon may palaligban ikaw, indi magkahangawa sa pagsugilon sa pastor ukon sa iban nga kautoran sa iglesia. Magapangamuyo sila kag ila man himuon ang ila masarangan sa pagbulig sa imo.



Buhata Ini

Butangi sang x sa tupad sang husto nga sabat.

18. Ang tanan nga mga maminatud-on nga Kristohanon nga natawo liwat
 - a) mga utod nimo kay Kristo.
 - b) katapo sang organisasyon.
 - k) maayo nga abyan.
19. Karon sulati ang imo Rekord sang Bumolutho kag Palasinawan para sa Leksyon 1.
Pagkatapos nga nabuhat mo ini, magpadayon ka sa masunod nga leksyon.

PINASAHI NGA PAHIBALO

Mahimo mo na karon masulat ang mga sabat sa Palasinawan sang leksyon 1.

Kon nadula ang imo papel palasinawan magsulat gilayon agud mapadalhan ikaw sing bag-o.

Pagkatapos nga makompleto ining pinasahi nga palasinawan, mahimo ka makapadayon sa pagtuon sang madason nga leksyon.

PAGPAKILALA sang LEKSYON 2

Natun-an mo na ang “Bag-o Mo nga Kabuhi” kay Kristo. Karon, ang ICI nagakalipay sa pagtanyag sa imo sang leksyon 2 nga ginatig-ulohan “NAGATUON IKAW SA PAGLAKAT”.

Sa sini nga tulong-an matun-an mo ang dugang pa nga mga paagi sa pagpuyo nga minuswagon sa espirituhanon nga kabuhi sang Kristohanon. Nagakahulogan ini sing labi pa sang sa paghibalo kon paano ang tawo nakalakat sa bulan. Ini nga leksyon magahatag sa imo sang ihibalo kon paano ikaw makalakat kaupod sa Dios. Matalupangdan mo man ang pila ka mga pagdaya ni Satanas kag kon paano mo malikawan ang pagkasandad. Matukiban mo ang mga sabbat sang Biblia sa madamo mo nga mga gumontang kag magabaton ka sang dugang pa nga kasigurohan sang imo kaluwasan.

LEKSYON 2

**NAGATUON
IKAW SA
PAGLAKAT**



Ang Matun-an Mo Sa Sini Nga Leksyon

**Ibutang ang Imo Kamot sa Kamot
sang Dios**

**Gintilawan bala ni Satanas nga Pu-
kanon Ikaw?**

**Nagaantos Ka bala Tungod kay
Kristo?**

**Ginatublag bala Ikaw sang Pag-
pangduhaduha?**

**Ginahigugma Ikaw sang Imo Amay
Dulaa ang Imo mga Pangduhaduha
karon**

Maghinulsol

**Magtuo sa Ebangelyo: Magtuo kay
Jesu-Kristo**

Ibutang ang Imo Kamot sa Kamot sang Dios

Daw ano ka malipayon ang mga ginikanan kon ang ila bata magtuon na sa paglakat. Subong man, malipayon ang langitnon mo nga Amay kon ikaw nga Iya anak magsugod sa paglakat kaupod Niya sa Kristohanon nga pagkabuhi. Indi ka magkahadlok nga basi matumba ikaw. Ibutang lang ang imo kamot sa kamot sang imo Amay kay magabulig Sia sa imo. Sa tagsa ka adlaw sa imo pagbugtaw, magpangayo ikaw sa Iya sing bulig sa tanan nga butang nga imo pagabuhaton.

Buhata Ini

Butangi sang x ang tupad sang husto nga sabat.

1. Sa ano nga palaanggiran ginapaanggid ang imo kabuhi nga Kristohanon sa sini nga leksyon?

.... a) kaangay sang tawo nga nagalakat lang sa iya kaugalingon.

.... b) kaangay sang bata nga indi makalakat.

.... k) ang paglakat nga nagabutang sang imo kamot sa kamot sang Dios.

Sabat: 1. k) ang paglakat nga nagabutang sang imo kamot sa kamot sang Dios.

Gintilawan bala ni Satanas nga Pukanon Ikaw?

Si Satanas ang yawa, kaaway sang Dios kag sang tagsa ka Kristohanon. Nagatinguha siya nga

masandad ikaw. Mahimo niya nga gamiton ang paghingabot ukon ang pangduhaduha kon bala naluwas ikaw. Si Satanas masunson nga nagapagkigsumpong sa mga Kristohanon. Kag nagatinguha gid Sia nga magpalayo sila sa Dios. Ginatinguhaan niya nga maglibog ang ulo sang bag-o nga mga Kristohanon sa mga pagpangduhaduha kag sa mga kalisdanan. Indi sia gusto nga magtuon ikaw sa paglakat kaupod sa Dios.

Gani indi lang ikaw magakatingala nga kon kaisa nagakasandad ikaw ukon nagakabunggo samtang nagatuon ikaw sa paglakat. Ang bata mahimo nga makabunggo kag masakitan ang iya kaugalingon. Apang indi ini kabangdanan para sa iya sa pag-untat sa pagtinguha sa pagtilaw nga makalakat liwat.

Buhata Ini

2. Sa tion nga Kristohanon na ikaw
 - a) nadula na ang imo mga gumontang
 - b) si Satanas magatinguha nga pukanon ikaw
 - k) indi na gid ikaw magapangduhaduha ukon pagasulayon pa
3. Si Satanas masunson nga nagatinguha nga ang bag-o nga Kristohanon maga
 - a) kalipay sa ila kaluwasan
 - b) pangduhaduha nga may Dios
 - k) pangduhaduha kon bala naluwas sila.

- Sabat: 2. b) si Satanas magatinguha nga pukanon ikaw.
3. k) pangduhaduha kon bala naluwas sila.

Panumdoma nga ang Langitnon mo nga Amay mas makusog pa sang sa panulay kag pagakaptan Niya ang imo kamot.

Kag nagahatag ako sa ila sing kabuhi nga walay katapusan, kag indi gid sila mawala, kay walay isa nga makaagaw sa ila sa kamot sang Amay. Juan 10:28.

Buhata Ini

4. Sauloha ang mga pulong ni Ginu-ong Jesus sa Juan 10:28.

Naga-antos Ka bala Tungod kay Kristo?

Indi lang ikaw matingala ukon maakig kon ang imo panimalay kag ang iban nga abyan nimo magayaguta sa imo tungod kay ginbaton nimo si Kristo nga imo Manluluwas. Mahimo nga ila ikaw hingabuton. Isa ka kadungganang kag kahigayunan ang mag-antos para sa Iya nga nagpakamatay sa krus para sa aton. "Pas-anon naton ang aton krus" kag magsunod sa Iya. Ipakita naton sa iya nga ginapasalamatan naton ang Iya pag-antos sa aton.

Labot pa, ang Ginuo nagsaad sang padya sa mga naga-antos para sa Iya.

Kon sin-ong buot magsunod sa akon, magdumili sia sang iya kaugalingon kag magpas-an sang iya krus adlaw-adlaw kag magsunod sa akon. Lucas 9:23.

Bulahan ang mga ginahingabot bangod sa pagkamatarung, kay ila ang ginharian sang langit. Bulahan kamo kon ang mga tawo magpasipala sa inyo kag maghingabot sa inyo kag maghambal sang tanan nga bagay sang kalautan batok sa inyo sing di-matuod bangod sa akon. Mateo 5:10, 11.

Buhata Ini

5. Kon mag-antos ikaw bangod kay Kristo magbatyag ikaw sing
- a) kasubo kag pagkaluya.
 - b) kaakig kag handa magpakig-away.
 - k) kalipay kay may padya sa langit.

Ginatublag bala Ikaw sang Pagpangduhaduha?

Indi lang ikaw magkabalaka kon nabudlayan ka sa paghimo sing matarung. Kay kon ang tawo matawo liwat, matuod nga anak sia sang Dios apang kinahanglan pa nga magtuon sia sa paglakat. Kon ang bag-o nga Kristohanon makasayop ang panulay nagasutsot sini nga hunahuna sa iya: “Tan-awa ang akon ginhimo. Ayhan indi ako anak sang Dios kay dapat kuntani nga indi ako maggawi sing subong.”

Nagalibog ang ulo sang iban nga mga Kristohanon, kag tungod sini nagaabot ang pagpang-

duhaduha. Makapangduhaduha sila: “Ah, indi ako makapangabuhi sang kabuhing Kristohanon. Mabudlay kaayo para sa akon. Maayo pa magbalik na lang ako sa daan ko nga pagkabuhi kag indi na lang mag-alagad sa Dios. Labot pa, wala man nakon makita ang daku nga kabalhinan sang akon kabuhi subong sang ginahambal sang iban nga Kristohanon. Wala man nakon mabatyagi ang kalipay sang kaluwasan. Siguro indi man ako Kristohanon.”

Nasugata na bala nimo ini nga mga pagpangduhaduha? Dumdoma nga naggikan ina sa imo kaaway nga nagatinguha sa pagpaluya sa imo agud matumba ikaw. Ang iban nga tawo nakabatyag sing labaw nga kalipay sa nahaunang tion nga sila naluwas sang sa iban. Gani indi lang ikaw magpalibog kon ano ang imo ginabatyag, kay sa dalayon nimo nga pagtuon nahanungod sa ginhimo sang Dios nga nangin anak Niya ikaw, nagadugang ang kalipay nga imo maangkon. Samtang nagpasalamat ikaw sa mga pagpakamaayo nga imo nabaton, nagatubo man ang imo kalipay. Dumdoma nga ang imo kaluwasan wala nasandig sa imo balatyagon. Yara ina sa katutom sang Ginuo nga gintugyanan nimo sang imo kabuhi kag kalag.

Kon makasandad ikaw kag matumba, wala ina nagakahulogan nga indi ikaw makatuon sa paglakat, ukon indi na ikaw anak sang Dios. Panga-
yoa ang Iya pagpatawad kag magbangon ikaw kag maglakat liwat.



Nahanungod naman sa kabalhinan sa imo, ang handum nimo sa pagpahamuot sa Dios, kag ang kamatuoran nga ikaw nagakasubo sang imo kapaltahan, nagapakilala lamang sang pagbag-o sang imo kinaiya. Gani indi lang ikaw magkaluya. Dumdoma nga may iban nga kabataan nga nabudlayan sa paglakat kay sa iban nga kabataan.

Buhata Ini

6. Kon magbatyag ikaw sing kaluya kag kasubo, kinahanglan panumdomon nimo nga

.... a) ang matuod nga Kristohanon permi lang malipayon.

.... b) ang kalipay nga mabatyagan sa tion sang kaluwasan nagakaanggid sa tanan nga Kristohanon.

.... k) sa dalayon nimo nga pagpasalamat sa Dios sang Iya pagpakamaayo nagadugang ang kalipay nga imo mabatyagan.

7. Ang imo kaluwasan nasandig sa

.... a) katutom sang Dios

.... b) sa imo balatyagon

.... k) sa imo kaayo

Sabat: 6. k) sa dalayon nimo nga pagpasalamat sa Dios sang Iya pagpakamaayo nagadugang ang kalipay nga imo mabatyagan. 7. a) katutom sang Dios

Ginahigugma Ikaw sang Imo Amay

Sa imo pagbanta akigan ayhan sang isa ka mahigugmaon nga ginikanan ang ila anak kon matumba? Ukon pabayaan lamang bisan nasakit na ang ila anak? Indi mahimo ina! Hakwaton nila ang bata kag paumpawan, pagkatapos pabakuron ang iya balatyagon agud magapadayon sia sa pagtuon tubtob makahibalo sia sa paglakat sing maayo. Sa banta mo pabay-an ayhan sang Dios ang mga anak Niya nga nagsugod pa lamang sa paglakat? Indi mahimo ina! Magpangamuyo sa Iya kag sugiri Sia. "Salamat Amay sa imo pag-uyat sang akon kamot kag sa pagtudlo sa akon sa paglakat nga Kristohanon. Maluya ako apang akon nahibaloan nga buligan nimo ako kon ano ang dapat nakon buhaton."

Dapat mo mahibaloan nga ang Dios nagatuytoy sa imo sa Kristohanon nga kabuhi. Ginahimo Niya ini paagi sa Iya Balaan nga Espiritu kag sa Iya Pulong, ang Biblia. Basaha ang Biblia kag magpangamuyo adlaw-adlaw. Magabulig ini sa pagpala sang imo mga pangduhaduha. Kag makalakat ikaw nga indi makasandad.

Buhata Ini

8. Kon makasandad ikaw kag makahimo sang butang nga indi nimo dapat himuon, makasalig ikaw nga ang imo Langitnon nga Amay
.... a) magapangakig kag ihaboy ikaw sa

gowa sang balay.

.... b) magapatawad kag magabulig sa imo nga magmangin maayo pa

.... k) magapabaya sa imo.

9. Ang Balaan nga Espiritu magatuytoy sa imo kag magatudlo sang takus nimo nga pagabuhaton samtang

.... a) nagabasa ikaw sang Biblia kag nagapangamuyo adlaw-adlaw.

.... b) nagapangita ikaw sang imo kapalaran sa mga manughimalad.

.... k) nagapamati ikaw sa mga laygay sang imo mga abyan.

Sabat: 8. b) magapatawad kag magabulig sa imo nga magmangin maayo pa. 9. a) nagabasa ikaw sang Biblia kag nagapangamuyo adlaw-adlaw.

Dulaa ang Imo mga Pangduhaduha Karon

Ayhan nagapainuino ikaw karon kon bala nahimo na nimo ang tanan nga ginapaabot sang Dios nga imo himuon agud maluwas. Naghambal si Kristo sing maathag kon ano ang pagabuhaton sang tawo agud maluwas. Gani tan-awon naton kon nahimo nimo ang imo bahin. Kon may bagay nga wala nimo matuman, mahimo nimo ina karon kag mapat-od ang imo kaluwasan.

Ang Dios nagapangayo sa imo sang duha ka butang agud maluwas ikaw: Una, maghinulsol ikaw sang imo mga sala, kag ikaduha magtuo sa Maayong Balita.

Buhata Ini

10. Ang ginapabuhat sang Dios sa imo agud maluwas ka amo ang
- a) paghinulsol sang imo mga sala kag pagtuo sa Maayong Balita
 - b) paghimo sang penitensya kag pagpasakop sa iglesia.
 - k) paghimo sing maayo sa pagtabon sang imo sala.

Sabat: 10. a) paghinulsol sang imo mga sala kag pagtuo sa Maayong Balita.

Maghinulsol

Ang paghinulsol nagakahulogan nga magkasubo ikaw sa imo mga sala kag isikway ini sila.

Hinulsol kamo, kag magtuo sa Maayong Balita. Marcos 1:15.

Nagakasubo bala ikaw kay nagmalinapason ikaw sa Dios? Nagpamat-od bala ikaw sa pagsikway sang imo mga sala sa imo kabuhi ukon may mga sala pa bala ikaw nga indi nimo buot talikdan. Handa bala ikaw sa pagbiya sang imo kaugalingon nga dalanon kag sugod karon magbuhat sang nagapahamuot lamang sa Dios?

Buhata Ini

11. Sauloha ang Pulong ni Ginuong Jesus sa Marcos 1:15.
12. Ang paghinulsol nagakahulogan nga
 - a) magkasubo ikaw sa imo mga sala kag isikway sila.
 - b) magtuad sang imo mga sala sa pari.
 - k) magpangayo sing kapatawaran kag padayunon ang pagpakasala.

Sabat: 12. a) magkasubo ikaw sang imo mga sala kag isikway sila.

May nakahimo bala sa imo sing malain kag indi mo mapatawad? Ang kaakig kag paghupot sing aligutgot amo ang mabudlay nga sala nga nagapahilayo sang madamo nga mga katawohan sa langit. Ang Dios gugma kag indi Sia makapuyo sa tagipusoon nga napun-an sang kaakig kag dumot. Kon may dumot ikaw sa isa ka tawo patawara siya karon. Pangayoa ang bulig sang Dios sa paghigugma sa mga tawo nga nagahimo sa imo sang sala.

Apang kon indi ninyo pagpatawaran ang mga tawo sang ila mga paglapas, indi man ang inyo Amay magpatawad sang inyo mga paglapas. Mateo 6:15.

Kon nagapangduhaduha pa ikaw kon bala tinagipusoon ang imo paghinulsol, dulaa ini sa gilayon paagi sa pagsikway sang imo mga sala kag kaugalingon nga banas agud may gahum ang Dios sa imo kabuhi sugod karon.

Buhata Ini

13. Kon may nakasayop sa imo, kinahanglan
- a) taguon mo ang imo kakig sa nakasayop sa imo.
 - b) patawaron mo sia dayon.
 - k) isugid mo sa iban kon daw ano sia kalain.

Sabat: 13. b) patawaron mo sia dayon.

Magtuo sa Ebanghelyo: Magtuo kay Jesu-Kristo

Ang tinaga nga *ebanghelyo* nagakahulogan sang *Maayong Balita*. Nagakahulogan ini sang Maayong Balita nahanungod sa kaluwasan kay Jesu-Kristo. Ang masunod nga mga pagtudlo nahanungod sa Maayong Balita makita sa Biblia. Isulat ang “huo” sa katapusan sang dinalan nga imo ginatoohan.

▲ Daku ang paghigugma sa Dios sa imo sa bagay nga ginpadala Niya ang Iya Anak nga si Ginuonng Jesus sa pagbaton sing silot tungod sa imo mga sala.

▲ Napatay si Ginuong Jesus para sa imo mga sala. Hilwayon Niya ikaw kon batunon mo Sia nga Ginuo kag Manluluwas.

▲ Nambahaw si Ginuong Jesus gikan sa minatay kag nagkayab pa langit. Nagapangamuyo Sia kag nagahanda sang puloy-an para sa imo.


▲ Sang pagbaton nimo kay Ginuong Jesus nga Manluluwas, nangin anak ikaw sang Dios kag may bag-o ikaw nga kabuhi sa Iya.

▲ Magabalik si Ginuong Jesus sa pagkuha sang mga nagatuo sa Iya kag dalhon Niya sila sa walay katubtoban nga puloy-an didto sa langit.

Ginatuohan mo bala ini tanan nahanungod kay Ginuong Jesus,..... Ginbaton bala nimo Sia nga personal nga Manluluwas? Busa magsalig sa Iya. Tuohi ang Iya mga saad.

Magtuo ikaw kay Ginuong Jesus kag maluwat ka. Mga Binuhatan 16:31.

Ang Dios nagahatag sa aton sing kabuhi nga walay katapusan, kag ining kabuhi yara sa Iya Anak! Ang nakabaton sa Anak may kabuhi, ang wala nakabaton sa Anak walay kabuhi. 1 Juan 5:11, 12.



Buhata Ini

14. Ang ebanghelyo nagakahulogan sang
a... a) Maayong Balita sang kaluwasan kay Jesu-Kristo
..... b) pagwali
..... k) mga tulomanon sa simbahan.
15. Sauloha ang Mga Binuhatan
16:31 kag 1 Juan 5:11, 12.

Sabat: 14. a) Maayong Balita sang kaluwasan kay Jesu-Kristo

Ang magtuo kay Ginuong Jesus nagakahulogan nga magsalig ikaw sa Iya. Nakahangop kag nagahigugma Sia sa imo. Nagapangamuyo Sia sa Amay para sa imo. Si Ginuong Jesus ang ginpili sang Dios sa paghimo sini.

Kay may isa ka Dios, kag may isa ka manugpatunga sa Dios kag sa mga tawo, ang tawo nga si Kristo Jesus. 1 Timoteo 2:5.

Kag walay kaluwasan sa bisan kay sin-o nga iban, kag walay iban nga ngalan sa idalom sang langit nga ginhatag sa mga tawo nga paagi sa Iya kinahanglan kita maluwas. Mga Binuhatan 4:12.

Nagsiling si Ginuong Jesus, “Ako amo ang Dalan.” Wala na sing iban nga alagyan pakadto sa Dios. Indi ikaw makalakat sa duha ka dalan sa isa ka tion. Kinahanglan isikway mo ang bisan ano nga dalan nga *daw sa* makatuytoy sa imo padulong sa Dios agud masunod nimo si Ginuong Jesus, ang matuod nga dalan. Kinahanglan ibug-os mo ang imo pagtuo sa Iya.

Kon nakahinulsol na ikaw kag nagatuo sa mga saad sang Dios kag nagsalig kay Kristo nga imo Manluluwas, naluwas na ikaw.

Buhata Ini

16. Ang Biblia nagatudlo sa aton nga
 a) si Ginuong Jesus amo
 lamang ang dalan padu-
 long sa Dios.
 b) madamo ang alagyan pa-
 kadto sa Dios.

Sabat: 16. a) si Ginuong Jesus amo
 lamang ang dalan padulong sa Dios.

Gusto mo bala mapat-od nga si Ginuong Jesus amo ang imo Manluluwas? Gusto mo bala nga ihalad liwat ang imo kabuhi sa Dios, kag segu-rohon nga nagalakat ikaw kaupod Niya? Sugiri Sia paagi sa mga pulong sining pangamuyo:

Pangamuyo

Salamat O Dios, sang Imo gugma sa akon kag sa pagpadala mo sang Imo Anak nga si Ginuong Jesus sa pagpakamatay tal-os sa akon. Ginabaton ko Sia nga akon Manluluwas kag Agalon. Salamat sang imo pagpatawad sang akon mga sala kag pagbaton mo sa akon nga Imo anak. Buligi ako nga magmangin maayo kag magmangin matinumanon kag sa pagpahamuot sa Imo sa tanan nga butang. Ginahatag nakon ang akon kaugalingon sa Imo. Buligi ako sa paglakat upod sa Imo sa bug-os ko nga kabuhi. Kabay pa.

TION PARA SA PALASINAWAN

Karon, imo na masulat ang mga sabat sa imo palasinawan.

PAGPAKILALA sang LEKSYON 3

Pangibulahan sa pagtapos mo sa pagtuon sang leksyon 2. Karon, ang ICI nagatanyag sa imo sang Leksyon 3 nga ginatigulohan, "ANG IMO AMAY NAGAPAKIGHAMBAL SA IMO."

Subong sang isa ka bata nga nakatuon sa pagkilala sang tingog sang iya amay, ikaw man makatuon sa pagpamati kag sa paghigugma sa tingog sang imo Langitnon nga Amay. Ang Biblia nagasiling nga may madamo nga mga sari sang tingog sa kalibutan. Kon indi nimo makilala ang tingog sang Dios, mahimo ka madayaan ni Satanas. Apang indi kinahanglan nga madayaan ka! Kon buot ikaw makahibalo sang mas maayo pa kon paano "ANG IMO AMAY NAGAPAKIGHAMBAL SA IMO" magsulat kag magpangayo sang Leksyon 3 sa sining "ANG BAG-O MO NGA KABUHI" nga mga tulong. Mahibalo-an nimo kon bala nagpamati ikaw sa Iya ukon wala!

Indi magpadugay, magpadala sang diotay nga bulig kag magpangayo sang Leksyon 3 nga ginatig-ulohan, "ANG IMO AMAY NAGAPAKIGHAMBAL SA IMO" kag sang Leksyon 4, nga ginatig-ulohan "GUSTO MO BALA NGA MAGTUBO?" karon! Ipadala ang imo pangabay sa:

**INTERNATIONAL CORRESPONDENCE
INSTITUTE**

PHILIPPINE NATIONAL OFFICE

P. O. BOX 1084 - MANILA

LEKSYON 3

**ANG IMO AMAY
NAGAPAKIGHAMBAL
SA IMO**



Ang Matun-an Mo Sa Sini Nga Leksyon

Ang Dios Buot Magpakighambal sa Imo

Ang Dios Nagahambal sa Madamo nga Paagi

Paano Ginsulat ang Libro sang Dios Mga Reperensya sa Biblia

Paano Mabatian ang Tingog sang Dios

Ang Dios Buot Magpakighambal sa Imo

Ano nga sari sang amay ang wala nagakalipay sa pagpakighambal sa iya mga anak bisan ini sila

lapsag pa kag yuhom lang ang mahatag nga sabat? Ang Langitnon mo nga Amay buot man magpakighambal sa Iya mga anak, magpakita sang Iya gugma sa ila, magtudlo sa ila, kag magbulig sa ila mga gumontang. Luyag ka bala nga magpamati sa Iya tingog?

Buhata Ini

1. Ang Dios

- a) buot magpakighambal sa Iya mga anak
- b) balaan kaayo kag indi takos nga magpakighambal sa aton.
- k) wala naga pakighambal sa mga tawo karon.

Sabat: 1. a) buot magpakighambal sa Iya mga anak.

Ang Dios Nagahambal sa Madamo nga Paagi

“Ang Dios sa dumaan nga ti-on naghambal sa aton mga ginikanan paagi sa mga manalagna sa madamo kag sari-sari nga bagay; apang sa sining ulihi nga mga adlaw naghambal Sia sa aton paagi sa Anak. . .” Mga Hebreo 1:1, 2.

Yari ang pila ka mga paagi sang paghambal sang Dios sa imo.

▲ Direkta sa Imo Tagipusoon

Ang Balaan nga Espiritu nagahimo sang presensya ni Ginuong Jesus nga matuod sa imo. Mahimo nga maghambal Sia paagi sa imo konsensya, nga magapabatyag kon ano ang imo dapat himuon ukon magapaandam sa imo nga indi ka maghimo sang isa ka bagay. Mahimo Niya nga himuon ang isa ka espirituhanon nga kamatuoran nga magmaathag sa imo. Ukon imo mabatyagan nga ang Dios buot magpabuhat sa imo sang isa ka butang. Kon magpangamuyo ikaw, pangayoa sa Dios nga maghambal sa imo kag paabota nga mabatian ang Iya tingog sa imo tagipusoon.

Buhata Ini

2. Paano makahambal ang Dios sa imo tagipusoon?

(Pagpili sang duha ka sabat)

.... a) makabati ikaw sing tingog

.... b) mabatyagan nimo nga luyag ka magbuhat sang isa ka butang.

.... k) paagi sa damgo kag palanan-awon.

.... d) ang espirituhanon nga kamatuoran mahimo nga sa hinali magmangin matuod kag maathag sa imo.

Sabat: 2. b) mabatyagan nimo nga luyag ka magbuhat sang isa ka butang. d) ang espirituhanon nga kamatuoran mahimo nga hinali magmangin matuod kag maathag sa imo.

▲ Paagi sa Iya mga Pagpakamaayo

Ginasiling sang madamo nga mga Kristiano nga sa tion nga sila natawo liwat nagbalhin ang ila panan-aw sang kalibutan. Kag mahimo nga may bag-o man ikaw nga pagtamod sa mga pagpakamaayo sang Dios samtang nagatulok ikaw sa palibot nimo. Mabatyagan mo ang Iya presensya sa katahum sang iya mga binuhat sa kalibutan. Mabatyagan mo nga malapit Sia sa imo paagi sa mainiton nga pagpakig-abyan sang iban nga Kristohanon. Ang kapid-an nga mga pagpakamaayo sa palibot nimo nagasugid sang kaayo sang Dios. Nagahambal Sia bilang pagsabat sang imo mga pagpangamuyo. Ang mata sang pagtuo makakita sang yuhum sang Dios kag ang igdulogog sang Dios kag ang igdulogog sang imo espiritu makabati sang Iya ginasiling, “Anak, ginahigugma ko ikaw.”

Buhata Ini

3. Nakahambal bala ang Dios sa imo?
Kasan-o?
4. Hingalani ang pila sang mga pagpakamaayo nga imo nabaton nga nagpakilala sa imo nga ginahigugma ikaw sang Dios.

.....

.....

.....

.....

▲ Paagi sa Iban nga mga Kristohanon

Sa sulod sang isa ka panimalay kon kaisa

mabati-an naton ang kamagulangan nga nagasabdong sa iya mga manghod, “Indi, indi! Indi gusto ni Tatay ina.” Ukon, “Tan-awa bala, amo ini ang gusto ni Tatay.”

Ang Dios nagahambal man sa iya mga anak paagi sa mga hamtong nga kautoran sa iglesia. Buot Niya nga magpakigkita kita sa masunson sa mga Kristohanon agod magamit Niya sila sa pagpabaskog, sa pagtuytoy kag sa pagbulig sa aton.

Magpasakop kamo ang isa sa isa sa pagtahud kay Kristo. Mga Taga Efeso 5:21.

Buhata Ini

5. Nakabulig na bala ang iban nga mga Kristohanon sa imo sa paghangop kon ano ang buot sang Dios nga imo buhaton?
6. May nakabulig bala sa pagpabakod sa imo agod magmaayo ikaw nga Kristohanon? Sin-o?
7. Pasalamat ang Dios karon tungod nga nagapakighambal Sia paagi sa Iya mga anak. Pangayoa sa Iya nga makahambal Sia paagi sa imo sa pagbulig sa iban agod makakita man sila sang kaluwasan, ukon sa pagpabakod sang iban sa pagsunod sa Ginuo.

- ▲ Paagi sa espirituhanon nga mga hiyas kag mga pag-alagad

Ginhatag sang Balaan nga Espiritu sa Iglesia ang nanuhaytohay nga mga hiyas nga espiritu-

hanon. Nagahambal Sia sa aton paagi sining mga hiyas. Nagahatag Sia sang mensahe sang Dios para sa Iglesia sa mga pastor, mga manunudlo, mga ebanghelista kag mga manunulat. Buot Sia maggamit sang tanan nga mga Kristohanon sa pagsugid sa iban nahanungod sa Dios. Kag malahalalon gid para sa imo ang pagtambong sang mga panimbahon sa masunson. Sa tagsa ka tion nga ikaw magsimba, pamatii kon ano ang igahambal sang Langitnon nga Amay sa imo.

Kay diin ang duha ukon tatlo nagatipon sa akon ngalan, yara ako sa tunga nila. Mateo 18:20.

Buhata Ini

8. (Magpili sang duha ka husto nga sabat)
Kon kaisa nagahambal ang Dios sa mga katawohan paagi sa
.... a) wali sang pastor ukon ebanghelista
.... b) mga espiritista
.... k) mga babaylan
.... d) mga balasahon kag libro sang mga Kristohanon nga manunulat.
9. Kon yara ikaw sa simbahan nagapaabot bala ikaw nga maghambal ang Dios sa imo?
10. Nakapakighambal bala ang Dios sa imo paagi sa sini nga libro?
11. Pangayoa sa Dios nga magpakighambal Sia sa imo sa tanan nga tulon-an sini nga libro.

Sabat: 8. a) wali sang Pastor ukon ebanghelista. b) sa balasahon kag libro sang mga Kristohanon nga manunulat.

▲ Paagi sa mga ambahanon

Masami nga magahambal ang Dios sa imo paagi sa mga tinaga sang mga ambahanon ukon sa malip-ot nga mga kalantahon sang Maayong Balita. Matingala ikaw nga masunson ibutang Niya sa imo panghunahuna ang mga tinaga sang ambahanon sa tion gid nga kinahanglanon mo ang mensahe sini.

Nga nagahinambalay sa salmos kag mga ambahanon kag mga kalantahon nga espirituhanon, nga nagaambahan kag naga-dayaw sa Ginuo sa inyo bug-os nga tagipusoon. Mga Taga Efeso 5:19.

Buhata Ini

12. Pangayoa sa Ginuo nga buligan ikaw nga makahibalo gilayon sang kalantahon nga ginakanta sa simbahan. Kantaha ini sa inyo balay sing masunson.
13. Himoa nga kinabatasan nimo ang maghunahuna nahanungod sang imo ginakanta. Hangpa sing maayo ang imo ginakanta. Pangayoa sa Ginuo nga buligan Niya ikaw nga magamit sa imo kabuhi ang mga pulong sang kalantahon.

▲ Paagi sa Biblia

Nagahambal ang Dios sa imo paagi sa Iya libro, ang Balaan nga Kasulatan. Amo ini ang pat-od nga paagi sa pagpahibalo sang Iya mensahe. Ang pastor indi makahibalo sa tanan nga tion sang kabubot-on sang Dios sa imo. Ang mga kautoran nimo kay Kristo mahimo nga makahatag sang laygay nga indi husto. Kag indi sa tanan nga tion nga ang damgo kag palanan-awon nagagikan sa Dios. Mahimo nga damguhon nimo ang butang nga masunson mo ginahunahuna, ukon ang butang nga ginalubong nimo sa imo painuino. Mahimo nga makabatyag ikaw sa paghimo sang isa ka bagay, kag abi nimo nga amo ina ang gusto sang Dios nga pagabuhaton mo, apang ang kaugalingon nimo nga handum amo ang nagapilit sa imo sa paghimo. Gani, paano naton mahibaloan ang tingog sang Dios?

Salamat sa Dios nga may mensahe Sia nga nasulat para sa imo sa Biblia. Kinahanglan timbangan naton ang tanan nga butang suno sa nasulat sa Biblia. Amo ina kon ngaa nga kinahanglan gid ang pagtuon sang Pulong sang Dios, subong sang imo ginahimo karon. Paagi sining una nga pagtuon, mahangpan mo pa gid ang Biblia. Matun-an nimo kon paano mabutang sa buhat ang mga ginatudlo sini sa imo kabuhi.

Buksi ang akon mga mata, agud nga makakita ako sing makatilingala nga mga butang gikan sa imo kasugoan. Sa gihapon, O Ginuo ang imo pulong malig-on sa langit. Ang imo mga pulong suga sa akon mga tiil kag

kapawa sa akon banas. Ang pagbukas sang imo mga pulong nagahatag sing kapawa; nagahatag ini sing paghangup sa bunayag. Ang kabug-osan sang imo pulong kamatuoran kag ang tagsa-tagsa sang imo matarung nga mga pagsulondan nagapadayon sa gihapon. Salmo 119:18, 89, 105, 130, 160.

Buhata Ini

14. Ang pat-od nga paagi sa paghibalo sang mensahe sang Dios para sa imo amo
- a) ang pagtuon kon ano ang ginasing sang Dios sa Biblia.
 - b) ang pagpamati sang laygay sang imo mga abyan.
 - k) ang imo balatyagon nahanungod sang imo pagabuhaton.

Sabat: 14. a) ang pagtuon kon ano ang ginasing sang Dios sa Biblia.

Paano Ginsulat ang Libro sang Dios

Sa mga dag-on nga nagliligad, ang Dios nagpili sang maayo nga mga tawo sa pagsulat sang Iya mensahe. Ginbugnaan sila sang Balaan nga Espiritu kon ano ang ila isulat. Ang Dios naggamit sing bale kap-atan ka mga tawo sa pagsulat sang libro nga ginatawag ang Balaan nga Kasulatan, sa kalawigon nga kapin sa 1,600 ka tuig.

Ang libro nga ini may himpit nga pag-ugyon kag nagapahayag sang isa lamang ka tema sa pagkaisa nga aton mahibaloan nga ini naghalin sa isa ka tagpatuga – Dios.

Buhata Ini

15. (Pagpili sang duha ka husto nga sabat.)

Ang mga tawo nga nagasulat sang Biblia

.... a) maayo nga mga tawo.

.... b) ginbayaran sang hari sa pagsulat.

.... k) ginbugnaan sang Balaan nga Espiritu.

.... d) naghimo sing madamo nga sayop.

Sabat: 15. a) maayo nga mga tawo. k) ginbugnaan sang Balaan nga Espiritu.

Sa mga tinuig nga nagligad, ginpatipon sang Dios sa Iya mga kaanakan ining kan-uman kag anom nga mga libro kag ginhimo nga isa ka libro, ang Balaan nga Kasulatan ukon Biblia. Ang kahulogan sang Balaan nga Kasulatan amo ang *mga libro sang Dios*. Ang nahauna nga katloan kag siyam ka libro nasulat sang wala pa matawo si Ginuonng Jesus diri sa duta. Amo ina ang ginatawag nga Daan nga Katipan. Ang ikaduha nga bahin sang Biblia amo ang Bag-o nga Katipan. May duha ka napulo kag pito ka mga libro diri nga nasulat pagkatapos nga nagkari si Jesus kag naghimo sang isa ka bag-o nga katipan sa tunga sang Dios kag sang tawo. Ining mga libro naghahatag sa aton sang mga tulomanon sa sining katipan.

Buhata Ini

16. Ang Biblia may duha ka dalagku nga bahin nga ginatawag

.... a) Ang Daan nga Katipan kag ang Apokalipses.

.... b) Ang Daan nga Katipan kag Bag-o nga Katipan.

.... k) Ang kasugoan kag ang Manalagna.

17. Pila tanan ka libro ang yara sa Biblia?

.... a) 39 ka libro sa Daan nga Katipan kag 27 ka libro sa Bag-o nga Katipan

.... b) 29 ka libro sa Daan nga Katipan kag 37 ka libro sa Bag-o nga Katipan.

Sabat: 16. b) Ang Daan nga Katipan kag Bag-o nga Katipan. 17. a) 39 ka libro sa Daan nga Katipan kag 27 ka libro sa Bag-o nga Katipan.

Sa kamunoan ginsulat ang Daan nga Katipan sa pulong nga Hebreo. Kag ang Bag-o nga Katipan nasulat sa Griego. Ginhatag sang Dios sa aton ang Iya Libro para sa tanan nga mga katawhan. Kag gusto Niya nga ang tanan nga mga katawhan makabasa sini. Gani ginbuligan Niya ang Iya mga kaanakan sa pagbadbad sang Iya pulong sa nagkalainlain nga mga pinulongan. Karon, may mga bahin sang Biblia nga nabadbad na sa kapin sa 1,300 ka mga pinulongan.

Buhata Ini

18. Sa kamunoan ginsulat ang Biblia sa pulong nga

- a) Hebreo kag Latin
- b) Español kag Griego
- k) Pransea kag Inglis
- d) Hebreo kag Griego

19. Ang Biblia amo ang

- a) libro para sa aton tanan
- b) libro para lamang sa mga mataas sing tinun-an
- k) libro para sa mga ministro kag indi para sa iban.

Sabat: 18. d) Hebreo kag Griego 19. a) libro para sa tanan

Kon kaisa, sa isa ka pinulongan madamo ang mga pagbadbad sang Biblia. May iya sang Katoliko kag may iya sang Protestante. Apang pareho man lang ang ila ginapaathag ukon ginahambal.

Ang mga bersikulo sa sini nga mga tulon-an ginkuha sa Hiligaynon nga pagbadbad sang Biblia.

Buhata Ini

20. Ang mga dinalan sang Bag-o nga Katipan sa sini nga libro ginkuha sa
- a) "King James Version"
 - b) "Revised Standard Version"
 - k) Hiligaynon nga Biblia

Sabat: 20. k) Hiligaynon nga Biblia

Mga Reperensya sa Biblia

Ang tagsa ka libro sang Biblia ginabahin sa mga kapitulo. Ang tagsa ka kapitulo ginabahin sa pila ka mga dinalan nga ginatawag nga bersikulo. Ang mga kapitulo kag bersikulo ginanumerohan agud madali naton makita ang aton ginapangita sa Biblia. Kon gusto mo matandaan ang isa ka dinalan sa Biblia, isulat anay ang ngalan sang libro, masunod numero sang kapitulo, butangan sang duha ka pintok (:) kag numero sang bersikulo. Ang Juan 3:16 nagatudlo sa imo sa libro ni Juan, kapitulo 3, kag bersikulo 16.

Kon nagasulat ikaw sang duha ka bersikulo ukon madamo nga bersikulo nga indi pasunod, bahina ang tagsa ka numero paagi sa kudlit (.). Ang Juan 3:16, 17, 20 nagakahulogan nga ang mga bersikulo makita sa libro ni Juan, kapitulo 3, bersikulo 16, 17 kag 20. Amo ini ang reperensya sa Kasulatan.

Ang malip-ot nga linya nga yara sa tunga sang duha ka numero, nagapakilala nga ang tanan nga bersikulo nga nalikop sang amo nga mga numero ginalakip sa amo nga reperensya. Busa, ang Juan 3:16 - 22 nagakahulogan sa libro ni Juan, kapitulo 3, bersikulo 16 tubtob sa 22.

Kon indi gani pasunod ang bersikulo imo sila bahinon paagi sa kudlit (.). Ang Juan 3:16, 22, 23 nagakahulogan, sa libro ni Juan, kapitulo 3, bersikulo 16, 22 kag 23.

Kon nagasulat ikaw sang bersikulo sa lain nga kapitulo, gamita ang pintok kag kudlit (;) sa pagbahin sang reperensya. Ang Juan 3:16, 6:24 nagakahulogan nga libro ni Juan, kapitulo 3, bersikulo 16; kag Juan kapitulo 6, bersikulo 24.

Paano Mabatian ang Tingog sang Dios

Sa wala pa ikaw makapamati sa isa ka estasyon sang radyo, imo anay ipahamtang ang lilisoan agod maghisanto sa husto nga estasyon. Paano nimo mapahamtang ang lilisoan sang imo espiritu agod mabatian mo ang tingog sang Dios? Yari ang pila ka paagi sa paghimo sini.

- ▲ Basaha ang Biblia adlaw-adlaw
- ▲ Panumdoma kon ano ang imo ginbasa sa Biblia. Magpamalandong ikaw sa Pulong sang Dios.
- ▲ Himoa nga kinabatasan nimo ang pagsulit-sulit basa kag pagsaulo sang mga bersikulo sa Biblia labi na yadtong naluyagan nimo.

Ang bug-os nga Kasulatan ginbugna sang Dios kag mapinuslanon sa pagpanudlo, sa pagsabdong, sa pagsaway kag sa paghanas sa pagkamatarung, agud nga ang tawo sang Dios mahimpit, nga masangkapan nga sa tagsa ka maayong buhat. 2 Timoteo 3:16, 17.

Kon nagasugod pa lang ikaw sa pagbasa sang Biblia, magsugod sa Bag-o nga Katipan. Ang Dios magahambal sa imo sa maathag gid nga paagi sa kabuhi ni Ginuong Jesus kag sa Iya nga pagtudlo. Magadugang pa gid ang imo ihibalo nahanungod sa Bag-o nga Katipan nga ginhimo sang Ginuo sa aton sa wala pa nimo matun-i ang Daan nga Katipan.

Ang Dios sa dumaan nga tion naghambal sa aton mga ginikanan paagi sa mga manalagna sa madamo kag sarisari nga bagay; apang sa sining ulihi nga mga adlaw naghambal Siya sa aton paagi sa Anak. . . Mga Hebreo 1:1, 2.

- ▲ Magsimba sing masunson nga nagapaabot nga magpakighambal sa imo.
- ▲ Magpangamuyo adlaw-adlaw. Pangayoa sa Dios nga magpakighambal Sia sa imo. Kon magpangamuyo ikaw, mahimo nimo piyungon ang imo mga mata agod mapaiway ang mga butang sa palibot nimo nga makatublag sa imo. Kag indi nga ikaw lamang ang magahambal sa tanan nga tion. Maghulat man ikaw nga makahambal Sia sa imo tagipusoon.

- ▲ Magkanta sang mga ambahanon sa Ginuo kag hangpa ang kahulogan sini.
- ▲ Himoa nga kinabatasan nimo ang magtulok sa kaayo sang Dios, sa Iya gahum kag gugma sa palibot nimo.
- ▲ Magbasa ikaw sang mga balasahon nga Kristohanon kag magpamati sa Maayong Balita nga ginawaragwag sa radyo.
- ▲ Magpakighinun-anon ikaw sa iban nga mga Kristohanon nahanungod sa Dios kag sa Iya Pulong.
- ▲ Himuon mo ang ginasiling sang Dios nga imo pagabuhaton. Dumdoma nga kon Sia ang imo Manugtuytoy, kinahanglan magsunod ikaw sing matinumanon.
- ▲ Magmatutom ikaw sa imo mga leksyon sa sini nga libro kag sa iban nimo nga pagtuon sa Biblia, kag pangayoa sa Dios nga maghambal Sia sa imo paagi sini nga leksyon.

Buhata Ini

21. Karon sulati ang imo Palasinaan kag Rekord sang Bumolutho para sa Leksyon 3.

PAGPAKILALA sang LEKSYON 4

Nakapainuino bala ikaw kon ano ang ginahalinan sang espirituhanon nga kusog? Kon paano bala magmaisog ang mga Kristohanon sa pag-atubang sang mga leon, kag pagkadto sa wala makilala nga duog kag magbatas sang mga kali-sod kag paghingabot? Ngaa bala nga ang iban nga Kristohanon makakabuhi sang madinaugon nga kabuhi samtang nagakapalta ang iban?

Ang Leksyon 4 sa sining mga tulong sa “ANG BAG-O MO NGA KABUHI” magapahayag sang paagi sa pag-angkon sang gahum nga matuod nga nagakatabo sa nagadamo nga Kristohanon sa bug-os nga kalibutan. Ikaw mahimo man nga makatuon sang paagi sa pag-angkon sang espirituhanon nga kusog kag pagkahamtong. Kon buot gid ikaw magtubo espirituhanon kag nga magmangin makusog nga Kristohanon magsulat karon nga adlaw para sa leksyon 4 nga ginatig-ulohan “GUSTO MO BALA NGA MAG-TUBO?” Mga bag-o nga paagi sa pagtubo kag pagdugang sa espirituhanon nga kusog ang matukiban nimo sa masunod nga leksyon.

LEKSYON 4

**GUSTO MO
BALA NGA
MAGTUBO**



Ang Matun-an Mo Sa Sini Nga Leksyon

**Pakaona ang Imo Kalag Adlaw-adlaw
Magpahuway sa Ginuo**

**Maghalong Batok sa Balatian: Magma-
tinlo**

**Maghalong Batok sa Balatian: Indi
Mag-inom sang Hilo**

Espirituhanon nga Paghanas

Ang butang nga imo pagabuhaton karon amo ang pagtubo nga espirituhanon. Paano nimo mahimo ini? Kaangay lamang ini sang lawasnon nga pagtubo sang bata:

- ▲ Magkaon sing husto nga pagkaon
- ▲ Magpahuway
- ▲ Likawan ang balatian
- ▲ Maghanashanas

Naghatag ang Ginuo sa imo sang kabuhi, kag karon himuon nimo ang imo bahin sa pagpatubo sina. Sagora ang imo nga kalag, magsalig ikaw sa Iya mga saad, himoa ang tanan nga mahimo mo sa paglikaw sa makahalit nga mga butang, kag himoa ang espirituhanon nga paghanashanas nga makita nimo sa Pulong sang Dios. Kon mahimo nimo ining apat ka bagay, magatubo ikaw espirituhanon kag may kalipay adlaw-adlaw tungod sang *mas bugana nga kabuhi* nga ginhatag sang Dios sa Iya mga kaanakan.

Buhata Ini

1. (Pagpili sang apat ka husto nga sabat.)
Ang kinahanglan nimo sa espirituhanon nga pagtubo amo ang
- a) pagtinlo sang imo kalag
 - b) espirituhanon nga paghanashanas
 - k) pagpamati sang drama sa radyo
 - d) pagsalig sa Dios
 - e) pagpakaon sang imo kalag
 - g) paglikaw sa mabug-at nga trabaho
 - h) paghimo sang penitensya

Sabat: 1. a) pagtinlo sang imo kalag b) espirituhanon nga paghanashanas k) pagsalig sa Dios d) pagpakaon sang imo kalag

Pakaona ang Imo Kalag Adlaw-adlaw

Ang pagpakighambal sa Dios isa ka paagi sang pagsagod sang imo kalag. Nagapakighambal ang Dios sa imo sa Iya nga Pulong kag nagahambal

ikaw sa Iya paagi sa pagpangamuyo.

Apang nagsabat Sia, nasulat na, Indi lamang sa tinapay mabuhi ang tawo, kundi sa tagsa ka pulong nga nagagowa sa baba sang Dios. Mateo 4:4.

Subong sang mga bata nga bag-o natawo, handoma ang gatas nga espirituhanon nga walay simbog, agod nga bangod sini magtubo kamo sa kaluwasan. 1 Pedro 2:2.

Ang Pulong sang Dios, ang Biblia, amo ang espirituhanon nga gatas nga dapat nimo imnon sa masunson.

Nabudlayan bala ikaw sa paghangop sa Biblia? Sa wala pa ikaw magsugod sa pagbasa kada adlaw, magpangayo anay sa Ginuo nga ipaathag Niya sa imo ang Iya Pulong. Magpamangkot sa hamtong nga mga Kristohanon sang Iglesia ukon sa Pastor sang indi nimo mahangpan sa Biblia.

Hingaliti ang tanan nga kahigayonan sa paghibalo sang ginatudlo sa Biblia, paagi sa Bulothoan Pang-Domingo, sa panimbahon, kag sa pinasahi nga mga pagtuon kaangay sini. Imo man mapakaon ang imo kalag paagi sa pagbasa sang mga balasahon nahanungod sa Dios.

Gusto mo bala ang madasig nga pagtubo sa Ginuo? Magkaon ikaw sing maayo. Magbasa ikaw bisan isa lang ka kapitulo sang Bag-o nga Katipan, adlaw-adlaw. Ini nga bahin sang Biblia nagasugid sa aton nahanungod sa aton Ginuong Jesu-Kristo kag nagatudlo sa aton kon paano kita dapat magkabuhi. Maayo gid nga makasaulo ikaw sang bersikulo nga imo nagustohan.

Paagi sini mapatubo nimo ang imo gana sa pagbasa sa Pulong sang Dios.

Daw ano katam-is ang imo pulong sa akon idilimdim, matam-is pa sa dugos sa akon baba! O daw ano ang paghigugma ko sang imo kasugoan! . . . Salmo 119:103, 97.

Buhata Ini

2. (Pagpili sang duha ka husto nga sabat.)
Para sa espirituhanon mo nga pagtubo, mapakaon nimo ang imo kalag paagi sa
.... a) pagbaisbais nahanungod sa relihiyon
.... b) pagbasa sang Biblia kag pagpangamuyo
.... k) pagkaon sang manok kag kan-on
.... d) pagbasa sang balasahon nahanungod sa Dios
3. Makalagda bala ikaw sa sini nga saad?

Ginuo paagi sa imo nga bulig, magatinguha ako sa pagbasa sang imo Pulong sa tanan nga adlaw sang akon kabuhi. Kon indi gani ako makabasa, akon sambiton ang mga nasaulo nakon nga mga bersikulo ukon magpangabay sa iban sa pagbasa para sa akon. Akon saguron ang akon kalag paagi sa imo Pulong

Lagda

Petsa

Sabat: 2. b) pagbasa sang Biblia kag pagpangamuyo d) pagbasa sang balasahon nahanungod sa Dios.

Magpahuway sa Ginuo

Nabatyagan bala nimo ang kaluya sa paghimo

sang ginapabuhat sang Ginuo sa imo? Indi ikaw makakadto sa langit paagi sa imo kaugalingon nga pagpanikasog nga magmaayo, ukon sa maa-yong buhat nga imo ginahimo. Nagapadulong ikaw didto bangod kay ikaw anak sang Dios kag ang Langitnon nimo nga Amay nagatuytoy sa imo. Magatatap Sia sa imo. Isandig lamang ang imo pagtuo sa iya mga saad.

Nagmangin maluya bala ang imo nahauna nga tikang kaupod sa Ginuo? Nakasandad bala ikaw kag natumba, kag sa imo pamatyag wala na sing pulos ang magpadayon? Magpakabakod ikaw kay ang imo Amay nga naghatag sa imo sang bag-o nga kabuhi amo ang magatuytoy sa imo kag makapabangon sa imo liwat. Magsalig sa Iya presensya. Itugyan sa Dios ang imo kabuhi paagi sa pagpangamuyo, kag ituad ang imo kaluyahon. Kag pangayoa sa Iya ang kusog sa pagdaug batok sa mga pagsulay.

I Apang ang mga nagahulat sa Ginuo magabag-o sang ila kusog, magatimbuok sila nga may pakpak subong sang mga agila, magadalagan sila kag indi paglapyuon magalakat sila kag indi pagpunawon. Isaias 40:31.

Ginatublag bala ikaw sang mga gumontang sang kabuhi? Nahadlok ka bala? Nagakaluya ka bala tungod sa tuman nga pagpangabudlay? Kinahanglan nimo ang pagpahuway nga may pagsalig sa Ginuo agod ang imo palaligban, kaluya kag kahadlok indi makapugong sang imo espirituhanon nga pagtubo.

Makahibalo bala ikaw kon paano ang pag-angkon sining pahuway? Magtuo ikaw. Tuohi kon ano ang ginsaad sang Dios kag magdangop sa Iya, sa baylo nga magtulok sa imo problema. Amo ini ang pagtuo.

Si Jesus nagsiling kari sa akon, tanan kamo nga ginabudlayan kag ginabug-atan, kag pagpahuwayon ko kamo. Mateo 11:28.

Busa dili kamo maghimud-os, nga nagsiling, Ano bala ang aton kaunon? Ukon ano ang aton imnon? Ukon ano ang aton ipanapot? kay ang mga Gentil nagapangita sini nga butang kag ang inyo Amay nga langitnon makahibalo nga kamo may kinahanglan sini tanan. Apang pangitaa anay ninyo ang ginharian sang Dios kag ang Iya pagkamatarung, kag tanan ini nga butang idugang sa inyo. Mateo 6:31-33.

Kon hatagan nimo sing husto nga tion ang pagbasa sang Biblia kag ang pagpangamuyo adlaw-adlaw, magabulig ini sa imo sa paglambot sang duog sang kapahuwayan sa Dios. Samtang nagapangamuyo ikaw, itugyan ang imo kinahanglanon sa kamot sang Ginuo kag isalig sa Iya, nga nagatuo nga himuon Niya ang labing maayo para sa imo.

Buhata Ini

4. Sauloha ang Isaias 40:31.
5. Basaha sing tatlo ka beses ang Mateo 11:25, 28 kag Mateo 6:31-33.
6. Pangayoa sa Dios nga buligan Niya ikaw sa pagsalig sa Iya kag indi magpalibog.

Maghalong sa Balatian: Magmatinlo

Ang Dios kasubong sang isa ka iloy nga naginguha sa pagtinlo sang iya mga kabataan, kag ginapaiway sila sa mga bagay nga nagahatag sang balatian. Gusto Niya nga ipalayo ikaw sa mga bagay nga nagahatag sang balatian sa imo kalag. Sang pagluwas Niya sa imo, ginhugasan Niya ang imo mga sala kag ginhatagan ikaw sang matinlo nga tagipusoon. Kag ang malahalon gid nga imo tipigan ang katinlo, kon gusto nimo nga magmatambok ang imo kalag.

Tugoti ang Ginuo sa paglakat kaupod nimo kag sa pagtuytoy sa imo. Maglikaw sa lunang kag kahigko sang malauton nga kalingawan kag indidunganon nga pagpangabuhi. Indi ikaw magkadto sa mga duog nga indi makapahamuot sa Ginuo. Magmatinlo ikaw sa buhat, sa pulong kag sa panghunahuna.

Buhata Ini

7. (Pagpili sang duha ka husto nga sabat.)
Nagabiya ang mga Kristohanon sa mga malauton nga mga kalingawan kag indidunganon nga pagpangabuhi tungod
- a) ang Dios indi buot nga may kalipayan sila.
 - b) buot nila nga magmatinlo kag mabakod ang ila kalag.
 - k) buot sang Dios nga mapaiway sila sa mga mahigko nga buhat, pulong kag panghunahuna

Sabat: 7. b) buot nila nga magmatinlo kag magmabakod ang ila kalag. k) buot sang Dios nga mapaiway sila sa mga mahigko nga pulong, buhat, kag panghunahuna.

Bulahan ang mga putli sing tagipusoon, kay sila makakita sa Dios. Mateo 5:8.

Kon tugotan nimo ang imo painuino sa paghunahuna sang mahigko, makahalit ina sa imo kalag, makapaluya sang imo tinutuyo kag mangintunaan sang pagkahulog sa sala.

Paano ang pagpugong sang imo panghunahuna? Pun-a ini sang maayo nga mga butang. Basaha ang Biblia kag hangpa ang buot silingon sini. Magpangayo sa Dios nga buligan Niya ikaw sa pagpugong sang mga malain nga mga panghunahuna. Magpangamuyo sang subong sini:” . . . kag dili kami pagdalha sa panulay, kundi luwasa kami sa malaut.” Apang indi pa amo ini ang katapusan sang imo nga katungdanan. Kon gusto mo nga likawan ang sala, indi maghampang sang kalayo. Palayoi ang butang nga makasulay.

Kon gusto nimo nga may matinlo ikaw nga panghunahuna, indi ikaw magbasa sang mga mahigko nga libro, kag indi man magtulok sa mga mahigko nga mga laragway, ukon magpamati sa mga mahigko nga mga sugilanon.

Kabay nga ang pulong sang akon baba kag ang pagpamalandong sang akon tagipusoon mahamut-an sa imo itulolok, O Ginuo,

igang nakon kag Manunubos nakon. Salmo 19:14.

Buhata Ini

8. Mapunggan bala sang tawo ang iya panghunahuna?
 a) Huo, sa bulig sang Ginuo.
 b) Indi. Magapanghunahuna sia sang bisan ano nga nagaabot sa iya hunahuna.
 k) Makapugong ang bisan sin-o sang iya panghunahuna.
9. Nakapakigsumpong bala ikaw sa mala-in nga panghunahuna?
10. Sauloha ang Salmo 19:14 kag himoa ini nga pangamuyo. Maayo gid kon imo ini isambit adlaw-adlaw sa imo pangamuyo.

Sabat: 8. a) Huo, sa bulig sang Ginuo.

Mas mahapos ang paghatag sang bug-os mo nga kaugalingon sa Ginuo, kay sa mag-alagad sa Iya nga salimpapaw. Indi ka maghampang sa sala. Isikway ang bisan ano lang nga butang nga makahatag sing balatian sa imo espirituhanon nga kabuhi.

Apang kon nagalakat kita sa kapawa su-bong nga sia yara sa kapawa, may paghiam-bitay kita, kag ang dugo ni Jesus nga Iya Anak nagatinlo sa aton sa tanan nga sala.

Kon itoad ta ang aton mga sala, matutom kag matarung Sia, kag magapatawad sang aton mga sala kag magatinlo sa aton tanan nga pagkadimatarung. 1 Juan 1:7,9.

Ang dugo ni Ginuong Jesus nagahugas sa aton sala nga mga buhat kag sala nga mga panghunahuna.

Maghalong Batok sa Balatian: Indi Mag-inom sang Hilo

May mga panghunahuna kag balatyagon nga subong sang hilo nga makahalit sa lawas kag kalag. Ang kaakig, pagpalibog, kahisa, aligutgot, kaimon, kahadlok, kag pagkamainiton mangin tunaan sang pagsakit sa tiyan, ulcer, balatian sa kasingkasing kag iban pa nga mga balatian. Ginapunggan nila ang espirituhanon nga pagtubo kag nagatuga sang kasamok. Ang bugal, pagkadalok, pagkadimatinuohon kag pagkatig-a sang ulo, mga espirituhanon man nga hilo. Ginakuha nila sa Kristohanon ang iya kalipay kag ginabilin ang iya kalag nga maluya, masakiton kag masinulobon. Pangayoa sa Ginuo tagsa ka aga nga ilikaw Niya ining mga hilo sa sina nga adlaw.

Kon nagabatyag ikaw sang balatian kag kaluyahon sa espirituhanon mo nga kabuhi dumdoma nga si Ginuong Jesus amo ang Labing Maayo nga Manugbulong. Magkadto sa Iya sa pangamuyo nga maminatud-on kay hatagan Niya ikaw sang kaayohan sa imo lawas, hunahuna kag espiritu.

Buhata Ini

11. (Magpili sang duha ka husto nga sabat). Ang kaakig, aligutgot, kag pagpalibog
- a) mangin tunaan sang balatian.
 - b) indi makuha sa tagipusoon sang tawo.
 - k) subong sang hilo sa lawas kag kalag.
 - d) maayo para sa imo.

Sabat: 11. a) mangin tunaan sang balatian.
k) subong sang hilo sa lawas kag kalag.

Espirituhanon nga Paghanashanas

Nagabakod lamang ang lawas sang tawo paagi sa paghanashanas ukon ehersisyo kag ang kalag magabakod kon mag-alagad sa Dios. Gikan sa nahauna nga adlaw sang pagbalhin sang imo kabuhi, madamo nga mga butang ang imo mahimo sa pagpakita sang imo pagpasalamat sa Dios sa daku nga kaluwasan nga Iya ginhatag. Samtang ikaw nagatubo espirituhanon kag nagatuon sang Pulong sang Dios, magahatag pa gid Sia sa imo sang dugang nga mga kahigayunan kag katungdanan sa Iya bulohaton.

Yari ang pila ka espirituhanon nga paghanashanas: Ang pagsugid sa iban nahanungod kay Ginuong Jesus, ang pagpangamuyo sa ila, ang pag-agda sa ila sa pagkadto sa simbahan. Ang pagpakigbahin sa iglesia kag ang imo pagpakig-away batok sa sala magabulig sa imo sa pagtubo nga espirituhanon.

Buhat. Ini

12. (Magpili sang duha ka husto nga sabbat.) Ang espirituhanon nga paghanas-hanas amo ang
 - a) pagsugid sa iban nahanungod kay Ginuong Jesus.
 - b) pagpakigbais sa mga nagayaguta sa Pulong sang Dios.
 - k) pag-agda sa iban nga magtambong sa mga panimbahon.
13. Ano ang ginbuko mo nga pagahimuon agud magmadasig ang imo pagtubo nga espirituhanon? Isulat ang imo sabbat sa sini nga pamangkot sa "Rekord sang Bumolutho".

Sabat: 12. a) pagsugid sa iban nahanungod kay Ginuong Jesus. b) pag-agda sa iban nga magtambong sa mga panimbahon.

TION PARA SA PALASINAWAN

Karon imo na masulat ang mga sabbat sa imo palasinawan.

PAGPAKILALA sang LEKSYON 5

Bag-o lang nimo natapos ang Leksyon 4 kag karon ang Leksyon 5 nagahulat sa imo. Masami nga indi mabaton sang madamo nga mga tawo ang pag-pakamaayo bisan nga nakalambot na sila sa duog nga madali na gid lang nila ini mabaton. Ina bangod nga nag-untat sila gilayon. Indi kita makasiling nga ang Leksyon 1 tubtob sa 4 indi subong ka makakulonyag sang sa iban, apang ang Leksyon 5 amo ang magapaathag sang imo **BAG-ONG KABUHI** sa imo **BAG-ONG MGA BULOHATON**. Dapat nga makita mo ini agud matuohan mo. Ini nga Leksyon magahatag sa imo sang dugang pa gid nga ihibalo nahangungod sa imo bag-o nga mga hilikuton kag bag-o nga mga huyog nga ginplano sang Dios para sa imo kabuhi. Ini nga Leksyon magabulig sa imo sa pag-angkon sang ihibalo sang imo mga katungdanan sa imo panimalay, sa simbahan kag sa kalibutan.

Indi ka magmangin hilaw nga Kristohanon. Ang Dios may natigana nga mas madamo pa para sa imo. donasyon sa ICI kag ang Leksyon 5 kag ang Leksyon 6 nga ginatig-ulohan ang **BAG-O MO NGA TALAKSAN**, igapadala sa imo. Magsulat sa

**INTERNATIONAL CORRESPONDENCE
INSTITUTE**

PHILIPPINE NATIONAL OFFICE

P. O. Box 1084, Manila

LEKSYON 5

**BAG-ONG KABUHI —
BAG-ONG MGA BULOHATON**



Ang Matun-an Mo Sa Sini Nga Leksyon

Paano ang Paggamit Mo sang Imo Tinion?

Kon Magbalhin ang Imo Huyog

Ang Bag-o Mong Huyog

Ang Pagtambong sa Panimbahon

Ang Pagbasa sang Biblia

Pangamuyo: San-o Dapat Mag-pangamuyo

Pangamuyo: Paano ang Pagpangamuyo

Ang Pagpamatuod

Ang Pag-amba sa Ginuo

Ang Pagbantala sang Maayong Balita

Ang Paghatag

Ang Pagbulig sa Bisan ano nga Paagi nga Imo Masarangan

Ang Pagpakigbahin sa Organisasyon sang Iglesia

Madamo bala ang mga Bulohaton?

Paano ang Paggamit Mo sang Imo Tinion

Nagakinahanglan ikaw sang tinion tagsa ka adlaw sa pagtrabaho, sa pagkaon, kag sa pagtulog apang paano ang paggamit mo sang iban nimo nga mga tinion? Kon ano ang ginahimo sang isa ka tawo sa tion nga hilway sia, nagapakita man kon ano ang huyog niya kag sang iya panimalay. Ang iban nagatrabaho sa tanan nga tion, kag ang iban nagalingawlingaw lamang. Ang iban nagakadto sa simbahan kag nagapakigbahin sa bulohaton sini; ang iban “wala sing tinion para sa sina nga butang”.

Seguro wala ikaw sang nagakaigo nga panahon sa paghimo sang tanan nga gusto nimo nga himuon. Apang mahimo nimo hatagan sang tion ang mga bagay nga gusto gid nimo buhaton.

Buhata Ini

1. Ang imo bulohaton sa hilway nga tinion madali nga mahibaloan paagi sa
 - a) imo mga huyog.
 - b) hambal sang iban.
 - k) luyag sang imo ginikanan.

Sabat: 1. a) imo mga huyog.

Ang Bag-o Mong Huyog

Wala na ikaw karon nagahampang sang mga hampanganan nga naluyagan mo sang bata pa ikaw bangod kay masako na ikaw sa paghimo sang mga butang nga nagustohan mo. Kon magbalhin ang imo huyog, magabalhin man ang imo mga bulohaton.

Mahimo nga matingala ang mga abyan nimo nga wala na ikaw sing huyog sa “pagpangalipay” kaupod nila sa mga butang nga makahalit sang imo lawas ukon makasamad sang imo kalag. Indi nila mahangpan nga nagsulod na ikaw sa pagkabuhi nga may bugana pa nga kalipayan, nga napun-an sang mapuslanon nga tion kag may makalilingaw nga bulohaton.

Magabalik pa bala ikaw sa mga butang nga nahibaloan mo nga indi makahatag sing kaayawan? Pamangkota ang isa ka tawo nga nagakaon sang pan-os nga kan-on gikan sa basurahan kag pagkatapos gin-agda sang manggaranon niya nga abyan nga magkaon adlaw-adlaw upod sa iya kon bala mabalik pa sia sa pagkaon sa basurahan.

Buhata Ini

2. Nagbalhin bala ang imo mga huyog sumogod sang ginbaton mo si Ginuong Jesus nga imo Manluluwas?....
.....
3. Nagbalhin bala ang imo mga bulohaton?

Ang Bag-o Mong Huyog

Bilang anak sang Dios may bag-o na ikaw nga mga huyog. Amo ini ang nagatuytoy sa imo sa mga bulohaton sang iglesia kag sa kaugalingon nga mga katungdanan. Magabuhat pa ikaw sang mga bagay nga ginahimo mo sa kinaandan katulad sang pagtrabaho, pagkaon, pagtulog kag pagtatap sang bulohaton sa sulod sang balay. Apang ang matuodtuod mo nga pagkabuhi masentro sa bag-o mo nga huyog.

Labaw sa tanan, kon nagahigugma ikaw sa isa ka tawo, buot ka nga mag-upod sa iya kag buot mo nga lipayon sia. Subong karon nga ginahigugma mo ang Dios, buot ka maghatag sang imo mga tinion sa Iya kag buot mo man nga lipayon Sia sa tanan nga ginabuhat mo.

Buhata Ini

4. Ang malahalón nga huyog sang anak sang Dios amo

- a) ang pagtinguha sa pag-angkon sang kuwarta.
- b) ang paglipay sang iya kaugalingon.
- k) ang pagpakig-upod sa iya Langitnon nga Amay kag sa pagbuhat sang mga butang nga makapahamuot sa Iya.

Sabat: 4. k) ang pagpakig-upod sa iya Langitnon nga Amay kag sa pagbuhat sang mga butang nga makapahamuot sa Iya.

Daku gid ang aton handum sa pagpakig-ambit sang Ginharian sang aton Amay nga igapasad diri sa duta. May bulohaton Sia para sa tagsa-tagsa sa aton. Tanan kita nagahanda sa pag-abot ni Ginuonng Jesus agud nga maghari sa tanan nga pungsod sa pagkamatarung kag sa paghidait.

Buhata Ini

5. Ano ang imo balatyagon karon nga nahibaloan mo nga ang Dios nagapaabot sang imo bulig sa paghanda sang mga butang para sa Iya pag-abot?
 - a) nagakalipay sa pag-angkon si-nang dungog kag kahigayunan.
 - b) nagakasubo kay may bulohaton para sa Dios.
6. Kon ang imo sabat sa pamangkot 5 amo ang "a)" pasalamatang ang Dios sa kahigayunan nga makapakigbahin ikaw sa Iya bulohaton kag Ginharian. Kon ang imo sabat amo ang "b)" ginapangabay ko nga pangamuyoan mo ini.

Ang bag-o mo nga handum sa ginharian sang Dios magahimo sa imo nga masako kag malipayon. Yari ang mga bulohaton nga magahatag sa imo sing bag-ong tinutoyo kag kahulogan sa imo kabuhi.

Ang Pagtambong sa Panimbahon

Ang panimalay sang Dios mga organisado nga mga iglesia. Ang mga Kristohanon sa tagsa ka duog nagatipon sing masunson sa pagsimba sa Ginuo, nagabulig sa isa kag isa sa espirituhanon nga pagtubo, kag nagabuyloganay sa bulohaton nga ginhatag sang Dios sa ila.

Ining pagtililipon ukon panimbahon, mahimo nga hiwaton sa balay lamang sang isa ka utod sa Ginuo, ukon sa pinatindog nga simbahan. Maluyag ikaw sa pagtambong sang mga panimbahon sa tanan nga tion, kag sa pagpanghagad sang imo mga abyan sa pagpamati sang Pulong sang Ginuo. May kalipay ikaw sa imo pagpakig-hiusa sa mga kautoran nimo sa Ginuo. Kag labi sa tanan ang himaya sang Ginuo imo mabatya-gan sa sini nga panimbahon.

Sa indi madugay, gusto mo nga magmangin katapo sang isa ka iglesia nga nagaalagad sa Dios kag nagawali sang Maayong Balita. Magpakigbahin ikaw sa ila nga bulohaton, kag magakalipay sa kahigayunan kag pagpakamaayo nga imo mabaton. Ini nga tulon-an makabulig agud magmangin maayo ikaw nga katapo.

Buhata Ini

7. Kon gusto mo nga gamiton ikaw sang Ginuo sa Iya bulohaton kag magkalipay sa pagpakamaayo sang Kristohanon nga paghiliusa kinahanglan

- a) magpalayo ikaw sa iglesia.
- b) magtambong ikaw sa iglesia apang indi lang magmangin katapo.
- k) magmangin katapo sang maayo nga iglesia kag magpakigbahin sa bulohaton.

Ano ayhan ang mahanabo kon sa pila ka adlaw ang pastor, ukon ang iban nga mga Kristohanon makapasandad sa imo nga wala ginatuyo paagi sa ila mga pulong? Sa sulod sang panimalay, kon ang kabataan mag-ilinaway, wala ini sila nagapalagyo palayo sa ila nga balay. Apang kon magkalatabo gani ini sa iglesia, ang iban nga mga Kristohanon nagasiling; “Nasandad ako sa iya. Indi na ako magbalik sa simbahan. Masimba na lang ako sa Ginuo sa amon balay.” Magandam! Kay amo ini ang paborito nga lalang sang panulay sa pagpaluya sang mga Kristohanon, kag sa pagpalayo sa ila sa Ginuo.

Dumdoma nga nagapaabot ang imo Amay nga ang Iya mga anak magtililipon sa Iya balay. Ayhan indi matahom ang simbahan. Ayhan wala ikaw maanad sa ila panimbahon, apang kinahanglanon gid nga makapakighiusa ikaw sa mga kautoran mo sa Ginuo sa latok kalan-an sang imo Amay, sa pagpakig-ambit sang pagkaon nga kinahanglanon sang imo kalag.

Nga wala nagabiya sang aton pagtililipon sing tingub, subong sang kinabatasan sang iban, kundi maglinaygayay ang isa kag isa. Mga Hebreo 10:25

Buhata Ini

8. Kon may ginhambal ang pastor nga makapasandad sa imo, ang imo himuon amo ang
- a) mag-untat sa pagkadto sa simbahan.
 - b) magkuha sang lain nga pastor.
 - k) magpatawad sa iya kag magpadayon sa pagtambong sa mga panimbahon.
9. Sauloha ang Mga Hebreo 10:25.

Sabat. 8. k) magpatawad sa iya kag magpadayon sa pagtambong sa mga panimbahon.

Ang Pagbasa sang Biblia

Nahambalan na naton ang pagkamalahalon sang pagbasa sang Biblia adlaw-adlaw. Nagabuylog bala sa imo ang imo panimalay sa pagbasa sang Biblia kag sa pagpangamuyo? Ginatawag ini nga pagpangamuyo sang bilog nga panimalay, ukon "family altar". Daku nga pagpakamaayo ini sa imo panimalay. Magapabakod kag nagatuytoy ang Pulong sang Ginuo sa sina nga adlaw. Sa pagpangamuyo sang bilog nga panimalay, nagabuylog ang isa kag isa sa pagpangamuyo sa

mga problema kag kinahanglanon sang tagsa ka katapo sang panimalay.

Buhata Ini

10. Ang Kahulogan sang pagpangamuyo sang bilog nga panimalay ukon “family altar” amo ang

- a) panimbahon sa iglesia nga ginatambongan sang isa lamang ka panimalay.
- b) pagbuyloganay sang tanan nga katapo sang panimalay sa pagpangamuyo kag sa pagbasa sang Biblia sa ila balay.

Sabat: 10. b) pagbuyloganay sang tanan nga katapo sang panimalay sa pagpangamuyo kag sa pagbasa sang Biblia sa ila balay.

Pangamuyo: San-o Dapat Magpangamuyo

Isa ka labing malahalón nga bagay nga pagahimuon sang Kristohanon amo ang pagpangamuyo. Kon magpangamuyo ikaw kag ginasabat sang Ginuo, nagapangabudlay ikaw kaupod sang Dios. Busa hatagi sang tion ang pagpangamuyo.

▲ Sa pagbugtaw mo sa kaagahon, sugori ang adlaw nga kaupod nimo ang Dios kag mabaton mo ang lawason, moral, kag espirituhanon nga kusog sa pag-atubang sang mga problema sa sina nga adlaw. —

▲ Maghiwat sang pagpangamuyo sang bilog nga panimalay sa aga ukon sa gab-i. —

▲ Maghingalit sa pagpangamuyo sa wala pa makasugod ang panimbahon kag sa tion sang pagpangamuyo sa iglesia. Kay ang Dios nagsiling, “Ang akon balay tawgon nga balay nga palangamuyoan”. —

▲ Ibayaw ang imo tagipusoon sa Ginuo sa bisan ano lang nga tion sa pagpasalamat sang pagpakamaayo, ukon sa pagpangayo sang bulig. Indi kinahanglan sa sini nga tion nga ibungat gid nimo ang imo pangamuyo kay ang Amay naka-hibalo sang imo paghunahuna. —

▲ Pasalamat ang Dios sa wala pa magtulog sa gab-i tungod sang Iya pagtatap sa imo sa sina nga adlaw. Magpangayo sing kapatawaran sa Iya bangod sa mga sala nga imo nahimo. Kag isalig ang imo kaugalingon sa Iya pagbantay sa kagabihon.

Buhata Ini

11. Ibutang ang marka nga ini (✓) sa tupad sang mga tion sang pagpangamuyo nga imo na nahimo.

Pangamuyo: Paano ang Pagpangamuyo

Ayhan nagasiling ikaw sa imo kaugalingon: “Indi ako makahibalo magpangamuyo”. Indi ini mabudlay. Magpakighambal sa Dios subong sang nagahambal ikaw sa imo abyan. Magabulig ang Balaan nga Espiritu sa imo.

Panumdoma ang tanan nga ginhimo sang Dios sa imo, kag pasalamat si Sia sang Iya bugay. Magpangayo ikaw sang imo kinahanglanon sa Iya. Subong man ang kinahanglanon sang imo mga hinigugma. Magpangamuyo ka para sa kaluwasan sang imo abyan kag himata. Pangamuyoi man ang imo pastor, ang iglesia, mga utod sa Ginuo kag ang bulohaton sang Dios sa bug-os nga kalibutan. Pangamuyoi ang bag-o nakabaton sang aton Manluluwas kag ang ila mga palaligban. Pangamuyoi ang imo dutang natawohan. Sugori lang ang pagpangamuyo kay sa indi madugay makahibalo gid ikaw kon paano ang pagpangamuyo.

Naghatag si Ginuong Jesus sang sulondan sa pagpangamuyo. Mahimo nga saulohon mo ini kag gamiton sa imo pagpangamuyo.

Pangamuyo Sang Ginuo

Amay namon nga yara sa langit, Pakabalanan ang imo ngalan. Magkari ang imo ginharian. Paghimuon ang imo kabubot-on, sa duta subong sang sa langit. Hatagi kami karon nga adlaw sang amon kalan-on sa adlaw-adlaw; kag patawara kami sang utang namon; subong nga ginpatawad man namon ang mga nakautang sa amon; kag dili kami pagdalha sa panulay, kundi luwasa kami sa malaut. Kay imo ang ginharian kag ang kagamhanan kag ang himaya sa walay katubtoban. Kabay pa. Mateo 6:9-13.

Buhata Ini

12. Sauloha ang pangamuyo sang Ginuo.

Ang Pagpamatuod

Nagakahulogan ini sang pagsugid sa iban nga mga katawohan kon ano ang ginbuhat sang Dios sa imo. Mahimo nimo ini sa inyo nga balay, sa dalan, sa panimbahon ukon paagi sa sulat.

Subong nga ginsugiran ka sang iban nahanungod kay Kristo, magpanugid ka man sa imo mga abyan kag mga himata. Pangamuyoi nga batunon nila ang Ginuo agud nga indi sila magkadto sa impiyerno.

Ang Biblia nagasiling nga kinahanglan gid nga ipabutyag naton sa hayag ang aton pagtuo kay Kristo, sa pagpahibalo sa iban nga si Kristo ang aton Manluluwas. Nagsiling si Kristo, "Mga saksi ko kamo". Kon nagakinahanglan ikaw sing kaisog sa pagpamatuod, pangayoa ini sa Dios kay hatagan Niya ikaw sang imo ginapangayo. Linibo nga mga katawohan ang nagakahadlok sa pagpamatuod katulad sang ginabatyag mo karon, apang nadaug nila ang ila kahadlok kag nakita nila ang daku nga pagpakamaayo kag bag-ong kusog paagi sa pagpamatuod para kay Kristo. Si Ginuong Jesus nagsiling:

Busa ang tagsatagsa nga magtuad sa akon sa atubangan sang mga tawo, ituad ko man sia sa atubangan sang akon Amay nga yara sa langit. Mateo 10:32.

Kay ang bisan sin-o nga nagakahuya sa akon kag sa akon pulong. . .ang Anak sang tawo magakahuya man sa iya kon magkari sia sa himaya sang iya Amay upod sang balaan nga manugtunda. Marcos 8:38.

Buhata Ini

13. Buot sang Dios nga ang Iya mga kaanak

.... a) maghipos lamang nahanungod sa ginbuhat Niya sa ila.

.... b) magsugid sa iban kon ano ang Iya ginbuhat sa ila.

Sabat: 13. b) magsugid sa iban kon ano ang Iya ginbuhat sa ila.

Ang Pag-amba sa Ginuo

Ang mga ambahanon mo sa balay ukon sa iglesia magabulig, magapabakod kag magapaka-maayo sa imo kag sa iban. Bisan indi maayo ang imo tingog sa pag-amba, ang labing importante lamang amo ang imo pagdayaw sa Dios nga naganikan sa imo tagipusoon.

Kag may mga salmo kag mga ambahanon kag mga kalantahon nga espirituhanon sa pagpasalamat sa Dios sa inyo mga tagipusoon. Mga Taga Colosas 3:16

Buhata Ini

14. Ang labing importante nga bagay sa pagkanta amo nga

.... a) may maayo nga tingog ang nagakanta.

.... b) nagakanta sia sa simbahan.

.... k) kinahanglan magkanta sia gikan sa iya tagipusoon kag sa kahimayaan sang Dios.

Sabat: 14. k) kinahanglan magkanta sia gikan sa iya tagipusoon kag sa kahimayaan sang Dios.

Ang Pagwali sang Maayong Balita

Isa ini sa labing importante nga bulohaton sang iglesia. May iban nga ginatawag sa pagbug-os sang ila tion sa pag-alagad sa Dios. Naghatag ang Dios sa ila sang katungdanan bilang mga pastor, mga ebanghelista, kag mga misyonero.

Ang Paghatag

Subong nga ang pagwali sang Maayong Balita bulohaton sang bug-os nga panimalay sang Dios, ginapangayo man sang Amay sa tagsatagsa Niya ka mga anak ang maghatag sang ikapulo nga bahin sang ila kinitaan sa pagbulig sa mga galastuhan. Ginagamit ini nga kuwarta sa pagbayad sang hinakay sang duog nga ginsimbahan, sa pagsakdag sa pastor agud nga mabug-os niya ang iya tinion sa bulohaton sang Dios kag sa pagbayad sang suga, tubig kag iban pa nga galastuhan sang iglesia. Magabulig man ang aton mga dulot sa pagbantala sang Maayong Balita paagi sa radyo, balasahon, kurso sa Biblia paagi sa koreo kag sa bulohaton sang Dios sa iban nga duog sang kalibutan.

Buhata Ini

15. Ang paghatag sang ikapulo amo

- a) ang paghatag sang ikanapulo nga bahin sang imo kinitaan sa Dios.
- b) ang paghatag sang ikanapulo nga bahin sang tanan mo nga pagkabutang sa Dios.
- k) ang paghatag sang ikaapat nga bahin sang imo kinitaan sa Dios

Sabat: 15. a) ang paghatag sang ikanapulo nga bahin sang imo kinitaan sa Dios.

Ang imo mga ikapulo kag mga dulot bahin sang imo pagsimba sa Dios. Amo ini ang paagi sang “pagpasalamat” mo sa tanan Niya nga pagpakamaayo. Nagahimo ini sa imo nga kaupod sang Dios sa daku nga bulohaton sang pagpalapnag sang Maayong Balita sa bug-os nga kalibutan.

Naghatag ang Dios sa imo sang kusog sa pagtrabaho, gani ihatag mo sa Iya ang ikanapulo nga bahin sang imo nga kinitaan. Magabulig ina sa iglesia agud nga magpabilin nga bukas ang ganhaan sa pagwali sang Maayong Balita. Gani paagi sa imo ikapulo nagawali ikaw sang Maayong Balita.

Ang paghatag mo sang ikapulo nagahatag sa imo sang tatlo ka sari sang mga pagpakamaayo.

▲ Espirituhanon nga pagpakamaayo.

▲ Kaayawan. May kalipay ikaw nga magmangin kasaligan nga katapo sa panimalay sang Dios nga nagapas-an sang imo bahin sa palas-anon.

▲ Kabuganaan. Indi mo malabawan sing hatag ang Dios. Ginapabugana Niya ang mga nagabayad sang ila ikapulo. Makasugid sa imo ang linibo nga mga Kristohanon sang ila inagihan sa sini nga bagay nga matuod ini.

Dalha ninyo ang bug-os nga ikapulo sa balay sang bahandi, agud may kalan-on sa akon balay; kag tilawi ako karon sa sini, nagasiling ang Ginuo sang mga kasoldadosan, kon indi ko pagbuksan sa inyo ang mga talambuan sang langit kag iula sa inyo ang pagpakamaayo sa bagay nga wala na sing masudlan. Malaquias 3:10.

Kay ang Dios nagahigugma sa manughatag nga malipayon. 2 Mga Taga Corinto 9:7.

Buhata Ini

16. Nagsaad ang Dios sa pagpabugana sa mga

.... a) nagatago sang tagsa ka senintimos nga ila makita.

.... b) nagabayad sang ila ikapulo.

Sabat: 16. b) nagabayad sang ila ikapulo.

Ang Pagbulig sa Bisan ano nga Paagi nga Imo Masarangan

Bisan ano lang nga trabaho ang imo ginahimo para sa Ginuo magabulig ina sa imo pagtubo nga espirituhanon: gikan sa pagpanilhig sa simbahan tubtob sa paghiwat sang panimbahon sa imo mga kaiping ukon sa paghiwat sang klase para sa mga bata sa imo puloy-an. Pamangkuta ang imo pastor kon ano ang imo mahimo para sa Ginuo.

Buhata Ini

18. Kinahanglan ang Kristohanon

- a) magtanyag sang iya bulig sa pastor sa bisan ano lang nga paagi nga iya masarangan.
- b) maghulat lang sa pangabay sang pastor.

Sabat: 18. a) magtanyag sang iya bulig sa pastor sa bisan ano nga paagi nga iya masarangan.

Ang Pagpakigbahin sa Organisasyon sang Iglesia

Ang iglesia may madamo nga mga organisasyon. Ang klase sa adlaw nga Domingo para sa tanan. Magtambong sa isa ka klase kag magtuon sang Pulong sang Dios sing maid-id. Indi paglika-wi ini nga kahigayunan. Ang mga lalaki, babayi, pamatan-on kag mga kabataan may kaugalingon nga organisasyon. Sa ila mga pagtililipon naga-simba sila sa Ginuo kag nagahimo sang mga proyekto para sa Dios. Magpakigbahin sa isa sining mga guban. Mabaton mo ang mainit nga pag-abiabi kag malipay ka sa mga bulohaton. Ini nga mga guban nagapaninguha sa pagpaalinton, sa pagtudlo, kag sa pagbulig sa nagakinahanglan sang Pulong sang Dios. Bisan diutay lamang ang mahimo sang isa ka tawo apang kon ang Dios magpanghikot sa ila pagbuyloganay, makabuhat sila sing daku sa pagpalapnag sang ngalan sang Dios sa kalibutan.

Buhata Ini

19. Katapo bala ikaw sang isa ka organisasyon sa iglesia? Kon indi pa, buot mo bala nga magmangin katapo? Sa ano nga grupo?

Madamo Bala ang mga Bulohaton?

Indi lang ikaw magkabalaka kon indi ikaw makahatag sing madamo nga tion sa tanan nga mga bulohaton, kasubong sang iban. Nakahangop ang Ginuo sini kag pagabuligan Niya ikaw sa paghimo sang imo masarangan.

Malipay ikaw sa sining mga bulohaton sang bag-o mo nga kabuhi. Malipay man ikaw sa paghibalo nga nagabulig ikaw sa iban nga tawo sa paglikaw sa silot nga walay katapusan kag sa pagpangita sang kabuhi nga walay katubtoban. Kag sa tanan nga ginabuhat mo para sa Ginuo karon, pagapadyaan ikaw sa palaabuton.



PAGPAKILALA sang LEKSYON 6

Ang Leksyon 6 sang “Ang Bag-o Mo Nga Kabuhi” nga kurso sa Biblia ginatig-ulohan, “ANG BAG-O MO NGA MGA PAGESULONDAN”. Ini nga pagtuon sa Biblia magabulig sa imo sa pagtukib sang ginapaabot sang Dios sa imo kag kon paano ikaw makatuman sinang mga pagsulondan.

Wala sing bisan sin-o man kundi ang Dios lamang ang makahatag sang husto nga mga pagsulondan para sa pagkabuhi sang isa ka tawo. Ang kadamoan sang mga tawo karon nga mga inadlaw, nagakabuhi suno sa nagabalhinbalhin nga pagsulondan sang tawo.

Ang Leksyon 6 magabulig sa imo sa paghibalo kon ano ang matuodtuod nga pagsulondan Kristohanon kag kon paano makatuman sini.

LEKSYON 6

ANG BAG-O MO NGA MGA PAGSULONDAN



Ang Matun-an Mo Sa Sini Nga Leksyon

Sin-o ang Nagpasad sang mga Pagsulondan?

**Diin Makita ang mga Pagsulondan?
Paano Mo Matuman ining mga Pagsulondan**

Mga Pagsulondan para sa Kadalag-an

Sin-o ang Nagpasad sang mga Pagsulondan

Ang nagapasad sang mga pagsulondan sa sulod sang balay amo ang mga ginikanan. Ginapahibalo nila sa mga kabataan kon paano sila dapat maggawi. Ginatudloan sang amay ang mga kaba-

taan kon ano ang pagabuhaton nila kag kon ano ang indi.

Sa indi madugay matun-an sang mga kabataan nga magkabuhi sila suno sa mga pagsulondan. Kon maglapas sila, ginasabdong sila sang ila amay. Kon magmalalison sila, pagasilotan sila sang ila amay. Katapo pa gihapon sila sang panimalay, apang ang ila pagkamalinapason nagahatag sang mga problema kag mga pag-antos.

Nagbutang sing mga pagsulondan ang aton Langitnon nga Amay para sa Iya mga kaanakan agud nga mahibaloan nila kon ano ang ila pagabuhaton kag kon ano ang indi. Kon kaisa ginasilotan ang mga anak agud nga matudloan sila nga magmatarung kag magmatinumanon.

Buhata Ini

1. Sin-o ang nagabutang sang mga pagsulondan sa sulod sang panimalay?
.... a) ang mga kabataan.
.... b) ang mga kaiping.
.... k) ang mga ginikanan.
2. Sin-o ang may kinamatarung sa pagsiling kon ano ang aton paggawi subong nga Kristohanon?
.... a) ang aton Langitnon nga Amay.
.... b) ang pagginawi nga aton naandan.
.... k) ang Kristohanon mismo.

Sabat: 1. k) ang mga ginikanan. 2. a) ang aton Langitnon nga Amay.

Diin Makita ang mga Pagsulondan?

Naghatag ang Dios sang talaksan para sa Kristohanon nga pagkabuhi. Makita mo ini tanan sa Biblia, ilabi na gid sa Bag-o nga Katipan.

Para wala na sing pagpangduhaduha kon ano ang kabubot-on sang Dios sa pagginawi sang Iya nga kaanakan, ginapadala Niya ang Iya Anak nga si Ginuong Jesus sa pagtudlo kag sa pagtuytoy sa aton sa husto nga banas. Himpit Sia nga sulondan kag talaksan sa Kristohanon nga pagkabuhi.

Gintudlo ni Ginuong Jesus ang mga pagsulondan sang pagkabuhi nga Kristohanon sa Iya "Wali sa Bukid" nga makita sa Mateo, kapitulo 5, 6 kag 7.

Buhata Ini

3. Sin-o ang naghatag sang himpit nga pagsulondan sang maayo nga pagkabuhi Kristohanon?
 - a) ang pastor.
 - b) si Ginuong Jesu-Kristo.
 - k) ang iban nga mga Kristohanon.
4. Ang "Wali sa Bukid" makita sa kapitulo
 - a) 5, 6, kag 7 sang Mateo.
 - b) 5, 6, kag 7 sang Juan.
 - k) 5, 6, kag 7 sang Markos.
5. Sa "Wali sa Bukid," si Ginuong Jesus
 - a) naghambal sang pagtuo nga makapabalhin sang bukid.

.... b) naghambal nahanungod sang mga bukid sa palibot sang Jerusalem.

.... k) nagtudlo sang mga pagsulondan sa pagkabuhi nga Kristohanon.

Sabat: 3. b) si Ginuong Jesu-Kristo. 4. a) 5, 6, kag 7 sang Mateo. 5. k) nagtudlo sang mga pagsulondan sa pagkabuhi nga Kristohanon.

Una sa tanan, naghambal si Ginuong Jesus nahanungod sang pinasahi nga pagpakamaayo nga ginahatag sang Dios sa mga mapinauboson, mahidaiton, kag putli sang tagipusoon – sila nga ginauna ang Dios sa ila kabuhi kag handa sa pag-antos bangod lamang sa Iya.

Nagtudlo si Ginuong Jesus sa paghigugma sang aton mga kaaway kag sa pagpangamuyo sa ila, magpangayo sing patawad sa ila nga aton napasandad, kag maghimo sing maayo sa ila nga nagapakamalaut sa aton. Ang mga gintudlo Niya nahanungod sa maayo nga pagpakig-upod sa iban amo ang labing maayo nga pagtudlo nga wala pa gid mahatag ni bisan sin-o man.

Buhata Ini

6. Basaha ang Mateo kapitulo 5.

7. (Magpili sang duha ka husto nga sabat.)

Subong nga bahin sang mga pagsulondan sa kabuhi, ginatudlo ni Ginuong Jesus sa

imo

- a) ang pagkamapainuboson.
- b) ang pagsunod sa Dios una sa tanan kag sa pagtuman sang buot Niya nga pagahimuon mo.
- k) ang pagtimalus sa mga nagapigos sa imo.
- d) ang paglipay sang imo kaugalingon.

8. (Magpili sang duha ka husto nga sabat.)
Sa Mateo 5:13, 14 nagtudlo si Ginuong Jesus nga ang mga anak sang Dios

- a) kaangay sang asin para sa bug-os nga kalibutan.
- b) wala sing kapaltahan.
- k) kaangay sang suga nga nagasiga sa bilog nga kalibutan.
- d) kaangay sang matahom nga bulak.

9. (Magpili sang duha ka husto nga sabat.)
Sa Mateo 5:21-30 nagpaandam si Ginuong Jesus batok sa

- a) pagsugal.
- b) kaakig kag pagtimalus.
- k) mahigko nga mga panghunahuna kag pagpakighilawas.
- d) pagbayad sang ikapulo.

10. Sa Mateo 5:43-48, nagsugo si Kristo Jesus

- a) sa paghigugma lamang sa naghigugma sa aton.
- b) sa paghigugma sang aton mga kaaway.

Sabat: 7. a) ang pagkamapainuboson. b) ang pagsunod sa Dios una sa tanan kag sa pagtuman sang buot Niya nga pagahimuon mo. 8. a) kaangay sang asin para sa bug-os nga kalibutan. k) kaangay sang suga nga naga-siga sa bilog nga kalibutan. 9. b) kaakig kag pagtimalus. k) mahigko nga mga panghuna-huna kag pagpakighilawas. 10. b) sa paghigugma sang aton mga kaaway.

Naghatag si Ginuong Jesus sang palasandigan nga prinsipyo kon paano ang magpakig-upod sa iban nga tawo. Ginatawag ini nga Bulawanon nga Tulomanon:

“Busa ang tanan nga butang nga buot ninyo nga himuon sang tawo sa inyo, himoa man sa ila.” Mateo 7:12.

Indi kita magbugalon, magdinalok, magpala-away, ukon magpangyubit. Indi man maayo nga hatagan naton sing duog sa aton ulo ang binastos nga mga paghunahuna.

Ang handumon naton una sa tanan amo ang pagpahamuot sa Dios kag sa pagbuhat sang gusto Niya nga aton buhaton. Indi mahimo nga maghamkon kita sang dutan-on nga manggad bilang aton lalambuton kag mag-alagad sa Dios sa amo man nga tion. Kay kon aton Sia unahon, pat-od nga ihatag Niya sa aton ang aton mga kinahanglanon. Wala labot sina, kon ano ang ginahimo naton para sa Iya, pagapadyaan Niya kita sang manggad nga wala sing pagkaubos didto sa langit.

Buhata Ini

11. Basaha ang Mateo kapitulo 6.
12. Ang Bulawanon nga Tulomanon amo nga
- a) gamiton naton ang bulawan sa mga butang nga mapuslanon.
 - b) kon ano ang ginahimo sang iban sa aton amon man ang himuon naton sa ila.
 - k) pagahimuon naton sa ila ang buot naton nga pagahimuon nila sa aton.
13. Sa Mateo 6:19-21 nagsiling si Ginuong Jesus nga magatago kita sing bahandi sa
- a) langit
 - b) duta.
- Sabat: 12. k) pagahimuon naton sa ila ang buot naton nga pagahimuon nila sa aton.
13. a) langit.

Paano Mo Matuman ining mga Pagsulondan?

Nahibaloan ni Ginuong Jesus nga wala gid sing isa nga makatuman sining mga pagsulondan kon indi sia pagbuligan sang Dios. Gani gintudloan Niya ang Iya mga gintuton-an sa pagpangamuyo sa Langitnon nga Amay kag magpangayo sa Langitnon nga Amay kag magpangayo nga buligan sila. Naghatag Sia sing sulondan sang pagpangamuyo sa Mateo 6:9-13, kag ginatawag naton ini nga Pangamuyo sang Ginuo. Masami naton nga ginasulit ini kon magpangamuyo kita.

Ilabi sa tanan, nagpadala ang imo Amay sang Balaan nga Espiritu sa pagpuyo sa imo kag sa

pagbulig sa imo. Madamo pa gid ang imo matunan nahanungod sini sa masunod nga kapitulo. Indi ka dapat magkabalaka kon indi pa gid ikaw makasarang sa pagsunod sang ginapaabot sang Dios sa imo. Buligan Niya ikaw sa tanan mo nga pagpanglakatan sa sining kabuhi.

Buhata Ini

14. Naghatag si Kristo sang sulondan sa pangamuyo sa sining wali nga nagatudlo sa aton sa

- a) pagpangadi sa santos.
- b) pagpangadi sa aton mga katigulangan.
- k) pagpangamuyo nga direkta sa Dios.

15. Ang pangamuyo sang Ginuo amo-

- a) ang pangamuyo Niya sa krus.
- b) ang sulondan sa pangamuyo nga makita sa "Wali sa Bukid."
- k) ang pangamuyo ni Kristo sa hardin sang Getsemane.

16. Basaha ang Mateo 7.

Sabat: 14. k) pagpangamuyo direkta sa Dios.

15. b) ang sulondan sa pangamuyo nga makita sa "Wali sa Bukid."

Mga Pagsulondan para sa Kadalag-an

Ginpaalinton ni Ginuong Jesus sa aton nga ang Iya kasugoan amo ang gabayan sa madinalagon nga pagkabuhi. Ang aton kabuhi kaangay sang balay. Ang aton panghunahuna, pulong kag buhat, amo ang mga materyales sang balay. Kon

magpasad kita sa sadsaran sang Iya pagtulon-an, makaangkon kita sang kabuhi nga makatindog batok sa mga pagtilaw kag unos sang kabuhi. Ang nagakabuhi suno sa iya lang naluyagan kag wala nagasunod sa mga sulondan nga ginhatag ni Ginuong Jesus, indi magmadinalag-on. Kaangay sia sang balay nga napasad sa balas nga wala sing sadsaran. Indi sia makapakigsumpong sa unos.

Kon buot mo nga magmangin madinalag-on nga Kristohanon, ipasad ang imo kabuhi sa pagtulon-an ni Ginuong Jesus kag magsunod sa Iya mga pagsulondan. Pagabuligan ikaw sang Balaan nga Espiritu.

Buhata Ini

17. Ang nagatuman sa pagtulon-an ni Ginuong Jesus kag nagagamit sini subong nga sadsaran sang Kristohanon niya nga pagkabuhi kaangay sang
 - a) tawo nga nagpasad sang iya balay sa bato.
 - b) tawo nga nagpasad sang iya balay sa balas.
18. Karon sulati ang imo "Rekord sang Bumolutho" para sa Leksyon 6.

Sabat: 17. a) tawo nga nagpasad sang iya balay sa bato.

TION PARA SA PALASINAWAN

Karon imo na masulat ang mga sabat sa imo palasinawan.

PAGPAKILALA sang LEKSYON 7

Kon ikaw nagasugod sa pagbatyag nga indi lang tuman ang paghibalo sang mga pagsulondan sang Dios para sa kabuhi nga Kristohanon, kag nagakinahanglan ikaw sang dugang nga gahum kag kusog sa pagkabuhi sining “bag-o nga kabuhi”, handa na ikaw sa pagtuon sang Leksyon 7. Kon ang Kristohanon nga pagkabuhi isa ka mabudlay nga paghimud-os kag nagaatubang ikaw sang isa nga makabulig sa imo, ang Leksyon 7 mahimo nga amo ang imo ginapangita.

Ang ICI nakahibalo nga magakinahanglan ikaw sang pinasahi nga pagpabakod kag bulig agud makakita ikaw sang kusog sa pagkabuhi suno sa mga pagsulondan sang Dios nga madinalag-on kag amo ini ang kabangdanan kon ngaa ang Leksyon 7 ginhandanda. Si Jesus nagpadala sang Balaan nga Espiritu sa kalibutan sa pagbulig sa tumoluo! Si Jesus nakahibalo nga ang paghimud-os sa pagkabuhi sang Kristohanon nga kabuhi nga wala ang Balaan nga Espiritu mangin isa ka imposible sa tawo. Ang madason nga leksyon nga ginatig-ulohan, “MAY KABULIG IKAW,” magapaat-hag kon paano ang Balaan nga Espiritu makapanghikot sa imo kabuhi kag makapakabuhi sa imo sang isa ka madinalag-on nga kabuhi nga Kristohanon. Nakapat-od kami nga ang Leksyon 7 makabulig gid sa imo.

Palihog kompletaha ang palasinawan para sa Leksyon 6 kag kaupod sang imo bulig, ipadala ini sa ICI. Ang Leksyon 7 kag 8 igapadala sa imo. Dumdoma, nga ang ICI amo ang imo bulothon sa espirituhanon nga kabuhi kag subong kalapit sa imo katulad sang inyo “post office”. Ang bulig makalambot sa imo paagi sa balos nga koreo. Magsulat karon sa International Correspondence Institute, Philippine National Office, P. O. Box 1084, Manila.

LEKSYON 7

**MAY
KABULIG
IKAW**



Ang Matun-an Mo Sa Sini Nga Leksyon

**Ang Balaan nga Espiritu Amo ang
Imo Kabulig**

Ang Bunga sang Balaan nga Espiritu

Ang Paggawi sa Espiritu

**Ang Gahum sang Balaan nga Espiritu
sa Imo**

Mga Hiyas sang Espiritu

Ang Balaan nga Espiritu Amo ang Imo Kabulig

Ayhan sa sini nga tion nakahunahuna na ikaw: “Daw mabudlay na ini para sa akon. Ambot kon makasangkol ako sa pagkabuhi sang Kristohanon nga kabuhi. Kadamo sang bulohaton nga daw halos indi nakon madumdoman ang tanan, ilabi na gid ang pagbuhat sa ila.”

Indi ikaw dapat magkaluya. Indi ina subong kabudlay sa imo ginahunahuna tungod kay ang Balaan nga Espiritu nagkari sa pagbulig sa imo. Ang Kristohanon nga kabuhi indi kay mga tulomanon lamang kay wala ini napasandig sa imo kaugalingon nga pagpanikasog. Amo ini ang pagbaton sang ginhimo sang Dios sa imo kag ang pagpapuyo sang Balaan nga Espiritu sa imo kag ang pagsunod sa Iya.

Buhata Ini

1. Sin-o ang kabulig nga ginpadala sang Dios sa pag-upod sa imo sa tanan nga tion?

- a) ang pari
- b) ang pastor
- k) ang Balaan nga Espiritu

2. Ang kabuhing Kristohanon amo

- a) ang mga tulomanon nga kinahanglan tumanon.
- b) ang pagpanikasog nimo agud magmaaayo
- k) ang pagpapuyo sang Balaan nga Espiritu sa imo kabuhi kag ang pagsunod sa Iya.

Sabat: 1. k) ang Balaan nga Espiritu. 2. k) ang pagpapuyo sang Balaan nga Espiritu sa imo kabuhi kag ang pagsunod sa iya.

Ang Balaan nga Espiritu yara sa bisan diin nga duog sa isa ka tion. Sang diri pa sa duta si Ginuonng Jesus, makakadto Sia sa isa lamang ka duog sa isa ka tion. Sang pagbalik Niya sa langit, ginpadala Niya ang Balaan nga Espiritu sa pag-upod sa mga Kristohanon, sa pagpuyo sa aton, sa pagtuytoy kag sa pagbulig sa aton mga gumontang.

Kag ako magapangayo sa Amay kag magahatag Sia sa inyo sing isa pa ka Mananabang, agud nga mag-upod Sia sa inyo sa gihapon. Apang ang Mananabang ang Espiritu Santo, nga ipadala sang Amay sa Akon Ngalan, magatudlo Sia sa inyo sang tanan nga butang, kag magapahanumdum sa inyo sa tanan nga akon ginsiling sa inyo. Juan 14:16, 26.

Buhata Ini

3. Nagkari ang Balaan nga Espiritu sa
 - a) pag-upod sa tagsa ka mga Kristohanon sa tanan nga tion
 - b) pag-upod sa pila lamang ka mga Kristohanon

Sabat: 3. a) pag-upod sa tagsa ka mga Kristohanon sa tanan nga tion.

Ang Bunga sang Balaan nga Espiritu

Ang pagpuyo sang Balaan nga Espiritu sa imo kabuhi nagapakita sang resulta nga ginatawag nga bunga sang Espiritu. Nagahatag Sia sa imo sang handum sa paghimo sang husto nga butang. Kag nagahatag man Sia sa imo sang kusog sa paghimo sing maayo. Samtang ginatugotan nimo Sia sa pagtuytoy kag sa pagbulig sa imo sa sini nga paagi, ginadihon man Niya sa imo ang makatilingala nga paggawi nga Kristohanon. Ang pamatasan, panghambal kag paggawi nimo nga maayo, kaangay sang matam-is nga prutas. May kalipay ang imo panimalay kag mga abyan sa imo pagpakig-upod sa ila. Ilabi sa tanan, ining bunga sang Espiritu magalipay sa aton Amay nga Langitnon.

Apang ang bunga sang Espiritu amo ang gugma, kalipay, paghidaet, pagbatas, pagkalolo, pagkaayo, pagkatutom, pagkama-painubuson, pagpugong, sang kaugalingon. Mga Taga Galacia 5:22, 23.

Paagi sini ginahimaya ang akon Amay, nga magpamunga kamo sing madamo.

Juan 15:8.

Buhata Ini

4. Ang "bunga sang Espiritu" nagapatuhoy sa
- a) mga naluwas nga kalag sa pagbantala sang Pulong sang Dios.
 - b) maayo nga kinaiya nga ginapamunga sang Balaan nga Espiritu sa aton kaugalingon.

5. Sauloha ang Mga Taga Galacia 5:22, 23.

Sabat: 4. b) maayo nga kinaiya nga girapamunga sang Balaan nga Espiritu sa aton kaugalingon

Ang Paggawi sa Espiritu

Natural para sa aton ang maghimo sang aton naluyagan. Amo ini ang masami nga himuon sang tawhanon nga kinaugali. Luyag naton buhaton ang makalipay lamang sa aton kaugalingon, sang sa buhaton ang nahibaloan naton nga maayo. Amo ini nga kinahanglan ang pagpamati sa tingog sang Balaan nga Espiritu kon nagasugo Sia sa paghimo sang kabubut-on sang Dios kag sa pagpakita sa aton sang dalan nga matarung.

Apang nagasiling ako, maggawi sa Espiritu kag dili pagtumana ang kailigbon sang unod. Kon nagakabuhi kita sa Espiritu maggawi man kita sa Espiritu. Taga Galacia 5:16, 25.

Buhata Ini

6. Ang buot silingon sang mga pulong sa Mga Taga Galacia 5:16 nga "dili pagtumana ang kailigbon sang unod" amo nga
- a) indi mo maangkon ang imo mga kinahanglanon.
 - b) magkabuhi nga indi madinalagon
 - k) mag-angkon ikaw sing kadalagan batok sa tawhanon nga kina-

ugali nga buot magbuhat sang
kaugalingon nga kagustohan.

Sabat: 6. k) mag-angkon ikaw sing kadalagan batok sa tawhanon nga kinaugali nga buot magtuman sang kaugalingon nga kagustohan.

Magatuytoy kag magapabakod sa imo ang Balaan nga Espiritu sang Dios apang indi Sia magpas-an sa imo palangit. Nagalakat ikaw sa duha nimo ka tiil. Kag kinahanglan magbuylog ikaw sa Balaan nga Espiritu kag tugotan mo Sia sa pagtuytoy sa imo. Amo ini ang ginatawag kon kaisa sang Biblia nga maggawi sa espiritu. Ginahimo na nimo ini kon nagabasa ikaw sang Biblia kag ginabutang sa buhat ang ginatudlo sini.

Buhata Ini

7. Ang paggawi sa Espiritu nagakahulogan sang

.... a) pagkabuhi nga masinadyahon adlaw-adlaw.

.... b) pagsunod sa pagtuytoy sang Balaan nga Espiritu sa adlaw-adlaw nga bulohaton.

Sabat: 7. b) pagsunod sa pagtuytoy sang Balaan nga Espiritu sa adlaw-adlaw nga bulohaton.

Ang Gahum sang Balaan nga Espiritu sa Imo

Nahibaloan ni Ginuong Jesus nga ang Iya mga

sumolunod magakinahanglan sang gahum nga labaw pa sang sa ila kaugalingon, sa paghimo sang bulohaton para sa Dios. Gani, ginasugo Niya sila sa paghulat, tubtob mapun-an sila sang Balaan nga Espiritu agud mabaton nila ang gahum nga ila kinahanglan agud mangin saksi Niya sa bug-os nga kalibutan.

Kag sang nagapabilin upod sa ila nagsugo sia sa ila nga dili maghalin sa Jerusalem, kundi maghulat sang saad sang Amay, nga siling Niya “inyo nabatian sa akon, kay si Juan nagabautiso sa tubig, apang bautisohan kamo sa Espiritu Santo Apang magabaton kamo sing gahum kon ang Espiritu Santo mag-abot sa inyo; kag mangin saksi ko kamo sa Jerusalem kag sa bug-os nga Judea kag Samaria kag tubtob sa ukbong sang duta. Mga Binuhatan 1: 4, 5, 8.

Ini ang ginhambal ni Juan Bautista nahanungod kay Ginuong Jesus

. . . Magabautiso Sia sa inyo sa Espiritu Santo kag sa kalayo. Lukas 3:16.

Buhata Ini

8. Basaha sing tatlo ka beses ang Binuhatan 1: 4, 5, 8.
9. Nagsiling si Juan nga si Ginuong Jesus magabautiso sa
 - a) tubig sa paghinulsol
 - b) Balaan nga Espiritu kag sa kalayo.

Sabat: 9. b) Balaan nga Espiritu kag kalayo

Naghatag ang Libro sang Mga Binuhatan sa aton sang makakulonyag nga sugilanon kon pano gintuman sang Dios ang Iya mga saad sa adlaw sang Pentekostes, kag ang mga katingalahan nga mga hitabo pagkatapos sadto nga adlaw.

Kag napuno sila tanan sang Espiritu Santo kag nagsugod sa pagpamulong sa iban nga mga hambal, suno sa paghambal nga ginhatag sa ila sang Espiritu. Karon may nagpuyo sa Jerusalem nga mga Judio, nga mainampuon nga tawo gikan sa taga ka pungsod sa idalum sang langit. Kag nahiorungan sila tanan kag natingala nga nagasinilingay, “Indi bala Galileanhon ini tanan nga nagahambal?” Ginpamatian ta sila nga nagapamulong sa aton mga hambal sang dalagkung mga buhat sang Dios. Mga Binuhatan 2:4, 5, 7, 11.

Ining bautiso sa Balaan nga Espiritu ukon pagpuno sang Balaan nga Espiritu, ginatawag man nga Pentekostal nga eksperyensya tungod una ini nga natabo sa adlaw sang Pentekostes. Kon nagahambal ang isa ka tawo tungod sa gahum sang Espiritu Santo sa mga pulong nga indi niya mahibaloan, ginatawag ina nga *glossalalia*. Ining pulong sa Griego nagakahulogan *nagahambal* sa iban nga pulong. Kag ginatawag man nga *charismatic* nga nagagikan sa pulong nga *charisma* kon sayuron, hiyas. Kon sayuron ining hiyas nagagikan sa Balaan nga Espiritu kag isa ka

hitabo nga indi tawhanon kundi espirituhanon.

Buhata Ini

10. Ang bautiso sa Balaan nga Espiritu ginatawag nga
 a) bautiso sa lawas ni Kristo
 b) bautiso sa tubig
 k) eksperyensya Pentekostal
11. Ang paghambal sa lain nga pinulongan sa idalum sang gahum sang Balaan nga Espiritu ginatawag nga
 a) "glossalalia"
 b) "glossary"
 k) pagkasampon sa paghambal sa nagkalainlain nga mga pinulongan.

Sabat: 10. k) eksperyensya nga Pentekostal
 11. a) "glossalalia"

Nagsaad si Ginuong Jesus nga ang Balaan nga Espiritu magahatag sa aton sang gahum. May duha ka katuyoan ining gahum:

- ▲ Ang pagbulig sa aton sa pagsugid sa iban nahanungod kay Ginuong Jesus
- ▲ Ang pagbulig sa aton sa pagpangamuyo nga may resulta

Sa pagsaksi kag pagpangamuyo sang Kristohanon nga may gahum sang Balaan nga Espiritu, madamo nga makatilingala nga butang ang mahitabo bilang sabat sa pangamuyo. Kag madamo ang mga kalag nga magadangop sa Ginuo.

Apang si Pedro, nga nagatindog kaupod sang napulog isa, nagtib-ong sang iya tingog kag nagpamulong sa ila, . . . Gani ang nagbaton sang iya pulong ginbautisohan, kag may gindugang sa ila sa sadtong adlaw nga tatlo ka libo ka kalag. Mga Binuhatan 4:14, 41.

Buhata Ini

12. Una sa tanan ang bautiso sa Balaan nga Espiritu magahatag sang gahum sa Kristohanon sa
- a) pagsaksi para kay Kristo kag sa pagpangamuyo nga may resulta.
 - b) pagpakita sa iban sang ila pagka-espirituhanon
 - k) paghimo sing makatilingala nga mga buhat.

Sabat: 12. a) pagsaksi para kay Kristo kag sa pagpangamuyo nga may resulta.

Ini nga gahum mabaton man sang mga Kristohanon karon. Gikan sang pagsugod sang ika-20 nga siglo, minilyon ka mga katawhan, sa mga kasimbahanan sang nagakalainlain nga mga denominasyon, sa bug-os nga kalibutan, nakaambit sining eksperyensya nga Pentekostal sa bautiso sang gahum.

Kag si Pedro nagsiling sa ilar, “Hinulsol kamo, kag magpabautiso ang tagsatagsa sa inyo sa ngalan ni Jesu-Cristo sa kapatawaran sang mga sala; kag mabaton ninyo ang dulot sang Espiritu Santo. Kay ang saad sa inyo kag sa inyo mga anak kag sa tanan nga yadto sa malayo, sa tagsatagsa nga tawgon sang Ginuo nga aton Dios sa iya. Mga Binuhatan 2: 38, 39.

Buhata Ini

13. Gusto bala nimo ining gahum sang Balaan nga Espiritu sa imo kabuhi? . . . Gusto bala nimo nga ang kalayo sang Dios magadabdab sa imo kalag, agud mahapos sa imo ang pagsugid sa iban nahanungod sa Ginuo? . . . Gusto bala nimo nga ang imo pangamuyo may resulta? . . . Ining makatilingala nga eksperyensya Pentekostal para sa imo. Pangayoa sa Dios nga bautisohan Niya ikaw sa Balaan nga Espiritu.

Mga Hiyas sang Espiritu

Buot ni Kristo nga ang Iya Iglesia mapun-an sing gahum. Gani naghatag ang Balaan nga Espiritu sang pinasahi nga mga hiyas kag mga ika-sangkol sa tagsatagsa ka katapo. Sa sini nga pagi ang tagsa ka katapo may bahin sa bulohaton kag pagtubo sang Iglesia.

Karon may nagakalainlain nga mga hiyas, apang isa ka Espiritu; sa tagsatagsa ginahatag ang pagpahayag sang Espiritu nga sa kapuslanan sang kadam-an. Ini tanan ginabuhat sang isa kag amo nga Espiritu, nga nagapanagtag sa tagsatagsa suno sa iya ginabuot. 1 Mga Taga Corinto 12: 4, 7, 11.

Buhata Ini

14. Ang mga hiyas sang Balaan nga Espiritu para
 - a) lamang sa mga apostoles sang nahaunang Iglesia.
 - b) lamang sa mga manugwali.
 - k) sa mga katapo sang iglesia karon.
15. Magpangamuyo, nga padayunon sang Dios ining Pentekostal nga pagkapukaw sa Espiritu sa bug-os nga kalibutan.
16. Magpangamuyo nga ang Balaan nga Espiritu magahatag sang Iya mga hiyas sa mga katapo sang inyo iglesia.
17. Karon sulati ang imo Rekord sang Bumolutho para sa leksyon 7.

Sabat: 14. k) sa mga katapo sang iglesia karon.

PAGPAKILALA sang LEKSYON 8

May nakapalapit na bala sa imo nga nagasiling nga nagbalhin ka na gid gikan sang imo pagkaluwas? Ukon natalupangdan bala nimo nga indi ka na kasubong sang una? Ang Biblia nagasiling, “Sila nga yara kay Kristo mga bag-o nga tinuga. . .” Gani indi ka magkatingala kon ngaa indi ka na katulad sang una – ang imo kabuhi isa na ka suga nga nagasiga. Magadugang pa gid ang imo ihibalo kon ngaa nga may kabalhinan sa imo samtang ginabasa mo ang leksyon 8, nga ginatig-ulohan, “ANG IMO KABUHI ISA KA SUGA”.

Sa leksyon 7 natun-an nimo kon paano ang Balaan nga Espiritu makabulig sa imo nga magmangin mabaskog nga Kristohanon. Karon, ang leksyon 8 magapakita sa imo sang mga paagi sang plano sang Dios sa imo kabuhi. Matukiban nimo kon ngaa nga naghigugma ang Dios sa imo kag ngaa nga ginhatag Niya ang Iya kaugalingon para sa imo.

Ang pagtawag kag tinutuyo sang Dios para sa imo kabuhi magmangin mas maathag pa sa imo samtang nagapadayon ikaw sa pagtuon sa ICI.

LEKSYON 8

**ANG IMO
KABUHI
ISA KA SUGA**



Ang Matun-an Mo sa Sini nga Leksyon

Ang Kapawa sang Kalibutan

Ang Imo Kandila

Ang Katampad Bahin sa Kuwarta

**Ang Paghambal subong nga Anak sang
Dios**

Ang Pagbulig sa Iban

Paggawi sing Maalamon

Pagkatinlo

Pagkaugdang

Tampad sa Bulohaton

Kabiga sing Husto ang imo Panimalay

Kalabanan sang aton ginahambalan karon amo ang nahanungod sa bag-o mo nga kabuhi kag paano mapatubo ini. Sa sini nga tulong-an hunahunaon naton kon ano ang mangin resulta sini sa imo pagpakig-upod sa iban.

Ang Kapawa sang Kalibutan

Ginatudlo sang Biblia sa aton nga ang sala, mga kasaypanan kag ang kakulang sing ihibalo nahanungod sa Dios kaangay sang kadulom. Ang tagsatagsa nga wala kay Kristo nadula, yara sa kadulom, ginapatalang ni Satanas, kag indi makakita sang alagyan padulong sa langit.

Sa kaluoy sang Dios ginpadala Niya ang Iya Anak nga si Jesu-Cristo nga magmangin kapawa sang kalibutan.

Liwat si Jesus nagpamulong sa ila, nga nagsiling, ako amo ang kapawa sa kalibutan; ang nagasunod sa akon indi maglakat sa kadudolman kondi may kapawa nga naghahatag sang kabuhi. Juan 8:12.

Buhata Ini

1. Sauloha ang Juan 8:12.

Ang Imo Kandila

Ang imo kabuhi kaangay sang isa ka kandila, isa ka lampara, ukon isa ka bombilya. Ang presensya ni Ginuong Jesus sa imo kaangay sang kalayo nga nagapasiga sang kandila, ukon gahum nga nagapasiga sang isa ka bombilya.

■ Ang espiritu sang tawo amo ang suga sang Ginuo. Hulubaton 20:27.

Suga ikaw sang Dios. Nagasiga ang kaayo kag kamatuoran ni Ginuong Jesus paagi sa imo pagginawi.

■ Kamo ang suga sang kalibutan... Sa amo nga bagay ig-iwag ninyo ang inyo kapawa sa atubangan sang mga tawo, agud nga makita nila ang inyo mga buhat nga maayo kag himayaon nila ang inyo Amay nga yara sa langit. Mateo 5:14, 16.

Buhata Ini

2. Ikaw ang kapawa para sa iban nga katawhan tungod kay
 - a) nangin maayo ikaw nga tawo.
 - b) maalam ikaw nga tawo.
 - k) ang presensya, kaayo kag kamatuoran ni Ginuong Jesus nagasiga paagi sa imo.
3. Sauloha ang Hulubaton 20:27.
4. Sauloha ang Mateo 5:14, 16.

Sabat: 2. k) ang presensya, kaayo kag kama-tuoran ni Ginuong Jesus nagasiga paagi sa imo.

Ginbutang ikaw sang Dios nga mangin suga sa madulom nga duog, agud nga ang kasanag sang imo kabuhi makatuytoy sa mga nadulman padulong sa aton Manluluwas kag padulong sa langit. Nagabantay ang kadam-an kon bala matuod ang imo ginahambal nahanungod sa gahum sang Dios. Ang imo kabuhi nagapakita sa ila sang gahum sang Maayong Balita sa pagbalhin sa tawo. Saksi ikaw para kay Kristo. Ang ginabuhay mo, sobra pa sa imo mga pulong nga isa ka pagpamatuod para sa Ginuo.

Buhata Ini

5. Ang pagkabuhi suno sa pagtudlo ni Ginuong Jesus
 - a) ano ang labing gamhanan nga pagpamatuod sa iban sa kama-tuoran sang Maayong Balita.
 - b) indi na kinahanglanon ang pagdala sa iban kay Ginuong Jesus, basta may maayo lang nga pagwali.
6. May nakilala bala ikaw nga isa ka Kristohanon, nga tungod sa iya kabuhi naghandum ikaw sa pagsunod kay Ginuong Jesus?

7. Gusto bala nimo nga magmangin masanag nga suga para sa Ginuo?
8. Subong nga kapawa sang Dios, handa bala ikaw nga pagadalhon Niya sa duog nga nadulman sang kamatuoran, agud magasiga sa amo nga duog?
9. Magpangamuyo nga ang Ginuo maggamit sang imo kabuhi adlaw-adlaw sa pagtuytoy sa iban padulong sa himaya.

Sabat: 5. a) amo ang labing gamhanan nga pagpamatuod sa iban sa kamatuoran sang Maayong Balita.

Tan-awon naton ang mga silak sang kapawa nga naga-iwag gikan sa Kristohanon nga kabuhi. Ini amo ang nagapamatuod sa iban nga ang Maayong Balita matuod gid.

Ang Katampad Bahin sa Kuwarta

Ang pagbayad dayon sang imo utang isa ka maayo nga pagpamatuod. Kon ikaw may negosyo dapat nimo buhaton ini nga tampad kag walay daya. Ang Kristohanon nagabayad sa husto nga tion. Ang iya hinulaman ginauli niya nga maayo ang kahimtangan. Wala sia nagapangutang sang sobra sa masarangan niya nga bayaran. Ginatuman niya ang iya mga saad.

Bayari sila tanan sang natungod sa ila, mga buhis sa natungdan sang mga buhis, ang bayad sa balayran, ang pagtahud sa talahunon, dungog sa bagay pasidunggan. Dili kamo mag-utang bisan kay sin-o. Mga Taga Roma 13:7, 8.

Dili magbayad bisan kay sin-o sing malaut sang malaut, apang maghimulat sang butang nga dungganon sa atubangan sang tanan nga tawo. Mga Taga Roma 12:17.

Buhata Ini

10. Ang utang nga indi mabayaran
 a) nagapaluya sang aton Kristohanon nga pagpamatuod.
 b) mahimo nga kalimtan lang kon gin-utang ini sa wala pa ikaw mag Kristohanon.

Sabat: 10. a) nagapaluya sang aton Kristohanon nga pagpamatuod.

Ang Paghambal subong nga Anak sang Dios

Ano ayhan ang dumdomon sang mga tawo nahanungod sa gahum sang Dios sa pagluwas kon ikaw nagapamuyayaw kag nagapanumpa ukon nagasugid sing mga mahigko nga sugilanon? Magamasidlakon bala ang imo kapawa para sa Dios, kon nagapangaway ikaw, nagakutsokutso, nagapakalain sa iban, nagapahambog sang imo kaugalingon, nagabutig, kag nagagamit sang mahigko kag masakit nga mga pulong?

Sa pihak nga bahin, madamo ang nagatuo nga may gahum ang Maayong Balita sa pagbalhin sang mga panghambal sang Kristohanon.

Ang labing mabudlay nga bagay nga himuon sang bisan sin-o amo ang pagpugong sang iya dila. Indi lang sa imo mga pulong kundi ang tuno man sang imo tingog ang makabuyok sa iban kay Kristo, ukon makapatalikod sa ila sa Kristianismo.

Kon ang bisan sin-o nga tawo nagahuna-huna sa iya kaugalingon nga masimbahon, nga wala nagapugong sang iya dila kundi nagadaya sang iya tagipusoon, ang pagtulohan sining tawo walay pulos. Santiago 1:26.

Buhata Ini

11. Pamangkota ang imo kaugalingon: Makabatyag bala ang mga tawo sang gugma sang Dios paagi sa akon panghambal? Napasandad bala nakon sila? Padayunon bala nakon ang panghambal nga akon naandan bisan yara na si Ginuong Jesus sa akon luyo?
12. Pangayoa kay Ginuong Jesus nga buligan Niya ikaw sa adlaw-adlaw sa paghambal subong nga anak sang Dios.

Ang Pagbulig sa Iban

Kon ginahigugma gid naton ang aton kaiping subong sang aton kaugalingon, ipakita naton sa

yano nga paagi. Buligan naton sa bisan ano lang nga paagi ang nagakinahanglan sang aton bulig.

Ang putli nga pagtuloohan kag walay dagta sa atubang sang Dios kag Amay amo ini: ang pagduaw sa mga ilo kag balo nga mga babayi sa ila kapipit-an kag sa pagtipig sang iya kaugalingon nga walay dagta sa sining kalibutan. Santiago 1:27.

Buhata Ini

13. Nagabulig bala ang inyo iglesia sa mga nagakinahanglan sang bulig kasubong sang mga balo kag ilo? Nagapakigbahin bala ikaw sa sining bulohaton?
14. Panumdoma ang mga tawo sa imo nga palibot nga may mga kalisod. May paagi bala ikaw sa pagbulig? Nagapakita bala ikaw sing kabalaka sa ila? Pangayoa sa Dios nga ipakita sa imo kon paano ikaw magmangin matuod nga abyan sa nagakinahanglan sang imo bulig.

Paggawi sing Maalamon

Maglikaw sa tagsa ka dagway sang kalautan. 1 Tessalonica 5:22.

Ang di-maalamon nga buhat nagamansa sang imo ngalan kag pagpamatuod sa mata sang iban nga tawo.

Halimbawa, ang mga Kristohanon nga pag-

ulolutod maayo nga butang apang indi bagay ang sobra nga paglinahugay. Paano ang paghangop sang iban nga tawo kon makita ang inyo ginahimo? Kinahanglan maghalong sa tanan nga ginahimo. Magmangin huwaran ikaw sa tanan nimo nga buhat agud magamasidlakon pa gid ang imo suga para sa Ginuo.

Gani dili pag-ipahimalaut ang inyo maayo. Mga Taga Roma 14:16.

Dili pagpatamaya ang bisan sin-o sang imo pagkapamatan-on, kondi magmangin huwaran ka sa mga nagatuo sa pulong, sa paggawi, sa gugma, sa pagtuo, sa kaputli. 1 Timoteo 4:12.

Buhata Ini

15. Sa Timoteo 4:12 nagasiling si San Pablo kay Timoteo nga magmangin sulondan sia sang mga tumuluo sa
- a) pagkama-abiabihon, pagpugong, paghambal kag pagtrabaho
 - b) balaan nga pagkabuhi, paghigugma, pagwali kag kalipay.
 - k) pulong, sa paggawi, sa gugma, sa pagtuo, sa kaputli.

Sabat: 15. k) pulong, sa paggawi, sa gugma, sa pagtuo, sa kaputli.

Pagkatinlo

Ang Kristohanon dapat nga magmatinlo sa iya panggawi. Dapat sia nga magmangin sulondan sa pagkatinlo sang iya balay, sang iya panapton kag sang iya kaugalingon. Apang ang pagkatinlo indi kay sa gowa lang. Ang imo lawas, templo sang Balaan nga Espiritu, gani kinahanglan matinloan sa sulod subong man sa gowa. Ang bisyo kag ma-laut nga buhat magadagta sang imo lawas, naga-paluya kag nagapamasakit sa imo. Busa likawi ang bisyo. Tipigi ang imo lawas nga maayo kag mabaskog agud may kusog kag maayo nga kondisyon ikaw sa pag-alagad sa Ginuo.

Buhata Ini

16. (Magpili sang duha ka husto nga sabat.)

Ang pagkatinlo

- a) indi importante kon ang tawo imol.
- b) nagahatag kaayohan sa lawas sang tawo.
- k) nagapamatuod sang aton pagka-Kristohanon.

Sabat: b) nagahatag kaayohan sa lawas sang tawo. k) nagapamatuod sang aton pagka-Kristohanon.

Lapnag na ang kamatuoran nga ang pagpanabako amo ang nagapanguna nga nagatuga sang kanser sa baga. Kag amo man ang gintunaan sang madamo nga kamatayon. Subong man ang

pag-inom sang alkohol kag ang paggamit sang marijuana. Linibo ang nagakamatay kada tuig. Indi maayo nga maghikog kita sa inanay ukon sa kalit man. Tungod kay paagi sina ginaguba nimo ang templo sang Dios.

Wala bala kamo makahibalo nga kamo templo sang Dios kag nga ang Espiritu sang Dios nagapuyo sa inyo? Kon ang bisan sin-o nga tawo maglaglag sang templo sang Dios, ang Dios magalaglag sa iya. Kay ang templo sang Dios balaan, kag ina nga templo amo kamo. I Corinto 3:16, 17.

Buhata Ini

17. Batok kita sa pagpahubog, sa pagpanabako kag sa makahulobog nga ilimnon kag bulong nga makahalit (drug addiction) tungod kay

- a) nagausik ikaw sing kuwarta kag nagagasto sa malain nga bisyo.
- b) nagahalit sila sa lawas nga amo ang templo sang Balaan nga Espiritu.

Sabat: 17. b) nagahalit sila sa lawas nga amo ang templo sang Balaan nga Espiritu.

Kag dili kamo maghinubog sing alak sa diin may pagpatuyang; kondi magmapuno sang Espiritu. Mga Taga Efeso 5:18.

Wala bala kamo makahibalo nga ang mga di-matarung indi makapanubli sang ginharian sang Dios? Dili kamo magtalang; bisan ang mga makihilawason, ukon mga babayinhon, ukon mga Sodomanhon, ukon mga makawat, ukon mga mapasipalahon, ukon mga malugos indi makapanubli sang ginharian sang Dios. Kag ang iban sa inyo subong anay sina. Apang ginhugasan kamo, ginpakabalaan kamo, ginapakamatarung kamo sa ngalan ni Ginuong Jesu-Kristo kag sa Espiritu sang aton Dios. I Mga Taga Corinto 6:9-11.

Magpakigsugilanon sa imo Pastor, kon may problema ikaw sa bisyo. Ipangabay sa iya kag sa iglesia ang pagpangamuyo sa imo agud may bug-os ikaw nga kadalag-an. Ang kabuhi nimo nga ginbalhin amo ang daku nga pagpamatuod sa iban nga ginahandum nimo nga mahilway sa talikala sang sala kag bisyo.



Buhata Ini

18. Kon ginabudlayan ang Kristohanon sa pagkuha sang iya bisyo kinahanglan
- a) mag-untat sia sa pagkadto sa simbahan.
 - b) padayunon niya ang pagbisyo sa tago lamang.
 - k) magpangabay sia sa pastor kag sa iban nga mga Kristohanon sa pagpangamuyo sa iya.

Sabat: 18. k) magpangabay sia sa pastor kag sa iban nga Kristohanon sa pagpangamuyo sa iya.

Pagkaugdang

Magmapainubuson kita sa aton nga pangham-bal, buhat kag dagway. Ang pagkamapainubuson amo ang pihak nga bahin sang bugal kag pagka matinaastaason. Kon magpahambog kita kag maghikay sa iban ginapahilayo naton sila sa pagka Kristohanon tigaylo nga madala sila sa Ginuo.

Talupangdon naton nga wala kita sing kinamatarung sa pagpabugal kon sin-o kita, kon ano ang aton nahimo ukon ano ang naangkon naton. Dili gid kita takus sa pagbaton sing bisan isa lang ka butang nga ginhimo ukon ginhatag sang Dios sa aton. Dumdoma nga kon indi tungod sang Iya kaluoy kag sang Iya pagpanghikot sa aton kabuhi ayhan nangin makakulogmat man kita nga makasasala.

Ang handum sang isa ka hambog kag bugalon nga tawo amo nga matalupangdan sia sang tanan. Ginatawag niya ang igtalupangod sang iban paagi sa pagsunod sa bag-ong moda sang panap-ton kag sa mga malahalón nga mga bayo kag alahas. Ukon sa pagpadayaw sang iya mga ihibalo kag abilidad. Tinguhaon niya nga matalupangdan sia paagi sa pagsupak sang maayo nga pangbiste kag pagginawi. Ang bugalon nga tawo nagapabugal pa sang iya espirituhanon nga inagihan, kag sang pagpahamuot niya sa Ginuo. Ang mapainubuson nga tawo indi kaangay sina. Wala sia nagatawag sang igtalupangod sang iban sa iya kaugalingon.

Ang mapainubuson nga Kristohanon nagalikaw sa paggamit sang mga moda nga makailibog, indi desente, ukon indi bagay sa mga anak sang Dios.

Madamo ang mga dinalan sa Pulong sang Dios ang nagapakilala sang maayo nga pagbiste sang mga babayi nga maugdang. Kinaandan sa mga babayi nga gusto nila nga magmangin maayoayo. Kag wala nagabatok ang Dios sa katahum. Kon sa bagay gusto Niya nga magmangin matahum ang tanan nga mga Kristohanon. Sa Salmo 149:4 nagsaad Sia nga “magpatahum Sia sang mapainubuson sa kaluwasan.” Gusto sang Dios nga ang aton katahum naggikan sa sulod —gikan sa matahum nga batasan nga nagapamukadkad sa isa ka malipayon nga nawong. Nagatudlo Sia sa aton nga ang pinakamaayo nga paagi sa pagpatahum, amo ang pagsul-ob sang mabuot kag malinong nga espiritu.

Ang inyo pagpamuni. . . mangin sa tinago nga tawo sang tagipusoon nga may dimadinulunton nga hulusayon sang mapa-inubuson kag mahim-ong nga espiritu, nga bilidhon gid sa itulolok sang Dios. I Pedro 3:4.

Buhata Ini

19. Ang pagkamapainubuson isa ka
.... a) Kristohanon nga kinaugali.
.... b) palatandaan sang pagkamahuloyon.
.... k) paagi sang pagpadayawdayaw.

Sabat: 19. a) Kristohanon nga kinaugali.

Tampad sa Bulohaton

Kinahanglan mangita kita sang aton pangabuhian paagi sa matarung nga buhat kag indi magpadaug sa gugma sang kuwarta nga magadala sa imo sa madamo nga sari sang pagpanahor. Kag indi man kita buot nga maghimo ukon Magbaligya sang mga butang nga makahalit sa iban.

Kay ang gugma sa kuwarta amo ang gamut sa tanan nga kalainan. I Timoteo 6:10.

Buot sang Dios nga magmapisan kita sa pagtrabaho kag indi magtinamad. May mga Kristohanon nga maligdong sa ila pagtrabaho kag wala nagareklamo. Tungod sini nakakita ang ila agalon sa kamatuoran sang gahum sang Maayong Balita.

Kon sin-o ang indi magpangabudlay, indi Sia magkaon. 2 Tesalonica 3:10.

Sa pagtinguha sa pagpakalinong sa paghimo sang inyo kaugalingon nga bulohaton, kag sa pagpangabudlay sa inyo mga kamot, subong nga gintugyanan kamo namon; agud nga pagtahuron kamo sang mga tagaluwas, kag indi magsandig sa iban. 1 Tesalonica 4:11, 12.

Buhata Ini

20. Nagatudlo ang Biblia nga kon ang tawo indi magtrabaho

- a) magmangin tagdumala sia.
- b) indi sia magkaon.

21. Ang maayo kag masaligan nga trabaho

- a) mangin kaupangan sa imo pagpamatuod.
- b) maayo nga paagi sa pagpasiga sang imo suga.
- k) indi importante.

Sabat: 20. b) indi sia magkaon. 21. b) maayo nga paagi sa pagpasiga sang imo suga.

Kabiga sing Husto ang Imo Panimalay

Matun-an nimo ini sa masunod nga leksyon, apang indi mahimo nga paligaron ini nga topikong ginahambalan ang bahin sang aton pagpamatuod. Madamo ang nadulaan sang luyag sa pagpamati sang Maayong Balita tungod sang mga panimalay nga masunson nagailinaway nga nagapakilala sang ila kaugalingon nga mga Kristohanon. Sa pihak naman nga bahin, madamo man nga wala sing luyag sa pagpamati sang Pulong sang Dios ang nadala sa Ginuo paagi sa pagpailub, gugma kag kalipay nga yara sa panimalay sang Kristohanon.

Buhata Ini

22. Tan-awa liwat ang mga paagi sa pagpasisa sang imo suga nga natun-an nimo sa sini nga leksyon kag pangayoa sa Ginuo nga buligan niya ikaw sa tagsa ka paagi.
23. Sulati ang imo "Rekord sang Bumolutho" para sa leksyon 8.

Tion Para sa Palasinawan

Karon, imo na masulat ang mga sabat sa imo palasinawan.

PAGPAKILALA sang LEKSYON 9

Ang madason mo nga leksyon magasugid sa imo kon “PAANO MAKAANGKON SANG MALIPAYON NGA PANIMALAY.”

Ang isa ka malahalón nga tinutuyo sining bulothon paagi sa koreo amo ang pagpabakud kag sa paglipay sa mga panimalay sang tagsa ka bumolutho. Makabatyag ikaw sang “langit” sa duta kon matun-an nimo kon paano magmangin malipayon ang imo panimalay.

Nгаа nga indi ka magpangabay sang Leksyon 9 karon. Ining kurso nga “Bag-o nga Kabuhi” nga pagtulon-an sa balay mapuslanon gid sa aton pagkabuhi.

Kon natapos mo na ang Leksyon 7 kag 8, ipadala balik sa ICI ang palasinawan agud magradohan, upod sang imo bulig sa sini nga semana, kag ang Leksyon 9 kag 10 igapadala sa imo.

Indi magpalantang, magsulat karon!

**INTERNATIONAL CORRESPONDENCE
INSTITUTE
PHILIPPINE NATIONAL OFFICE
P. O. Box 1084 – MANILA**

LEKSYON 9

**PAANO MAKAAANGKON
SANG MALIPAYON
NGA PANIMALAY**



Ang Matun-an Mo Sa Sini nga Leksyon

**Magpangamuyo kag Magpangabudlay
Para sa Kaluwasan**

sang Imo Panimalay

**Magmaayo nga Kristohanon sa Inyo
Puloy-an**

**Magpangayo sing Kapatawaran sa Imo
nga Sayop**

Magmalipayon Ikaw

Pakabalaana ang Pag-asawahay

Pilia ang Kristohanon

Magmaayo Ikaw nga Ginikanan

**Tudloi ang Imo mga Kabataan sa Pag-
higugma sa Dios**

Higugmaa ang Imo Panimalay

Wala na sing labing bulahan pa nga butang sa sini nga kalibutan, kundi ang Kristohanon nga panimalay. Si Kristo ang pangulo sa sini nga panimalay. Ang Iya presensya nagapuno sa puloy-an sang kalipay, kalinong kag gugma. Ang Kristohanon nga panimalay amo ang palalipdan kag dalangpan batok sa unos sang sala kag kagubot sa palibot. Mahimo nimo ang imo puloy-an nga daw “langit” sa duta kon himuon nimo ang ginatudlo sang Ginuo sa Iya Pulong.

Buhata Ini

1. Ang imo puloy-an mangin “langit” sa duta kon ikaw
 - a) may nagakaigo nga kuwarta sa pagpatahum sini.
 - b) may madamo nga mga abyan nga nagaduaw.
 - k) nagasunod sa ginatudlo sang Pulong sang Dios.

Sabat: 1. k) nagasunod sa ginatudlo sang Pulong sang Dios.

Magpangamuyo kag Magpangabudlay Para sa Kaluwasan sang Imo Panimalay

Makapangamuyo ikaw nga may pagtuo bangod nga amo ini ang kabubot-on sang Dios. Indi lang magkaluya kon ang imo panimalay indi maluwas sa gilayon.

Magpadayon lang sa pagpangamuyo kay nahibaloan mo nga ang Dios nagasabat sang pangamuyo.

Magtuo kay Ginuong Jesus, kag maluwas ka, ikaw kag ang imo panimalay. Mga Binuhatan 16:31.

Buhata Ini

2. Kon ang iban nga katapo sang imo panimalay wala pa makabaton sa Ginuo, kinahanglan

.... a) magpadayon ikaw sa pagpangamuyo sa ila.

.... b) mag-untat ikaw sa Pagpangamuyo sa ila.

.... k) hunahunaon mo nga ang Dios indi magluwas sa ila.

3. Pangamuyoi karon ang tagsa ka katapo sang imo panimalay. Himoa nga kinabatasan ang pagpangamuyo para sa ila adlaw-adlaw.

Sabat: 2. a) magpadayon ikaw sa pagpangamuyo sa ila.

Magmaayo nga Kristohanon sa inyo Puloy-an

Mahapos lamang ang magpaka Kristohanon sa simbahan, apang ano nga sahi sang Kristohanon ikaw sa imo puloy-an?

Buhata Ini

4. Basaha ang Mga Taga Colosas 3 kag painoinoha kon paano nimo matuman ining mga pagtudlo sa imo panimalay.

Nagapasalamat bala ikaw sa ginbuhat sang imo asawa, ukon bana? sa bulig sang imo mga anak, ukon mga utod? sang mga sakripisyo sang mga ginikanan para sa imo?

Mahigugmaon bala ikaw ukon maiyayyahon? Masingki bala ikaw kag madali maakig ukon mapailubon kag mapinatawaron? Diktador ka bala ukon nagapamati ka man sa mga panghuna-huna sang iban? Matinahuron kag matinumanon bala ikaw sa imo mga ginikanan, ukon nagatuman lang sang imo gusto kag indi matinumanon?

Mabinuligon bala ikaw kag mahapos pangabayon? Ukon matamad? Nagakalipay bala ikaw sa pagbulig sa iban nga wala nagatamay ukon nagakumod? Madali lang bala ikaw masaklaw, ukon malipayon bala ikaw bisan magmalain pa ang mga butang sa imo palibot? Mahapos bala sa iban nga katapo sang panimalay ang pagpakig-upod sa imo sa sulod sang puloy-an?

Buhata Ini

5. Kon gusto nimo nga may malipayon ikaw nga panimalay, talupangda ang imo kakulangan kag pangayoa sa Ginuo ang Iya bulig agud magmadinaugon ka. Kon handa ikaw sa paghimo sang imo bahin, ang Ginuo magabulig sa imo.

Magpangayo sing kapatawaran sa Imo mga Sayop

Nagtudlo si Ginuong Jesus sa aton sa pagpangayo sing patawad sa aton mga ginsaypan. indi kita handa sa paghimo sini, makabalabag ini sa aton pagpakighiusa sa Dios.

Gani kon nagadala ka sang imo dulot sa halaran, kag dira makadumdom ka nga ang imo utod may aligutgot sa imo, bayai dira ang imo dulot sa atubangan sang halaran, kag lakat ka; pasag-uli anay sa imo utod, kag ugaling kari ka kag maghalad sang imo dulot. Mateo 5:23, 24.



Mabudlay ang magsiling, “Ginakasubo ko nga nakahambal ako sing ~~in~~ pakit sa imo. Pa-sensyaha lang ako,” apang amo ini ang maayo nga paagi sa paghaw-as sang malain naton nga balatyagon agud magpabilin nga malipayon ang imo panimalay. Indi bala maayo ang imo ugali? Ang pagtalupangod sa imo mga sala kag ang pagpangayo sang bulig gikan sa imo hinigugmasa sa pagpangamuyo sa imo, isa ini ka daku nga tikang padulong sa kadalag-an.

Busa magtinuaray kamo sang inyo mga sala, kag magpangamuyoay kamo; agud nga magayo kamo. Santiago 5:16.

Buhata Ini

6. Magmalipayon ang imo panimalay kon ikaw

- a) magpangayo sing patawad sa mga makasalaklaw mo nga buhat sa bisan sin-o nga katapo sang panimalay.
- b) magpaabot nga magpangayo ang tagsatagsa sang imo pagpatawad.
- k) magpakita sa tanan nga ikaw ang makagagahum agod nga mahadlok sila sa imo..

7. Sauloha ang Santiago 5:16.

Sabat: 6. a) magpangayo sing patawad sa mga makasalaklaw mo nga buhat sa bisan sin-o nga katapo sang panimalay.

Magmalipayon Ikaw

Tuohi ang Dios kag dayawa Sia sa sabat sang imo pangamuyo bisan pa nga madulom ang tanan kag daw indi makita ang sabat.

■ Kay ang kalipay sang Ginuo among inyo kusog. Nehemias 8:10.

Indi ka magkaluya kon daw mabudlayan ikaw sa pagpugong sang imo pagpangakig ukon sa iban nga malain nimo nga batasan. Kay ang pagpanikasog mo sa pagdula sang malain nga batasan isa ka pagpamatuod sang imo gugma sa Ginuo. Nagabulig Sia sa imo pagtubo espiritu-

hanon. Mahinay bala ang imo pagtubo? Magtulok ka sa Dios kag indi sa imo kaugalingon kag matingala lang ikaw kon paano Niya malubad ang mga gumontang sa sulod sang imo panimalay. Ang Dios amo ang mahigugmaon mo nga Amay nga nagatatap sa imo.

Buhata Ini

8. Sauloha ang Nehemias 8:10.

Pagpakabalaana ang Pag-asawahay

Sa iban nga mga duog may naga puy-anay nga wala makasal. Kon ang tawo magKristohanon, gusto niya nga ibutang sa legal ang ila pag-asawahay. Sa sini nga paagi, magamaayo ang iya pagpamatuod sa palibot niya. Ginahatagan niya ang iya panimalay sang kasegurohan sa kasugoan sang banwa, kag nagatahud kay Ginuong Jesu-Kristo. Kon nagakinahanglan ikaw sang laygay nahanungod sa legal nga dukomento, magpakig-hambal sa imo pastor nahanungod sini. Igakali-pay niya ang pagbulig sa imo sa iya masarangan.

Ang Pulong sang Ginuo batok sa bisan ano nga sari sang pakighilawas, nga gowa sa pag-asawahay. Ginadilian man sang Ginuo ang pagpanglahi sa iban nga babayi ukon lalaki.

Bulahan gid ang Kristohanon nga panimalay tungod sa isa ka butang. Ini amo nga ang bana kag ang asawa may pagsalig sa isa kag isa. Ila

nahibaloan nga ang tagsatagsa matutom sa hunahuna, pulong kag buhat. Samtang nagaisa sila sa pag-alagad sa Ginuo, nangin “diotay nga himaya” ang ila pag-upod. Hilway sila sa pagdaya, pangduhaduha, kaimon kag pagkadimaminatudon nga amo ang nagarumpag sang madamo nga panimalay.

Paghuptan sing dungganon sang tanan ang pag-asawahay. Mga Hebreo 13:4.

Apang maghimulat sang butang nga dungganon sa atubangan sang tanan nga tawo – maggawi kamo sing nagakaigo sa tunga sang mga Gentil, agud nga kon ginapakamalaut kamo nila, sila bangod sang inyo maayong mga buhat nga ila nakita maghima sang Dios sa adlaw sang pagduaw. Mga Taga Roma 12:17; 1 Pedro 2:12.

Buhata Ini

9. Ang maayo nga pagahimuon sang isa ka tawo agud may maayo sia nga pagpamatuod kag magpadayon ang pagpakamaayo sang Dios sa iya panimalay, amo ang
 - a) magpakasal sang legal sa wala pa magpuyo subong asawa kag bana.
 - b) magpuyo kaupod sang imo nga kahagugma sa wala pa kamo makasal para maseguro ninyo kon bagay kamo sa isa kag isa.
 - k) magpabilin nga dalaga ukon uli-tawo.

10. Magpangamuyo kamo nga pakamaayohon sang Dios ang inyo pag-asawahay kag nga ang Iya gugma magapabakod sang gugma ninyo sa isa kag isa. Magpangamuyo nga magmangin matuod kamo sa isa kag isa sa pulong, panghunahuna, kag sa buhat. Pangayoa sa Dios nga buligan Niya kamo sa pagsalig sa isa kag isa.

Sabat: a) magpakasal sang legal sa wala pa magpuyo subong asawa kag bana.

Pilia ang Kristohanon

Kon nagapakig-upod na ikaw sa indi Kristohanon, ang pagahimuon nimo amo ang pagpangamuyo kag pagtinguha nga madala nimo sia kay Kristo. Kinahanglan magmaminatud-on ikaw nga asawa ukon bana. Kag pasigahon nimo ang imo suga para sa Ginuo sa sulod sang imo nga panimalay. Apang kon dalaga ukon soltero pa ikaw, kag nagahunahuna sa pagpamana o pagpangasawa, seguroha nga Kristohanon gid ang imo pagapilion. Amo lamang ini ang paagi nga makaagum ikaw sang matuod nga pagkaisa kag paghidait sa imo panimalay.

Kon magpangasawa o magpamana ikaw gikan sa lain nga pagtuloohan, permi lang kamo may palaligban. Paano kamo magbuyloganay sa pagtudlo sang inyo mga anak nahanungod sa pagtuloohan? Paano ang pagtudlo nimo sa ila sang husto nga pag-alagad sa Ginuo?

Ginbaton na nimo si Kristo nga Agalon sang imo kabuhi. Kon ang imo bana ukon asawa indi gusto nga mag-alagad ka sa Iya, masalapuan ninyo nga nagasipak ang inyo dalan. Permi lang ikaw nabutang sa tungatunga: ang paghandum sa pagpahamuot kay Kristo sa tanan nga butang kag ang handum sa pagpahamuot sa imo ka-upod.

Subong nga Kristohanon, buot ka magpahamuot sa Dios. Buot ka nga pagagamiton niya, magtambong sa mga panimbahon, magpakig-hiusa sa iban nga mga Kristohanon kag magpakigbahin sa mga bulohaton sang simbahan. Buot ka nga may pagpangamuyo sa imo panimalay, may pagdayaw sa Dios kag pagbuylog sa pag-alagad sa Dios subong nga isa ka panimalay.

Wala sing gana ang di-linuwas nga bana ukon asawa sa sini nga mga bagay. Ginatak-an sila sa mga panimbahon. Kon mag-upod gani sia sa imo sa simbahan nagapaabot sia nga maupod man ikaw sa mga duog sang kalingawan nga iya ginakadtoan nga indi maayo para sa Kristohanon. Kon indi gani magakadto sia sa iya naluyagan nga kadtoan. Nagahatag ini sing kasubo sa inyo panimalay. Ang masubo pa gid, kay madamo nga mga Kristohanon ang nagtugot nga ang ila nga tiayon magpahilayo sa ila sa Ginuo.

Buot sang Dios nga may malipayon kamo nga panimalay. Indi Sia buot nga mahulog ikaw sa tugalbong ni Satanas. Nagapaandam ang Dios nga indi ikaw magpamana ukon magpangasawa sang indi tumuluo.

Dili kamo magpagota sing linibagon upod sa mga di-matinoohon kay ano bala ang pag-updanay sang pagkamatarung kag kala-utan? Ukon ano bala ang paghiambit sang kapawa sa kadudolman? 2 Corinto 6:14.

Buhata Ini

11. Ang pagpakasal sa isa nga di-Kristoha-
non
- a) isa ka maayo nga paagi sa pag-
daug sa iya sa Ginuo.
 - b) maayo man basta nagahigugma-
ay lamang ang duha.
 - k) isa ka paglapas sa sugo sang
Dios.

Sabat: 11. k) isa ka paglapas sa sugo sang
Dios.

Magmaayo Ikaw nga Ginikanan

Ang ginikanan may salabton sa Dios pag-
atipan sa ila kabataan. Ang amay, subong pa-
ngulo sang panimalay, dapat magtinguha sa pag-
hatag sang materyal kag espirituhanon nga kina-
hanglanon sang iya panimalay. Ang iloy dapat
man maghatag sang mapinalanggaon nga pag-
atipan nga ginakinahanglan sang mga kabataan.
Ang bulohaton sa iglesia wala nagahilway sa
katungdanan sang ginikanan sa ila panimalay.

Kon ang bisan sin-o wala nagasakdag sang
iya mga himata, labi na gid sang iya kauga-
lingon nga panimalay, napanghiwala niya
ang pagtuo kag malain pa sa di-matinuo-
hon. 1 Timoteo 5:8.

Buhata Ini

12. Ang isa ka amay nga nagapatumbaya sang iya panimalay agud makawali

.... a) nagapakita sang hanuot nga pag-alagad sa Dios.

.... b) nagapabaya sa katungdanan nga ginhatag sang Dios sa iya sa pag-atipan sang iya panimalay.

Sabat: 12. b) nagapabaya sa katungdanan nga ginhatag sang Dios sa iya sa pag-atipan sang iya panimalay.

Tudloi ang Imo mga Kabataan sa Paghigugma sa Dios

Kon tudloan nimo ang imo mga kabataan sa paghigugma sa Dios kag sa pagtuman sang Iya mga Pulong samtang magamay pa sila, ginluwas nimo sila kag ang imo kaugalingon sa madamo nga mga palaligban sa pagdalagku nila. Tipuna ang imo panimalay sa pagbasa sang Pulong sang Dios kag sa pagpangamuyo adlaw-adlaw. Hatagi sing bahin ang tagsatagsa. Magbuylog man kamo sa pagpasalamat sa Dios sang Iya bugay kag mga pagpakamaayo.

Magbuylog kamo sa pagkadto sa klase sa adlaw nga Domingo kag sa panimbahon. Tudloi sila sa paghatag sang ila kabuhi sa Dios samtang bata pa sila.

Samtang nagaisa kamo sa pagsimba kag sa pag-alagad sa Dios, ang Iya gugma nagapapagon sang inyo kaangtanan sa isa kag isa. Ginasi-

ling nga: “Ang panimalay nga nagabuylog sa pagpangamuyo may pagkaisa.”

Mga amay, dili ninyo pagpaakiga ang inyo mga anak, kundi sagura sila sa disiplina kag sa pagtudlo sang Ginuo. Mga Taga Efeso 6:4.

Buhata Ini

13. Isulat ang kulang nga mga tinaga sining hulubaton: “Ang panimalay nga nagabuylog sa..... may”

14. Kon ginikanan ikaw, pangamuyoi ang tagsatagsa nimo ka anak karon. Pangayoa sa Ginuo nga buligan Niya ikaw sa pagbulig sa ila. Magpangamuyo nga hatagan pa gid Niya ikaw sang pasensya kag paghangup sa imo mga anak.

Sabat: 13. pagpangamuyo; pagkaisa.

Higugmaa ang Imo Panimalay

“Ang Dios gugma.” Samtang nagatubo ang gugma sang Dios sa imo kabuhi, nagadugang man ang imo gugma sa imo panimalay. Kag samtang nagadugang ang inyo gugma sa sulod sang panimalay, nagamalipayon pa gid kamo.

Buhata Ini

15. Pangayoa sa Ginuo nga buligan Niya kamo nga maghigugmaanay pa gid sa sulod sang panimalay.

16. Basaha ang 1 Mga Taga Corinto 13 kag pangayoa sa Dios nga buligan niya ikaw nga mabutang sa buhat ini tanan sa imo panimalay.
17. Karon sulati ang imo "Rekord sang Bumolutho" para sa Leksyon 9.

PAGPAKILALA sang LEKSYON 10

Pagkatapos mo matun-an ang Leksyon 10, ang katapusan nga leksyon sang kurso nga "Ang Bag-o Mo Nga Kabuhi," mahimo na nimo mabaton ang matahum nga sertipiko gikan sa ICI. Paabota ining dugang nga padya.

Ang topiko sang Leksyon 10 amo "Ang Bag-o Mo Nga Kahilwayan." Matun-an nimo kon ano ang kahulogan sang pagkahilway kag kon sa ano ikaw ginhilway. Ang sabat sining mga pamangkot kag dugang pa gid nga malahalon nga mga impormasyon makita sa Leksyon 10. Tion na nga dapat magdugang ang imo ihibalo nahanungod sa "Bag-o Mo nga Kahilwayan."

LEKSYON 10

**ANG
BAG-O MO
NGA KAHILWAYAN**



Ang Matun-an Mo Sa Sini Nga Leksyon

**Kahilwayan Gikan sa Sala
Kahilwayan Gikan sa Kahadlok
Kahilwayan Gikan sa Kasaypanan
Kahilwayan Gikan sa Kasugoan ni
Moises
Kahilwayan Gikan sa Pagpalibog
Kahilwayan Gikan sa mga Balatian
Kahilwayan Sa Palaabuton
Pagtipig sang Imo Kahilwayan**

Si Apostol Pablo nagasulat nahanungod sa “mahimayaon nga kahilwayan sang mga anak sang Dios.” Sa nagapadayon ikaw sa paglakat sa dalanon sang Ginuo, magapasalamat ikaw kag magakalipay sa sining makatilingala nga kahilwayan nga ginhatag Niya.

Kahilwayan Gikan sa Sala

Nagpakamatay si Ginuonng Jesus sa paghilway sa imo sa sala, silot, gahum kag presensya sang sala.

▲ Sala: Gin-ako Niya ang tanan nga basol sa sala nga imo nahimo.

▲ Silot: Gintagudilian na ikaw apang nagpakamatay si Ginuonng Jesus nga tal-os sa imo. Sa pagbaton nimo sa Iya nga Manluluwas, hilway na ikaw sa silot sang kamatayon.

▲ Gahum: Nadaug ni Ginuonng Jesus si Satanas kag ginbugras ang gahum sang sala sa imo.

Apang karon nga nahilway kamo sa sala. . . kay ang napatay nahilway na sa sala apang buhi sa Dios sa kay Kristo Jesus. Busa wala na karon sing katagudilian sa mga yara kay Kristo Jesus. Mga Taga Roma 6:22, 7, 11; 8:1.

Buhata Ini

1. Nahilway ikaw sa sala, silot kag gahum sang sala

- a) kay ginbaton nimo si Ginuonng Jesus nga imo Manluluwas.
- b) kay nagpenitensya ikaw sa imo mga sala.
- k) kay nagtuyo ikaw sa paghimo sang maayo sugod karon.

Sabat: 1, a) kay ginbaton nimo si Ginuonng Jesus nga imo Manluluwas.

▲ Pagsulay sa pagpakasala: May iban nga sa tion sang ila pagbaton sa Ginuo gilayon nga nakuha ang ila bisyo. May iban man nga madugay anay ang ila pagpakigsumpong sa daku nga luyag sa pagpanabako, pag-inom kag iban pa nga bisyo. Apang samtang nagapadayon sila sa pagpangamuyo kag pagtuo, ang Dios nagahatag sing kadalag-an sa ila.

Gani kon ang Anak maghilway sa inyo, matuod gid nga mangin hilway kamo. Juan 8:36.

Sumponga ang yawa kag magapalayo sia sa inyo. Santiago 4:7.

Kon nagapakigsumpong pa ikaw sa malain nga mga bisyo, indi pag-untati ang imo pagpakigsumpong. Kon sulayon ikaw sang panulay, tingdogi ang ginhatag ni Kristo nga kahilwayan paagi sa pagtuo. Sugori ang pagdayaw sa Ginuo sa kahilwayan.

Kag magmadinaugon ikaw batok sa manugsulay. Ang imo pastor magakalipay sa pagpangamuyo kag sa pagbulig sa imo.

Diri sa duta may nanarisari nga mga pagsulay nga imo atubangon apang kon makaabot gani ikaw sa langit, hilway na ikaw gikan sa handum sa pagpakasala, sa walay katubtoban.

Buhata Ini

2. Sauloha ang Juan 8:36 kag Santiago 4:7.
3. (Magpili sang isa ka sabat.) Nagsiling ang Biblia nga ang panulay
 - a) magmadinaugon kon magpakigsumpong ikaw.
 - b) magapalayo sa imo kon magapakigsumpong ikaw sa iya.
 - k) wala nagasapak sa imo nga pagpamatok.

Sabat. b) magapalayo sa imo kon magapakigsumpong ikaw sa iya.

▲ Ang presensya kag resulta sang sala: Karon makita nimo ang sala kag ang bunga sini sa palibot nimo — pag-antos, kasubo kag kamatay. Apang sa pila ka adlaw magaabot ang mahimayaon nga adlaw nga magakadto ikaw sa imo puloy-an nga walay katubtoban kag indi na ikaw makadumdom sang sala kag sang ila resulta.

Buhata Ini

4. (Magpili sang tatlo ka sabat.) Diin sa sini nga mga kahilwayan gikan sa sala ang aton maangkon kay Kristo karon?

- a) kahilwayan gikan sa pagsulay.
- b) kahilwayan gikan sa gahum sang sala.
- k) kahilwayan gikan sa sala.
- d) kahilwayan gikan sa bunga sang sala.
- e) kahilwayan gikan sa presensya sang sala.
- g) kahilwayan gikan sa silot sang sala.

Sabat: b) kahilwayan gikan sa gahum sang sala. k) kahilwayan gikan sa sala. g) kahilwayan gikan sa silot sang sala.

Kahilwayan Gikan sa Kahadlok

Hilway na ikaw gikan sa kahadlok sang kon ano ang pagahimuon sang iban sa imo. Ang imo kabuhi yara sa pagtatap sang Ginuo, "Natago sa kay Kristo nga Dios." Mahimo nga mag-antos ikaw tungod kay Kristo ukon ayhan mapatay tungod sa Iya; apang kaupod nimo Sia sa tanan nga tion. Wala sing matabo sa imo kon indi Niya pag-itugot.

Kon ang Dios apin sa aton, sin-o bala ang batok sa aton? Mga Taga Roma 8:31.

Hilway na ikaw gikan sa kahadlok sa mga babaylan, sa mata sang panulay kag sa mga butang nga makadala sang dimalas. Tungod kay yara si Kristo nga buhi sa imo tupad sa pag-apin sa imo, indi na kinahanglan nga maggamit ikaw sang mga medalya, salamangka, luy-a, anting-anting, mga carmen sa liog sang imo bata, laragway sang santo anghel, ukon tanan nga sahi sang mga laragway ukon imahen nga makaapin sa imo. Kon sa bagay magakasubo ang Ginuo sa pagtan-aw sa imo nga nagagamit ikaw sini nga mga butang, tungod katulad lang sang daw indi Sia makatuman sang Iya mga saad sa pagbantay sa imo.

Indi ko ikaw nga mas-a pagpalugaw-an ukon pagpatumbayaan ko ikaw. Gani sa may pagsalig makasiling kita, Ang Ginuo amo ang akon Manugtabang, indi ako mahadlok, ano bala ang himuon sang tawo sa akon? Mga Hebreo 13:5, 6.

Mga anak, iya kamo sang Dios, kag nadaug ninyo sila; kag ang yara sa inyo daku pa sa iya nga yara sa kalibutan. 1 Juan 4:4.

Buhata Ini

5. Ang maayo nga buhaton para mahilway ikaw sa kahadlok amo ang
- a) maggamit sang mabaskog nga anting-anting.
 - b) magkadto sa babaylan.
 - k) magsindi sang kandila sa santos.
 - d) magsalig sa Ginuo.

Sabat: 5. d) magsalig sa Ginuo

Kahilwayan Gikan sa Kasaypanan

Ginapatalang ni satanas ang minilyon nga mga katawhan sa sayop nga pagtuloohan. Ginhatagan niya sila sing sayop nga panghunahuna kon pano makakadto sa langit. Nagapangamuyo sila sa adlaw kag sa bulan, sa mga bato sa suba, kag sa kahoy kag nagatinguha sa pagpangita sang kamatuoran paagi sa mga damgo kag sa pagpakot sang mga palaabuton. Nagapangayo sila sing bulig sa mga espiritu sang patay. Nagasindi sang kandila kag nagasunog sang insensyo sa mga imahen nga nahimo sa bulawan, pilak, kahoy kag bato. Nagahimo sila sang mga halad kag panaad sa pagpangadi nila sa mga espiritu nga nagapangayo sang bulig.

Ang Pulong sang Ginuo – kag indi ang hunahuna sang tawo – ang nagtudlo sa aton sang matuod nga dalan pakadto sa langit. Samtang ginabasa nimo ang Pulong sang Ginuo, imo matukiban ang kamatuoran kag mahilway ikaw sa sayop nga pagtuloohan.

Kag kamo makakilala sang kamatuoran, kag ang kamatuoran magahilway sa inyo. Juan 8:32.

Buhata Ini

6. (Magpili sang isa ka sabat.) Mahilway kita gikan sa kasaypanan paagi sa

- a) pagpahayag paagi sa mga damgo.
- b) pagpamati sang siling sang iban nga tawo nahanungod sa langit.
- k) kamatuoran nga aton matun-an sa Biblia.

Sabat: 6. k) kamatuoran nga aton matun-an sa Biblia.

Sa masunod nga mga bersikulo gikan sa Biblia makita nimo nga kontra gid sang Dios ang magpangamuyo sa mga imahen kag magtuo sa mga babaylan kag espiritista. Karon nga ginhatag na nimo ang imo kabuhi sa Iya, ang Iya mga sugo malahalon pa sang sa mga panaad nga imo nahimo sang wala pa ikaw makahangop sang kamatuoran. Ining mga sugo sang Dios magahilway sa imo sa mga panaad nga nahimo nimo sa mga imahen, sa mga espiritu ukon sa mga dimatuod nga mga diosdios.

Dili ka maghupot sing iban nga mga dios sa atubangan ko.

Dili ka maghimo nga sa imo sing larawan nga tinigban,

Ukon bisan ano nga kaangay sang bisan anong butang nga yara sa langit sa ibabaw, ukon yara sa duta sa idalum ukon yara sa tubig sa idalum sang duta; dili ka magyaob sa ila ukon mag-alagad sa ila. Exodo 20:3-5. Manginwalay makita sa imo nga bisan sinong nagapaagi sa kalayo sang iya anak nga babayi bisan sin-o nga nagagamit sang pagpamakot, ang manuglagpat ukon manugbabaylan, ukon diwatahan, ukon manugtiwtiw, ukon manugpagowa sa mga espiritu, ukon salamangkero ukon manugpakot sa mga napatay kay ang bisan sin-o nga naghimo sining mga butang, kangil-aran sa Ginuo. Deuteronomio. 18:10-12.

Hilway ikaw gikan sa pag-alagad sa mga espiritu ukon mga diosdios tungod kay ginapanagiyahan na ikaw sang matuod nga Dios. Hilway man ikaw gikan sa gahum sang malain nga espiritu. Indi ka magkahadlok basi ano ang ila himuon sa imo, makusog pa ang Espiritu sang Dios nga nagapuyo sa imo tagipusoon sang sa malain nga espiritu nga buot maghalit sa imo.

Buhata Ini

7. (Magpili sang duha ka husto nga sabat.)
Ang Biblia nagahilway sa aton gikan sa kasaypanan sang
- a) pagsimba sa imahen.
 - b) pagpangamuyo direkta sa Dios.
 - k) pagtuman sang adlaw nga inugpahuway.

- d) paghinulsol kag pagtuo.
- e) kon ano nga sari sang espiritismo.

Sabat: 7. a) pagsimba sa imahen. e) kon ano nga sari sang espiritismo.

Kahilwayan Gikan sa Kasugoan ni Moises

Sang una nga panahon naghimo ang Dios sang katipan sa mga Hebreo. Ginbaton ni Moises ang mga tulomanon sining katipan kag ang mga kasugoan para sa bag-o nga pungsod nga iya gindala paggowa sa Egipto. Nalakip sa kasugoan nga ginhatag kay Moises ang mga sulondan sa paghalad, balaan nga mga adlaw, sulondan sa pagpanimbahon, kag mga sulondan nahanungod sa pagkaon.

Ining mga pagsulondan sa pagtuloohan isa lamang ka paanggid ukon laragway ni Jesu-Kristo kag sang kaluwasan nga pagaihatag ni Kristo. Sia ang himpit nga halad nga makakuha sang ila mga sala. Tumanon Niya ang tanan nga ginapatuman sang kasugoan kag magatukod Sia sang bag-o nga katipan kaupod sa mga tawo nga magbaton sa Iya nga ila Manluluwas. Hebreohanon man sia ukon indi.

Gani ang ginadilian sang kasugoan ni Moises para sa mga Hebreohanon lamang nga gikan sa panahon ni Moises tubtob sa panahon ni Kristo. Karon yari na kita sa idalum sang Bag-o nga Katipan.

Buhata Ini

8. (Magpili sang tatlo ka sabat.) Nalakip sa mahimayaon nga kahilwayan sang mga anak sang Dios ang
- a) kahilwayan gikan sa kahadlok sa malain nga espiritu.
 - b) kahilwayan gikan sa sala nga pagtulooan.
 - k) kahilwayan gikan sa kasugoan sang aton banwa.
 - d) kahilwayan gikan sa kasugoan ni Moises.
 - e) kahilwayan gikan sa paghimo kon ano lang ang aton nagus-tohan.

Sabat: 8. a) kahilwayan gikan sa kahadlok sa malain nga espiritu. b) kahilwayan gikan sa sala nga pagtulooan. d) kahilwayan gikan sa kasugoan ni Moises.

Nagalibog ang ulo sang iban nga mga katawhan kay nagahunahuna sila nga kinahanglan aton sundon ang adlaw nga Sabado subong nga Balaan nga adlaw, subong sang ginmando sang kasugoan ni Moises. Apang sugod sang nabanhaw si Ginuong Jesus gikan sa minatay sa nahuna nga adlaw sang semana, nangin-ugali na sang mga Kristohanon ang maghiwat sang panimbahon sa sina nga adlaw. Ang adlaw nga Domingo handumanan sang Iya pagkabanhaw. Sugod pa sa kapanahonan sang Biblia, ginatawag nila ini nga “adlaw sang Ginuo.”

Ginpain naton ang isa ka adlaw sa semana, subong adlaw sa pagpahuway sa mga bulohaton kag magkadto sa balay sang Dios sa pagsimba sa Iya. Apang ginahimo naton ini tungod kay aton Sia ginahigugma kag indi tungod kay ginapilit kita sa pagtuman.

■ Sa espiritu ako sa adlaw sang Ginuo. Bugna 1:10.

Sa kasugoan ni Moises pililion ang sapat nga makaon sang mga katawhan. Sa bag-o nga kati-pan wala kita mahigti sini nga kasugoan. Naghatag ang Dios sang kahilwayan sa aton pareho sang kahilwayan sang mga tawo sa wala pa ang kasugoan. Ginhambalan sang Dios si Noe nga ang tawo indi magkaon sang dugo kag ini gindumili man sa Bag-o nga Katipan. Apang maka-kaon kita sang bisan ano nga sari sang karne.

■ Tagsa ka butang nga nagagiho nga nagaka- buhi mangin kalan-on ninyo; kag subong nga ginhatag ko ang gamhon nga hilaw, ginahatag ko ang tanan sa inyo. Apang ang unod nga may kabuhi, nga amo ang iya dugo, dili ninyo pagkaonon. Genesis 9:3, 4.

Kay ang tagsa ka tinuga sang Dios maayo, kag walay bisan ano nga isikway kon ba- tu non nga may pagpasalamat. Kay gin- pakabalaan ini niyan sang Pulong sang Dios kag pangamuyo. I Timoteo 4:4, 5.

■ Magkaon kamo sang bisan ano nga gina- baligya sa balaligyaan sang unod, nga wala nagausisa bangod sang kaisipan. Kon ang

isa sang mga dimatinoohon nagaagda sa inyo sa pagkaon kag luyag kamo magkadto, kaona ninyo ang bisan ano nga ginabutang sa inyo atubangan nga wala nagausisa bangod sang kaisipan. I Mga Taga Corinto 10:25, 27.

Busa walay tawo nga maghukom sa inyo nahanungod sa kalan-on kag sa ilimnon ukon nahanungod sa piesta ukon sa lati ukon sa adlaw nga inugpahuway. Mga Taga Colosas 2:16.

Buhata Ini

9. (Magpili sang isa ka sabat.) Nagatudlo ang Biblia nga ang Kristohanon

- a) makakaon sang bisan ano nga klase sang karne.
- b) makakaon lamang sang pinili nga karne.
- k) indi makakaon sang bisan ano nga klase sang karne.

Sabat: 9. a) makakaon sang bisan ano nga klase sang karne.

Kahilwayan Gikan sa Pagpalibog

Ginahigugma ikaw sang Langitnon mo nga Amay kag hatagan Niya ikaw sang imo mga kinahanglanon. Gani magsalig ikaw sa Iya.

Magtugyan sang inyo tanan nga mga paghimud-os sa Iya, kay Sia nagakabalaka sa inyo. I Pedro 5:7.

Busa dili kamo maghimud-os, nga naga-siling, ano bala ang aton kaonon? Ukon ano ang aton imnon? Ukon ano ang aton ipanapot? Kay ang mga Gentil nagapangita sini tanan nga butang; kag ang inyo Amay nga Langitnon nakahibalo nga kamo may kinahanglan sini tanan. Apang pangitaa anay ninyo ang ginharian sang Dios kag ang Iya pagkamatarung kag tanan ini nga butang idugang sa inyo. Mateo 6:31-33.

Buhata Ini

10. Sauloha ang I Pedro 5:7.

11. May ginapaligban bala ikaw? Dalha sa Ginuo paagi sa pangamuyo. Pasalamatì Sia sa sabat kag untati na ang pagpali-bog.

Kahilwayan Gikan sa mga Balatian

Ang labing maayo nga Manugbolong nga si Kristo isa ka suod nimo nga abyan. Ginahigugma Niya ikaw kag buot Sia nga may maayo ikaw nga lawas. Subong sang pagpaayo Niya sang mga masakiton sang diri pa Sia sa duta, magaaayo man Sia karon sang mga masakiton paagi sa pagpangamuyo. Kon nagamasakit ikaw, pangabaya ang pastor kag ang mga diakono sang iglesia sa pagpangamuyo sa imo. Mahimo nga ipandong nila ang ila mga kamot sa imo sa pagpangamuyo sa Dios sa pagtandog kag sa pag-ayo sa imo. Ukon haplasan nila ikaw sang lana kay amo man ini ang paagi sa pagpakita sang ila

pagtuo sa gahum sang Balaan nga Espiritu sa pag-ayo sa imo.

Magapandong sila sang ila mga kamot sa mga masakiton; kag magaayo sila. Marcos 16:18.

May nagamasakit bala sa inyo? Magpatawag sia sang mga tigulang sang iglesia kag pangamuyoan nila sia, nga ginahaplasan sing lana sa ngalan sang Ginuo; kag ang pangamuyo sang pagtuo magaayo sang nagamasakit, kag ang Ginuo magabangon sa iya; kag kon nakasala sia patawaron ini sa iya. Santiago 5:14, 15.



Buhata Ini

12. Nagakinahanglan bala ikaw sang pag-ayo? Pangabaya ang imo nga pastor sa pagpangamuyo sa imo. Sulati man kami sang imo kinahanglan kay magabulig kami sa imo palangamuyoan. Ila-kip ang imo palangamuyoan sa pagpadala nimo sang imo "rekord sang bumolutho."

Kahilwayan sa Palaabuton

Tumalagsahon ang kahilwayan nga imo naangkon karon, apang kon si Ginuonng Jesus ang Daku nga Manughilway magbalik diri sa duta sa pagkuha sang mga Iya, mahibaloan nimo sa katapusan ang kabug-osan sang mahimayaon nga kahilwayan sang mga kaanakan sang Dios. Pagabaylohan Niya ang imo lawas sang himpit nga kaangay sang iya kaugalingon nga lawas kag dalhon ikaw sa imo langitnon nga puloy-an. Kay sa ulihi hilwayon man ni Kristo ang kalibutan sa presensya sang tanan nga sala kag sang tanan nga bunga sini.

Pahiran Niya ang tagsa ka luha sa mga mata nila kag wala na sing kamatayon ukon kalisod ukon paghibi ukon kasakit pa kay ang nahaunang mga butang nagtaliwan. Bugna 21:4.

Kay ang tinuga nasakop sa kaluyahon indi sa iya kaugalingon nga kabubut-on kondi sa kabubot-on sadtong nagsakop sa iya sa paglaum. Bangod nga ang tinuga gid hilwayon sa kahiolipnan sang pagkamadinulnton kag makaagum sang mahimayaon nga kahilwayan sang mga anak sang Dios. I Mga Taga Roma 8:20, 21.

Buhata Ini

13. Basaha ang Bugna 21:4 sing apat ka beses kag pasalamat ang Dios sa mensahe sini.



**“ANG BAG-O MO NGA KABUHI”
REKORD SANG BUMOLUTHO**

**INTERNATIONAL CORRESPONDENCE INSTITUTE
PHILIPPINE NATIONAL OFFICE – P.O. BOX 1084 – MANILA**

**PALASINAWAN
LEKSYON 1**

**NAKASUGOD IKAW
SANG BAG-O NGA KABUHI**

Petsa _____

Isulat sing maathag:

Ngalan _____

Puloy-an _____

Ngalan sang imo simbahan _____

Duog nga nahamtangan _____

Ngalan sang pastor _____

Palihog sulati ini nga palasinawan kag sabta ang tagsa ka pamangkot. Sa pagkinot sang selyo kag pagpahapos sang pagpadala, kompletoha anay ang duha ka palasinawan sa wala mo pa mahulog sa inyo “post office”.

Ipadala ang imo PALASINAWAN kag REKORD SANG BUMOLUTHO sa INTERNATIONAL CORRESPONDENCE INSTITUTE, Philippine National Office, P. O. Box 1084, Manila.

SABTA ang masunod nga mga pamangkot paagi sa pag-butang sang LINYA SA IDALUM SANG HUSTO NGA SABAT.

1. Ang “bag-o nga kabuhi” nagasugod
 - a) sa tion sang pagkatawo
 - b) sa tion nga mabaton si Kristo Jesus nga personal nga Manluluwas.
 - k) pagkatapos mapatay.
2. Diin bala matun-an ang “bag-o nga kabuhi”?
 - a) sa Biblia, ang Pulong sang Dios
 - b) sa siyensya
 - k) sa nagkalainlain nga mga relihiyon.
3. Ngaa nga nagkari si Kristo Jesus sa kalibutan?
 - a) sa pagtagudili sa mga katawhan tungod sang ila mga sala.
 - b) sa paghatag sang kabuhi. . sa iya kabug-osan.
4. Ano ang nagahimo sang isa ka tawo nga Kristohanon?
 - a) ang pagpuyo sa isa ka Kristiano nga pungsod.
 - b) ang pagkatawo sa isa ka Kristohanon nga panimalay.
 - k) ang pagbaton sang “bag-o nga kabuhi” kay Kristo kag ang pagtugot kay Kristo nga magpuyo sa imo tagipusoon kag paagi sa imo.
5. Linyahi ang mga pulong nga nagapakilala sang daku nga kabalhinan nga nagaabot sa tawo kon sia magbaton sining “bag-o nga kabuhi”.
 - a) bag-o nga mga painuino
 - b) makaangkon sang mas madamo pa nga kuwarta
 - k) makaangkon sang daku nga kabantugan
6. Ano ang labing malahalon nga kabalhinan nga nagapakilala nga yara ang “bag-o nga kabuhi” sang Dios?

- a) kahilwayan sa tanan nga mga gumontang
 - b) ang pagbatyag sang mas madalum nga gugma sa Dios
 - k) ang pagbatyag sang kahilwayan sa pagkabuhi sa imo kaugalingon nga luyag
7. Ining bag-o nga kabuhi . . .
- a) madulom kag masubo
 - b) puno sang kalipay kag paghidait
 - k) kasubong sang isa ka bilanggoan tungod sang madamo nga tulumanon.
8. Diin bala nagagikan ining “bag-o nga kabuhi”?
- a) sa Kristohanon nga nagahimulat nga magma-ayo
 - b) kay Kristo Jesus, ang Manughatag sang kabuhi
 - k) sa pagpakigbahin sa isa ka simbahan
9. Pagkatapos mabaton ang “bag-o nga kabuhi” ano ang dapat buhaton agud magmangin mas mabakod pa nga Kristohanon?
- a) magsaksi nahanungod sa imo bag-o nga pagpakig-angot kay Kristo
 - b) maghimulat nga magmaayo
 - k) magsunod sa iban nga mga Kristohanon
10. Paano bala dapat magpangamuyo ang isa ka Kristohanon?
- a) magsaulo sang matahum nga mga pangamuyo kag liwatliwaton ini sing madasig kag masunson.
 - b) magpakighainbal lamang direkta sa Dios sa isa ka mahirop nga paagi katulad sang isa ka anak sa iya amay ukon isa ka asawa sa iya bana.
 - k) maggamit sang dalagku kag binulakbulakan nga mga pulong.
11. Paagi kay sin-o nagagikan ang “bag-o nga kabuhi”?
- a) sa isa ka maayo nga manughambal

- b) sa isa ka mahinangpunon nga pastor
 - k) sa Dios paagi sa Balaan nga Espiritu
12. Paano ang isa ka tawo makahimo sang husto?
- a) paagi sa iya kaugalingon nga kaalam
 - b) paagi sa iya kaugalingon nga gahum sa pagbuot
 - k) paagi sa pagpangita sang bulig sang Balaan nga Espiritu.
13. Ilaragway ang bag-o nga kaangtanan nga nagaabot sa tagsa-tagsa nga nagabatong sang “bag-o nga kabuhi”.
- a) dapat magmangin bahin sang isa ka organisasyon.
 - b) mag-angkon sang bag-o nga paghiliutod sa iban nga mga tumoluo kay Kristo
 - k) magmangin maayo nga abyan sa mga tawo nga mahapos updon.
14. Ngaa bala nga buot sang Balaan nga Espiritu nga magpuno sang bug-os nga tagipusoon sang tumulo?
- a) sa pagsilot sa iya tungod sang iya mga sayop.
 - b) sa pagpuyo sa iya kag pagbulig sa iya sa paghimo sang husto.

Sa pagkinot sang koreo kag sa pagpahapos sang pagpadala kompletaha anay ang duha ka palasinawan sa wala pa magpadala sa ICI agud magradohan.

“ ANG BAG-O MO NGA KABUHI ”
REKORD SANG BUMOLUTHO

PALASINAWAN
LEKSYON 2

NAGATUON IKAW SA PAGLAKAT

Petsa.....

Isulat sing maathag:

Ngalan

Puloy-an

.....

.....

Minamahal nga Bumolutho:

Palihog sulati ini nga Palasinawan, kag sabta ang tagsa ka pamangkot. Kon nakompleto na, ipadala ang imo PALASINAWAN kag REKORD SANG BUMOLUTHO sa **International Correspondence Institute, Philippine National Office, P.O. Box 1084, Manila.**

* Nakapakigsumpong bala ikaw sa mga kaluya ukon sa mga pangduhaduha nahanungod sa imo espirituhanon nga kasegurohan?

* Nabasa na bala nimo ini nga mga bersikulo? Juan 10:26; Markos 1:15, Binuhatan 16:31; 1 Juan 5:11, 12.
.....

Masaulo na bala nimo ini sila?

* Sa diin sining mga bersikulo ang imo nasaulo?

.....

SABTA ang masunod nga mga pamangkot paagi sa pag-butang sang LINYA sa IDALUM SANG HUSTO NGA SABAT.

1. Paano ginlaragway sang Leksyon 2 ang bag-o nga kabuhi sang isa ka Kristohanon?
 - a) subong sang isa ka tawo nga nagalakat nga nagaisahanon.
 - b) subong sang isa ka lapsag nga may “kabuhi” apang indi pa makalakat sing maayo.
 - k) subong sang isa ka hamtong nga tawo nga mabaskog ang pagtuo kag may himpit nga ihibalo sang kabubot-on sang Dios, nga nagalakat kaupod sa Ginuo.
2. Ano ang dapat batyagon sang isa ka tawo nga “naga-antos para kay Kristo?”
 - a) magkasubo kag magkaluya
 - b) magpangakig kag handa magpakig-away
 - k) “malipayon” tungod nga may saad sang padya sa langit.
3. Ano ang dapat mo dumdomon kon ginasulay ikaw nga magmaluya kag magkasubo bangod napaslawan ang imo handom sa paghimaya kay Kristo bangod man sang mga tawo nga wala makahangop sa imo ukon bangod sang mga hitabo nga indi mo mapunggan?
 - a) ang matuodtuod nga mga Kristohanon dapat magmalipayon sa tanan nga tion, maghatag sang salimpapaw nga yuhom kag magpakita nga daw wala makahibalo.
 - b) magpadaug sa kasubo kag magpanaway sa imo mga kasumptiong.
 - k) sa pagtuo magdayaw sa Ginuo bangod sa Iya Presensya kag tanan nga mga saad. Mag-salig ka sa Iya sa pagbulig sa imo nga maghimaya sa Dios sini nga paagi kag sa Iya tion.
4. Samtang nagatuon ikaw sa paglakat kaupod sa Dios, ano ang mga butang nga dapat ibutang sang isa ka Kristohanon sa iya hunahuna?

- a) "pangduhaduha" sa katutom kag gahum sang Dios.
 - b) kaugalingon nga mga balatyagon kag kahadlok.
 - k) ang wala sing sayop kag ang masaligan nga mga saad sang Dios nga makita sa Biblia.
5. Pagkatapos nga ang tawo magtuo sing matuodtuod sa kay Kristo kag maghinulsol, ano ang ginasandigan sang iya walay katubtoban nga kaluwasan?
- a) ang katutom sang Dios
 - b) balatyagon
 - k) maayo nga ngalan kag mga buhat
6. Ano ang buot ni Satanas nga buhaton sang tagsa ka Kristohanon?
- a) magkalipay sa kaluwasan sang ila kalag
 - b) magsaksi kay Kristo
 - k) magduhaduha nga sila nakabaton sang "bag-o nga kabuhi" paagi kay Kristo.
7. Kon nakasandad ikaw kag nakahimo sang indi mo dapat buhaton, ano ang ginalauman mo nga buhaton sang Langitnon nga Amay?
- a) Mangakig sa imo kag ipalayo ikaw sa Iya presensya sa wala sing katapusan.
 - b) magapatawad sa imo kon ikaw magtuad sang imo sala kag magabulig sa imo nga magbuhat sang mas maayo pa, paagi sa Balaan nga Espiritu.
 - k) Ibale wala lang ang imo kaluyahon kag pabayaan ikaw.
8. Kon may nakasala sa imo, ano ang dapat mo nga buhaton?
- a) likom mo sia nga kaugtan
 - b) patawaron mo sia gilayon sa imo tagipsoon.
 - k) sugiran mo ang iban sang iya kalain.
9. Patawaron bala ikaw sang Dios, kon wala ikaw

nagapatawad sa iban?

- a) huo
- b) indi
- k) wala makahibalo

10. Ano ang kahulogan sang "paghinulsol?"
- a) pagdumot sang sala sa bagay nga talikuran ang tagsa ka nahibaloan nga sala kag malaut nga mga handom.
 - b) pagtuad sa pari
 - k) pagkalisod samtang ginabaton ang silot nga ginakinahanglan.
11. Ano ang husto nga paagi sang paglakat sang mga Kristohanon?
- a) mahimo ang bisan ano nga paagi basta ma-minatud-on lang ang isa ka tawo
 - b) Si Jesu-Kristo amo ang "Dalan" ang "Kama-tuoran" kag ang "Kabuhi". Sunda lamang Sia.

KUPON

Palihog padalhi ako sang madason nga duha ka leksyon, nga ginatig-ulohan,

kag

Nalakisip diri ang "money order" nga ₱

Palihog ipaayon ini sa akon ginsaad nga donasyon nga ₱ 10.00

Buot ako magpadayon sa pagtuon sang kurso nga "Ang Bag-o Mo Nga Kabuhi."

NGALAN

ADDRESS

.....

INTERNATIONAL CORRESPONDENCE INSTITUTE
PHILIPPINE NATIONAL OFFICE
P. O. BOX 1084 -MANILA



“ ANG BAG-O MO NGA KABUHI ”
REKORD SANG BUMOLUTHO

INTERNATIONAL CORRESPONDENCE INSTITUTE
PHILIPPINE NATIONAL OFFICE – P.O. BOX 1084 – MANILA

PALASINAWAN

LEKSYON 3

ANG IMO AMAY NAGAPAKIGHAMBAL SA IMO

Petsa

Isulat sing maathag:

Ngalan

Puloy-an

.....

.....

Minamahal nga Bumolutho – Nagasalig kami nga ang imo kabuhi nga Kristohanon napabakod tungod nagatuon ikaw kon paano makapapakighambal ang imo Langitnon nga Amay sa imo adlaw-adlaw. Kon ikaw handa na, magkuha sang pila ka mga minuto kag tilawan ang imo memorya sa sining malahalon nga tulon-an.

SABTA ang madason nga mga pamangkot paagi sa pag-butang sang LINYA SA IDALUM SANG HUSTO NGA SABAT.

1. Ano ang malahalon nga bagay nga ginapatuhoy sining leksyon natungod sa Dios?
 - a) Ang Dios luyag magpakighambal sa iya mga kaanakan.
 - b) Ang Dios tuman kasako nga indi makapakighambal sa tawo.
 - k) Ang Dios indi buot magpakighambal kay bisan sin-o man.

2. Maghatag sang nagkalain-lain nga mga paagi nga ang Dios makapakighambal sa Iya mga kaanakan.
 - a)
 - b)
 - k)

3. Karon nga mga inadlaw, paano bala makapakighambal ang Dios sa tagipusoon sang isa ka tawo? (Magpili sang duha ka masunson nga paagi)
 - a) sa tanan nga tion paagi sa tingog nga mabatian
 - b) paagi sa isa ka pamat-od sa imo espiritu
 - k) paagi lamang sa mga damgo kag palanan-awon
 - d) paagi sa Balaan nga Kasulatan

4. Ano ang duha ka sayop nga paagi sa pagpangita sang pagtuytoy sang Dios?
 - a) paagi sa mga espiritista
 - b) paagi sa babaylan
 - k) paagi sa mga balasahon kag mga libro nga ginsulat sang mga Kristohanon nga mga manunulat.

5. Ano ang labing pat-od nga paagi sa paghibalo sang kabubot-on sang Dios?
 - a) paagi sa pagtuon sang Biblia nga may sistema
 - b) paagi sa pagpamati sa laygay sang mga lamharon nga Kristohanon
 - k) paagi sa kaugalingon nga balatyagon kag sayop

nga panghunahuna

6. Ano nga sari sang tawo ang ginpili sang Dios nga magasulat sang Biblia?
 - a) mga tawo nga may madamo nga mga hiyas
 - b) mga tawo nga makasulat kon mabayran sila sang maayo sang hari.
 - k) mga tawo nga ginbugnaan sa pinasahi nga paagi sang Balaan nga Espiritu
7. Pila ka mga tawo ang ginpili sa pagsulat sang Balaan nga Kasulatan?
 - a) mga 100
 - b) mga 40
 - k) 25
8. Ano ang duha ka dalagku nga bahin sang Biblia?
 - a) ang Daan nga Katipan kag ang Apocalipsis
 - b) ang Daan nga Katipan kag ang Bag-o nga Katipan
 - k) ang Kasugo-an kag ang mga Manalagna
9. Pila ka mga libro ang yara sa Balaan nga Kasulatan?
 - a) 39 ka libro sa Daan nga Katipan kag 27 sa Bag-o nga Katipan
 - b) 29 ka libro sa Daan nga Katipan kag 37 sa Bag-o nga Katipan
10. Sa ano nga pinulongan ginsulat ang nahauna nga Biblia?
 - a) Hebreo kag Latin
 - b) Español kag Griego
 - k) Pransea kag Inglis
 - d) Hebreo kag Griego
11. Para kay sin-o ginsulat ang Biblia?
 - a) para sa tagsatagsa nga buot magtuon kag mag-sunod sa mga kamatuoran sang Dios.
 - b) para lamang sa mga manggaranon kag sa mga mataas sang tinun-an
 - k) para lamang sa mga manugwali kag mga pari.

* Nagpakighambal bala ang Dios sa imo paagi sining leksyon sa ICI?

Paano?

.....

.....

.....

.....

.....

.....

.....

Sa pagkinot sang koreo, kag pagpahapos sang pagpadala, kompletoha anay ang duha ka leksyon kag ipadala ini sa ICI agud magradohan.

ANG BAG-O MO NGA KABUHI
REKORD SANG BUMOLUTHO

PALASINAWAN
LEKSYON 4

GUSTO MO BALA NGA MAGTUBO?

Petsa

Isulat sing maathag:

Ngalan

Puloy-an

.....

Malahalon: Sulati ini nga palasinawan, kag sabta ang tagsa ka pamangkot. Kon nakompleto na, ipadala ang imo PALASINAWAN kag REKORD SANG BUMOLUTHO sa International Correspondence Institute, Philippine National Office, P. O. Box 1084, Manila

* Kon buot ikaw sang espirituhanon nga kabaskog sa pagtuo kag magkabuhi para sa Dios, permahi ini nga saad.

Ginuo paagi sa Imo bulig, magapanikasog ako sa pagbasa sang Imo Pulong adlaw-adlaw. Kon indi ko ini mabasa, magasaulo ako sang mga bahin sini, ukon magapangabay kay bisan sin-o nga magabasa sini sa akon. Busgon ko adlaw-adlaw ang akon kalag sang Imo mga Pulong.

Pirma:.....

Petsa:

* Nasaulo na bala nimo ang Isaias 40:31; Salmo 19:14?

.....

(Kon wala pa nimo masaulo, himoa ini karon.)

SABTA ang masunod nga mga pamangkot paagi sa pagbutang sang **LINYA SA IDALUM SANG HUSTO NGA SABAT**.

1. Paano makatubo sa espirituhanon nga paagi ang isa ka tawo nga nakabaton sang "bag-o nga kabuhi"? (Magpili sing apat.)
 - a) magpangamuyo kag magsaksi nahanungod kay Kristo.
 - b) mamati sa mga pinalatonlaton nga sugid kag magpamilit sang imo kaugalingon nga luyag sa tanan nga bagay.
 - k) likawan ang magpalibog paagi sa pagtuo.
 - d) magpakaon sang kalag adlaw-adlaw paagi sa pagpamalandong sa Pulong sang Dios.
 - e) maghupot sang matinlo nga mga hunahuna.
 - g) magpenitensya.
2. Ano ang buot mo nga matabo sa sinang "bag-o nga kabuhi" nga ginhatag sang Dios sa imo?
 - a) malaya kag magbalatian tubtob mapatay.
 - b) magatubo kag mag-alawas sa bugana nga kusog.
3. Kon may mabudlay hangpon nga bahin sang Biblia, sin-o ang dapat mo nga kadtoan?
 - a) ang diksyonaryo.
 - b) ang Dios.
 - k) hamtong nga mga Kristohanon ukon pastor.
 - d) abogado.
4. Ngaa nga dapat isikway sang mga Kristohanon ang tanan nga kalingawan kag bulohaton nga batok sa ginatudlo sang Biblia? (Magpili sang duha ka sabat.)
 - a) ang mga balayran sa pagsulod tuman ka mahal.
 - b) ang Dios buot nga magmatinlo ang aton mga hunahuna.
 - k) ang pagpangalipay sang sala indi makahatag sang kinahanglanon sang kalag.

5. Paano bala ang tawo makapahuway sa Dios?
 - a) paagi sa pagtuo sa mga saad sang Dios tungod sa imo kasegurohan sa palaabuton
 - b) paagi sa pagsalig sa mga saad sang tawo sa imo.
 - k) paagi sa pagpamilit sang imo kinamatarung kon ginapahog sa bisan ano nga paagi.
6. Ano ang mahimo sang pagdumot, aligutgot, kag kaakig sa isa ka tawo? (Magpili sang duha ka sabat.)
 - a) makahatag sang balatian sa lawas.
 - b) ginahimo ikaw nga daw subong sang isa ka pangulo nga walay kahadlok.
 - k) nagahilo sa kalag kag sa espiritu kag makabalabag sang pagpangamuyo sang kalipay sa pagtuon sang Biblia.
7. Kon nagabatyag ikaw sang espirituhanon nga kaluya, ano ang dapat mo buhaton agud makaangkon liwat sang ginakinahanglan nga kusog?
 - a) magkaon, mag-inom kag magpangalipay agud malimtan ang imo espirituhanon nga mga kinahanglanon.
 - b) maghulat sa Dios kaupod sang Iya bukas nga Pulong kag sa pagpangamuyo.
 - k) mag-inom sang tabletas nga pangpatulog.
8. Paano mapaiway ang mga hunahuna nga makapugong sang espirituhanon nga pagtubo. (Magpili sang duha ka sabat.)
 - a) magpalayo sa lunang kag kahigko sang di-dunganon nga mga kalipayan kag malain nga pagkabuhi kag magpangayo sa Dios nga tipigan ang imo hunahuna, pulong kag mga buhat nga magmatinlo.
 - b) magtan-aw kag magbasa sang mahigko nga mga balasahon kag larawan.
 - k) magbasa sang mga sugilanon nga nagahimaya sa mga pagginawi nga batok sa ginatudlo sang Biblia.
 - d) indi magkadto sa mga duog nga indi pagakad-

toan sang Ginuo, ukon indi magbasa sang indi Niya pagabasahon.

MAGPAKIGBAHIN PARA KAY KRISTO

Karon sa imo kaugalingon nga mga pulong, isulat ang malip-ot mo nga pagpamatuod kon paano kag ngaa nga buot ka magmangin mabaskog sa imo Kristohanon nga kabuhi. (Isulat sa lain nga papel).

.....

.....

.....

KUPON

Palihog padalhi ako sang madason nga duha ka leksyon nga ginatig-ulohan,
kag

Nalakip diri ang "money order" nga P.....
Palihog ipaayon ini sa akon nga P10.00.

Buot ako magpadayon sa pagtuon sang kurso sa Biblia nga "Ang Bag-o Mo Nga Kabuhi".

Ngalan

Puloy-an

.....

.....

INTERNATIONAL CORRESPONDENCE INSTITUTE

PHILIPPINE NATIONAL OFFICE

P. O. Box 1084, Manila

ANG BAG-O MO NGA KABUHI
REKORD SANG BUMOLUTHO

PALASINAWAN
LEKSYON 5

BAG-ONG KABUHI – BAG-ONG MGA
BULOHATON

Petsa

Isulat sing maathag:

Ngalan

Puloy-an

.....

.....

Malahalón: Palihog sulati ini nga palasinawan, kag sabta ang taga sa pamangkot. Kon nakompleto na, ipadala ang imo PALASINAWAN kag REKORD SANG BUMOLUTHO sa International Correspondence Institute, Philippine National Office, P. O. Box 1084, Manila.

- * Ano nga mga bulohaton mo ang nabaylohan bangod sang “bag-o nga kabuhi” sang Dios nga yara sa imo?
.....
.....
- * Ano ang mga bulohaton nga irekomendar mo sa mga kaanakan sang Dios?
- * Ano ang bag-o kag personal mo nga mga bulohaton nga makapahimaya sa Dios?

- * Masaulo bala nimo ang Mga Hebreo 10:25; Mateo 6:9-13; Malaquias 3:10?
(Basaha ini nga mga reperensya sa Biblia kag himu-
lati nga masaulo ini.)

SABTA ang madason nga mga pamangkot paagi sa pag-
butang sang **LINYA SA IDALUM SANG HUSTO NGA**
SABAT.

1. Ano ang dapat magapanguna nga huyog sang isa ka anak sang Dios?
 - a) magpangita sang tanan nga kuwarta nga ma-kita niya para sa iya kaugalingon.
 - b) kinaugalingon nga kalipayan.
 - k) maghinguyang sang dugang nga mga tinion sa paghiusa sa Dios kag magbuhat sang mga butang nga makapahamuot sa Iya.
2. **HUSTO** ukon **SAYOP**? Ang Dios may pinasahi nga bulohaton sa kabuhi para sa tagsa ka Kristo-hanon.
3. Ano bala ang imo balatyagon karon nga nahiba-loan mo nga ang Dios nagapaabot nga magabulig ikaw sa paghanda sang mga kinahanglanon para sa pagbalik ni Jesus?
 - a) nagamalipayon sa pag-angkon sang dungog kag kahigayunan.
 - b) nagabatyang sang kabudlay kag kasubo ba-ngod ang kaugalingon mo nga bulohaton naupangan.
4. Ano ang himuon sang isa ka tawo nga nakabaton sang “bag-o nga kabuhi” kay Kristo agud mapahamuot niya ang Dios kag magakalipay sa paghiusa sa Iya.
 - a) magpalayo sa organisado nga mga iglesia kag tamayon ini.
 - b) magtambong sa isa ka iglesia nga nagatuo sa Biblia apang indi magpasakop.
 - k) magpasakop sa isa ka iglesia nga nagatuo sa

Biblia kag magpakigbahin sa ila programa sa paglambot sang mga nadula nga kalag.

5. Ano ang dapat buhaton sang isa ka Kristohanon nga may "bag-o nga kabuhi" tuhay sa pastor nga nakapasandad?
 - a) mag-untat sa pagkadto sa iglesia sina nga pastor.
 - b) ilisan ang pastor.
 - k) magpatawad kag magpadayon sa pagtambong sang panimbahon sa iglesia, samtang ginawali ang Biblia kag ginasunod ini.
6. Ano ang kahulogan sang pagpangamuyo sang bilog nga panimalay ukon "family altar"?
 - a) isa ka pormal nga panimbahon sa iglesia.
 - b) isa ka paghiliusa sa sulod sang balay nga sa diin ang bug-os nga pamilya makapakig-upod sa pagpangamuyo kag sa pagtuon sang Pulong sang Dios.
7. Ano bala ang kabubot-on sang Dios nahanungod sa Kristohanon nga pagpanaksi?
 - a) maghipos lang.
 - b) magsugid sa pinakamadamo nga masugiran mo natungod kay Jesus agud nga sila man makahibalo kon ano ang Iya mahimo para sa ila.
8. Ano ang labing malahalon nga bagay sang pag-amba para sa Ginuo?
 - a) ang paghanas sang tingog.
 - b) ang pag-amba sing mabaskog sa iglesia kag magkabuhi nga puno sing kailigbon sa gowa.
 - k) mag-amba gikan sa tagipusoon sa kahimayaan sang Dios.
9. Ano ang kahulogan sang pagbayad sang isa ka Kristohanon sang iya ikapulo?
 - a) ang paghatag sang ikanapulo nga bahin sang imo kinitaan sa Dios.

- b) ang paghatag sang katunga sang imo mga pagkabutang sa Dios.
 - k) ang paghatag sang ikaapat nga bahin sang imo kinataan sa Dios.
10. Ano ang isa ka maayo nga paagi sa pagbaton sang pagpakamaayo sang Dios?
- a) magtago sang kuwarta para sa kaugalingon.
 - b) magdala sang bug-os nga ikapulo sa Iya balay talaguan (sa diin ginakuha mo ang imo espirituhanon nga pagkaon).
11. Ano ang tatlo ka sari sang pagpakamaayo nga gin-saad sang Dios sa tawo nga nagahatag sang iya ikapulo? (Magpili sang tatlo ka sabat).
- a) kinawad-on
 - d) balatian
 - b) pagkabugana
 - e) espirituhanon nga pagpakamaayo
 - k) kabulosgan
12. Ano ang dapat nga buhaton sang tagsa ka mapinasalamaton nga Kristohanon sa pag-alagad sa Ginuo?
- a) maghulat tubtob matawag nga magpakigbahin.
 - b) sa bug-os nga tagipusoon magbulig sa bisan ano nga paagi.

Bumolutho:

Ang ika-anum nga leksyon sining kurso sa Biblia ginatig-ulohan "ANG BAG-OMO NGA MGA TALAKSAN". Indi paglaktawi ining ika-anum nga leksyon!. Malahalon gid ka tama ini!

Sa pagkinot sang koreo kag sa pagpahapos sang pagpadala, kompletaha anay ang duha ka leksyon kag ipadala sa ICI agud magradohan.



**“ANG BAG-O MO NGA KABUHI”
REKORD SANG BUMOLUTHO**

**INTERNATIONAL CORRESPONDENCE INSTITUTE
PHILIPPINE NATIONAL OFFICE – P.O. BOX 1084 – MANILA**

**PALASINAWAN
LEKSYON 6
ANG BAG-O MO NGA MGA PAGSULONDAN**

Petsa

Isulat sing maathag:

Ngalan

Puloy-an

.....

.....

SABTA ang madason nga mga pamangkot paagi sa pagbutang sang **LINYA** sa **IDALUM SANG HUSTO NGA SABAT**.

1. Sin-o ang may katungdanan sa paghatag sang mga pagsulondan sa isa ka maayo nga panimalay?
 - a) ang mga kabataan
 - b) ang mga kasilingan
 - k) ang mga ginikanan
2. Sa diin makita sang isa ka tawo ang husto nga pagsulondan sa pagkabuhi nga Kristohanon?
 - a) sa mga libro sang pangatarungan natural nga pilosopiya
 - b) sa Balaan nga Kasulatan
 - k) sa mga tulomanon sang relihiyon.
3. Sin-o ang may labi nga kinamatarung sa pagsiling kon paano ang Kristohanon dapat maggawi?
 - a) ang Langitnon nga Amay
 - b) ang pagginawi nga aton naandan
 - k) ang Kristohanon mismo
4. Sin-o ang naghatag sang pinakahimpit nga pagsu-

londan sang Kristohanon nga pagkabuhi?

- a) mga manugtunda
- b) si Jesu-Cristo
- k) bantog nga mga Kristohanon

5. Hingalani ang nagapanguna nga tinutuyo ni Jesus sang ginhatag Niya ang "Wali sa Bukid".

- a) sa pagpakigbahin sang dugang nga ihibalo nahangod sang mga duog sang Israel.
- b) sa pagpabakod sang tawhanon nga pagtuo sa mga makatilingala nga buhat.
- k) sa pagpahayag sang pinakamataas nga mga pag-sulondan sang Dios para sa Kristohanon nga pagkabuhi.

6. Butangi sang linya sa idalum sang duha ka labing malahalon nga pagsulondan nga ginhatag ni Ginuonng Jesus paagi sa iya halimbawa kag pagtudlo

- a) pagpaubos
- b) pagbutang sang kabubut-on sang Dios una sa tanan sa aton panghunahuna kag mga buhat
- k) magtimalus sa tanan nga makasala sa imo
- d) maglipay sang imo kaugalingon sa tanan nga butang

7. Sa kay sin-o ginahatag sang Dios ang iya walay katubtoban nga pagpakamaayo?

- a) sa mga mapainubuson, sa mahigugmaon sang paghidait, kag sa mga putli sing tagipusoon
- b) sa mga manggaranon kag sa matamayon
- k) sa mga imol sa materyal nga mga butang kag masunson nagareklamo sang pinakamabaskog sa Dios kag sa tawo.

8. Sa Mateo 5:13, 14, ano ang duha ka palaanggiran nga gingamit ni Jesus sa paglaragway sang "mahimo sang aton kabuhi" nga ginapaabot sang Dios gikan sa tagsa ka matuod nga mga tumoluo sa sining kalibutan?

- a) asin
- b) kalamay
- k) suga
- d) mga bulak

9. Ano ang dapat nga mangin balatyagon mo sa mga katawhan nga sa bug-os nga kabubot-on buot magguba sang imo maayo nga ngalan?
 - a) mangakig kag magkusmod
 - b) magkalipay kag magkasadya
 - k) iakusar sila
10. (Butangi sang linya sa idalum sang duha ka husto nga sabat) Sa Mateo 5:21-30 ano ang duha ka malaut nga butang nga ginpaandam ni Ginuong Jesus sa iya mga sumulunod?
 - a) ang pagkaon sang tuman ka damo
 - b) ang kaakig kag pagtimalos
 - k) mahigko nga mga panghunahuna kag pagkama-kihilawason
 - d) sobra nga pagtulog
11. Ano ang sugo ni Jesus nga ginhatag sa Mateo 5:43-48?
 - a) maghigugma lamang sa nagahigugma sa imo
 - b) maghigugma sa imo mga kaaway
12. Ano bala ang balatyagon kag tinutuyo ni Ginuong Jesus sa kasugoan?
 - a) dulaon na lang tungod wala ini sing kapuslanan
 - b) tumanon ini
13. Ano ang palasandigan nga prinsipyo nga ginhatag ni Jesus nga masami ginatawag ang "bulawanon nga tulumanon"?
 - a) magtago sang pinakamadamo nga bulawan
 - b) kabigon ang iban subong sang pagkabig nila sa imo
 - k) kabigon ang iban subong sang pagkabig nga buot nimo ipatuhoy nila sa imo
14. Ano ang dapat nga mangin nahauna nga handum nimo sa kabuhi?
 - a) nga magmanggaranon kag magmangin bantog sa bisan ano nga paagi
 - b) sa paghimaya sa Dios paagi sa pagtuman sang iya kabubut-on
15. Suno sa Mateo 6:19-21, sa diin bala buot ni Ginu-

- ong Jesus nga magtipon kita sang aton manggad?
 a) sa langit
 b) diri sa duta
16. Sa Wali ni Kristo sa Bukid, sa kay sin-o gintudloan ang tawo nga magpangamuyo?
 a) sa mga santos
 b) sa mga katigulangan
 k) Direkta sa Dios, ang Langitnon nga Amay
17. Ang tawo nga nagatuman sang mga pagtudlo ni Kristo kag nagagamit sini nga palasandigan para sa iya Kristohanon nga kabuhi subong sang
 a) isa ka tawo nga nagtukod sang iya balay sa igang
 b) isa ka tawo nga nagtukod sang iya balay sa balas
18. Sa imo kaugalingon nga pulong, ipaathag kon ano ang kinamaayo sang pagpasad sang balay sa igang.

KUPON

Palihog, padalhi ako sang madason nga duha ka leksyon, nga ginatig-ulohan,
 kag Nalakip diri ang "money order" nga P..... . Palihog ipaayon ini sa akon ginsaad nga donasyon nga P10.00.

Buot ako magpadayon sa pagtuon sang kurso nga "Ang Bag-o Mo nga Kabuhi"

Ngalan

Puloy-an

INTERNATIONAL CORRESPONDENCE
 INSTITUTE
 PHILIPPINE NATIONAL OFFICE
 P. O. BOX 1084 – MANILA



**“ANG BAG-O MO NGA KABUHI”
REKORD SANG BUMOLUTHO**

**INTERNATIONAL CORRESPONDENCE INSTITUTE
PHILIPPINE NATIONAL OFFICE – P.O. BOX 1084 – MANILA**

**PALASINAWAN
LEKSYON 7**

MAY KABULIG IKAW

Petsa.....

Isulat sing maathag:

Ngalan

Puloy-an

.....

Malahalón: Sulati ini nga palasinawan, kag sabta ang taga ka pamangkot. Kon nakompleto na, ipadala ang imo **PALASINAWAN KAG REKORD SANG BUMOLUTHO** sa International Correspondence Institute, Philippine National Office, P. O. Box 1084, Manila.

Agud makakinot sang koreo tapusa anay ang leksyon 8, kag ipadala ini sing dungan sa palasinawan sang leksyon 7.

SABTA ang madason nga mga pamangkot paagi sa pag-butang sang LINYA SA IDALUM SANG HUSTO NGA MGA SABAT.

1. Sin-o ang labing Daku nga Kabulig nga ginpadala ni Kristo Jesus nga mangin kaupod sang mga tumoluo sa tanan nga tion?
 - a) ang pari
 - b) maayo nga mga libro
 - k) Dios, ang Balaan nga Espiritu
2. Paano ang pagkabuhi sang Kristohanon nga kabuhi?
 - a) paagi sa paghimud-os nga magmaayo
 - b) paagi sa paghunahuna sang maayo
 - k) paagi sa pag-ako nga indi mo mahimo sa imo kaugalingon busa gintugyan mo ang tanan kay Kristo nga imo Manluluwas kag Ginuo.
3. Pilia ang kahulogan sang Mga Taga Galacia 5:16, nga nagasing "Maggawi sa Espiritu, kag dili pagtumana ang kailigbon sang unod."
 - a) dapat silotan ang unod
 - b) kon tugotan sang isa ka tawo nga ang Balaan nga Espiritu ang magahari sa iya kabuhi mapas-lawan sia sa iya pagpangabuhi.
 - k) paagi sa Balaan nga Espiritu mangin madinalag-on ikaw batok sa kagustohan sang unod nga buot magtuman sang iya kaugalingon nga luyag, bisan husto ukon sayop
4. Ano ang kahulogan sang Mga Taga Galacia 5:16 nga nagasugo nga "Maggawi sa Espiritu?"
 - a) ang pagsunod sa pagtuytoy sang Balaan nga Espiritu sa adlaw-adlaw nga bulohaton
 - b) magkabuhi nga malipayon sing labi sa tanan nga tion.
5. Ano ang labing daku nga handum sang Balaan nga Espiritu?
 - a) ang handum nga maluwas ang mga kalag
 - b) ang handum nga magmangin madinalag-on

- k) ang handum nga magpadako sang imo ngalan
6. Ano ang gintagna ni Juan Bautista nga pagahimuon ni Jesus suno sa Lukas 3:16?
- a) magabautiso sa tubig sa paghinulsol
 - b) magabautiso sa Balaan nga Espiritu kag sa kailayo
7. Kon ang isa ka tumoluo mapun-an sang Balaan nga Espiritu ang una nga palatandaan nga makit-an ukon mabatian kon tugotan sang tumoluo amo ang
- a) "glossalalia", ukon ang paghambal sa iban nga pulong
 - b) bag-o nga ihibalo
 - k) pagbalhin sang dagway kag personalidad
8. Ngaa nga buot ni Kristo Jesus bautisohan ang mga tumoluo sa Balaan nga Espiritu?
- a) agud makapakita sila sa iban sang ila mga hiyas
 - b) sa pagbulig sa mga tumoluo sa pagsaksi sa iban nahanungod kay Kristo nga mas epektibo kag pagkabuhi nga mas madinalag-on
 - k) sa paghatag sang kalingawan
9. Sin-o ang mahimo nga makabaton sang mga hiyas sang Balaan nga Espiritu?
- a) ang mga apostoles sang nahaunang iglesia lamang
 - b) ang mga manugwali lamang
 - k) ang tagsatagsa nga nagatuo kag ginauhaw kag ginagutom sang Diosnon nga gahum gikan sa ibabaw.
10. Makabulig bala ang Balaan nga Espiritu sa tumoluo sa pagpangamuyo nga mapahamuot ang Dios?
- a) huo
 - b) indi

11. Ngaa nga ginakinahanglan sang mga Kristohanon ang bulig sang Balaan nga Espiritu sa sini nga mga inadlaw?

.....
.....
.....
.....
.....
.....

* Hingalani ang 9 ka bunga sang Espiritu suno sa Taga Galacia 5:22, 23.

- | | | |
|---------|---------|---------|
| 1. | 2. | 3. |
| 4. | 5. | 6. |
| 7. | 8. | 9. |

* Diin sini nga mga bunga ang labi nga kulang karon?
.....

* Nabaton na bala nimo ang bautiso sang Balaan nga Espiritu? San-o?

Sa pagkinot sang koreo, kag pagpahapos sang pagpadala, kompletoha anay ang duha ka leksyon kag ipadala ini sa ICI agud magradohan.

**“ANG BAG-O MO NGA KABUHI”
REKORD SANG BUMOLUTHO**

**PALASINAWAN
LEKSYON 8**

ANG IMO KABUHI ISA KA SUGA

Petsa

Isulat sing maathag:

Ngalan

Puloy-an

.....
.....

* Buot bala ikaw magmangin masigahon nga suga para kay Cristo Jesus sa sining kalibutan?

SABTA ang madason nga mga pamangkot paagi sa pag-butang sang LINYA SA IDALUM SANG HUSTO NGA MGA SABAT.

1. Ano ang “bag-o nga kabuhi” nga mahimo matawag nga “Suga sang Dios?”
 - a) isa ka maayo nga personalidad
 - b) isa ka maalamon nga panghunahuna nga sarang makapasanag sang makalilibog nga mga pamangkot.
 - k) si Kristo sa imo, subong nga Kamatuoran, Dalan kag Kabuhi nga makapasanag sa imo kabuhi.
2. Ano ang isa sa labing maayo nga palatandaan nga ang isa ka tawo nakabaton sang bag-o nga kabuhi kag nangin anak sang Dios?
 - a) nagapangita sa iya lamang kaugalingon nga kaayohan
 - b) nagahigugma kay Jesu-Kristo kag nagapili sa

- paglakat sa kasama? Lag indi sa kadulom
- k) nagapain sang iya kaugalingon kag wala naga-kabalaka sa mga kinahanglanon kag pag-antos sang iban nga mga katawhan
3. Ano ang ginakilala sang Dios nga putli nga relihiyon?
- a) ang pag-isahanon kag nagapalayo sa mga katawhan
- b) ang paghimo sang malaba nga mga pangamuyo sa mga larawan kag ang paglakat sa isa nga ginakilala nga balaan nga duog
- k) mahigugmaon nga pagtatap sa mga balo kag mga ilo
4. Ano ang mahimo sang wala mabayari nga mga utang sa pagsalig sang iban nga tawo sa imo kag sa Dios?
- a) ang wala mabayari nga mga utang maayo kon indi ikaw madakpan
- b) ang pagka di-mainandamon sa sini nga mga bagay makaguba sang pagpamatuod, kag makapasandad sa iban kag makahatag sang dihusto nga balatyagon sa Dios
- k) ang wala mabayari nga mga utang mahimo malimtan, kon gintuad sa Dios lamang.
5. Ano ang malahalón nga mga paagi nga sa diin ang Dios nagapaabot nga ang mga tumoluo magmangin halimbawa sang Kristohanon nga pagkabuhi sa iban? (Basaha ang 1 Timoteo 4:12)
- Sulati ang mga blangko:
-
-
6. (Butangi sang "check" (✓) ang duha ka husto nga sabat)
- Nгаа nga ang pagkatinlo subong ka malahalón sa pagkadiosnon?
- a) ang pagkatinlo indi malahalón, kon ang tawo

imol apang maminatud-on.

- b) ang pagkadi-matinlo nga pagginawi makahalit sa lawas sang isa ka tawo kag makapadali sang kamatayon. Ang kasugoan nga “Indi ka magpatay” nagalakip sang imo kaugalingon.
 - k) ang pagkadi-matinlo nagapamalabag sang imo impluwensya sa iban kag nagaguba sang imo Kristohanon nga pagpamatuod sa iban nga naging kinahanglan sang bulig
7. Dapat bala imagpamatok: ang isa ka Kristohanon sa pagpahubog, mga bulong nga makahalit (drug addiction) kag sa pagpanigarilyo? (Butangi sang “check” (✓) ang husto nga mga sabat)
- a) indi
 - b) ang paggasto sa sini nga mga bagay nagausik sang kuwarta nga dapat gamiton sa bulohaton sang Dios
 - k) hu, tungod ang paggamit sang tabako mahimo nga permanente nga pamatasan kag makahalit sa lawas, nga ginapanag-iyahan sang Dios
 - d) ang siyensya nagapamatuod nga makahalit ang tabako kag “drugs” subong sang marijuana sa lawas sang tawo nga masunson nagagamit sini. Ang makahulobog nga ilimnon makaguba sang ikasarang sang tawo sa pagpanganak kag makadugang sa gumontang sang pamilya kag sosyedad.
8. Kon ang isa ka Kristohanon ginabudlayan sa pagdula sang iya mga bisyo, ano ang dapat niya buhaton?
- a) indi na magkadto sa simbahan
 - b) magapadayon sa pagbuhat sang iya mga bisyo sa tawo
 - k) ituad ang iya kinahanglanon sang pagkahilway paagi kay Kristo kag magmainandamon sa pagpili sang maayo nga palibot agud magmadinalag-on sia.

9. Dapat bala pilion sang isa ka tumoluo ang pagka-ugdang nga mangin pagsulondan sang Kristohanon nga pagkabuhi?
 - a) indi, tungod ini palatandaan sang pagkamahu-loy-on
 - b) huo, ang Biblia nagakilala sang pagkaugdang nga isa ka maayo nga ugali sang Kristohanon.
 - k) indi, tungod ini pagarbo lamang.
10. Ngaa nga nagatudlo ang Biblia nga ang tawo dapat magpangabudlay agud makakaon?
 - a) bangod paagi sa pagpangabudlay magmas mang-garanon ikaw sang sa imo kaiping.
 - b) bangod nagahatag sa imo sang kahigayunan sa pagpakita sang imo abilidad nga labaw sa iya sang iban.
 - k) bangod paagi sa pagtrabaho ang tawo maka-sunod sa halimbawa sang Dios, makatuon sang disiplina, makabulig sa iban, makapugong sang kataka kag katamad, nagapahina sang pagsulay, kag dungganon sa mata sang tawo kag sa Dios.

K U P O N

Palihog, padal-i ako sang madason nga duha ka leksyon nga ginatig-ulohan
 kag, Nalakip diri ang
 "money order" nga P..... . Palihog ipa-
 ayon ini sa akon ginsaad nga donasyon nga P10.00.

Buot ako magpadayon sa pagtuon sang kurso
 nga "Ang Bag-o Nimo nga Kabuhi."

Ngalan

Puloy-an

.....

INTERNATIONAL CORRESPONDENCE INSTITUTE

PHILIPPINE NATIONAL OFFICE

P. O. Box 1084 - Manila



**“ANG BAG-O MO NGA KABUHI”
REKORD SANG BUMOLUTHO**

**INTERNATIONAL CORRESPONDENCE INSTITUTE
PHILIPPINE NATIONAL OFFICE – P.O. BOX 1084 – MANILA**

**PALASINAWAN
LEKSYON 9**

**PAANO MAKAAANGKON SANG MALIPAYON
NGA PANIMALAY**

Petsa

Isulat sing maathag:

Ngalan

Puloy-an

.....

Malahalón: Sulati ini nga palasinawan, kag sabta ang tagsa ka pamangkot. Kon nakompleto na, ipadala ang imo PALASINAWAN kag REKORD SANG BUMOLUTHO sa International Correspondence Institute, Philippine National Office, Box 1084, Manila.

SABTA ang madason nga mga pamangkot paagi sa pag-butang sang LINYA SA IDALUM SANG HUSTO NGA MGA SABAT.

1. Paano bala ikaw makatukod sang isa ka puloy-an nga mangin kasubong sang "langit sa duta."
 - a) butangi ang puloy-an sang kompleto nga galamiton
 - b) maghatag sang kalingawan sa madamo nga mga abyan
 - k) magbasa kag magtuman sa mga ginatudlo sang Pulong sang Dios nahanungod sa Diosnon kag tawhanon nga relasyon kag magpangamuyo sing tingub adlaw-adlaw.
2. Ano ang mahimo mo nahanungod sa iban nga mga katapo sang imo panimalay nga wala pa maluwas?
 - a) tamayon sila
 - b) magpadayon sa pagpangamuyo para sa ila kag magkabuhi sang "bag-o nga kabuhi" subong nga pagpamatuod sa ila.
 - k) mag-untat sa pagpangamuyo sa ila.
3. Kon makasayop ikaw, paano nimo mapanumbalik ang malipayon nga paghiliupod?
 - a) sa pagpaubos, magpangayo sang kapatawaran sa kon ano nga malain nga buhat nga nahimo mo sa bisan kay sin-o nga katapo sang panimalay.
 - b) magpanglaygay sa tagsatagsa nga magpangayo sang patawad sa kon ano nga bagay sila nagpa-kigbahin sa sayop.
 - k) magpakita sa tanan nga ikaw ang labing importante kag dapat sila magkahadlok sa imo.
4. Paano ikaw makaangkon sang pagpakamaayo sang Dios kag makaseguro sang nagapadayon nga malipayon nga pag-asawahay?
 - a) maghinguyang sang madugay nga tion sa mapi-nangamuyoon nga pagnobyohanay tubtob makilala ninyo ang isa kag isa; mag-andam nga mapunggan ang mga balatyagon tubtob nahi-

baloan ninyo nga tion kag kabubut-on na sang Dios nga magpakasal.

b) sa tago mag-upod sa kahagugma sa wala pa makasal, unaha anay ang kaugalingon nga kalipayan.

5. Paano naman ang pagpakasal sa indi kasubong nga Kristohanon?

a) amo ini ang maayo nga paagi sa pagdaug sang imo kaupod sa Ginuo.

b) maayo ini kon nagahigugmaanay lang ang mag-asawa.

k) batok ini sa kasugoan sang Dios.

6. Ano ang ginapakilala sang pagpabaya ukon pag-sikway sang panimalay?

a) kakugi kag lubos nga paghalad sang kaugalingon nga makapahamuot sa Dios.

b) nagapakilala sang kapaslawan sa katungdanan nga ginhatag sang Dios.

7. Isulat ang kulang nga mga pulong sa sining mga hulobaton:

a) "Ang pamilya nga nagabuylog sa may"

b) "Ang gugma nagasugod sa"

* Hingalani ang lima ka paagi nga imo ginabuko nga buhaton agud magmangin malipayon ang imo panimalay.

.....
.....
.....
.....
.....

- * Nabasa mo na bala ang Santiago 5:16; Nehemias 8:10?

(Sulata ini nga mga bersikulo sa isa ka papel kag dalha ini kon diin ikaw magkadto, kag tan-awa sing masunson tubtob masaulo gid nimo ini.)

Sa pagkinot sang Koreo, kag pagpahapos sang pagpadala, kompletoha anay ang duha ka leksyon kag ipadala ini sa ICI agud magradohan.

ANG BAG-O MO NGA KABUHI
REKORD SANG BUMOLUTHO

PALASINAWAN
LEKSYON 10

ANG BAG-O MO NGA KAHILAWAYAN

Petsa

Isulat sing maathag:

Ngalan

Puloy-an

.....

Malahalon: Sulati ini nga palasinawan, kag sabta ang tagsa ka pamangkot. Kon nakompleto na, ipadala ang imo Palasinawan kag Rekord sang Bumolutho sa International Correspondence Institute, Philippine National Office, P. O. Box 1084, Manila.

Amo ini ang ika-napulo kag katapusan nga palasinawan para sa mga tulon-an sa "Ang Bag-o Mo Nga Kabuhi."

SABTA ang madason nga mga pamangkot paagi sa pag-butang sang LINYA SA IDALUM SANG HUSTO NGA SABAT.

1. Paano mangin bug-os ang kahilwayan sang isa ka tawo sa sala, sa silot kag sa gahum sang sala?
 - a) paagi sa pagbaton kay Jesus nga Manluluwas kag Ginuo kag manggawi sa Espiritu adlaw-adlaw.
 - b) paagi sa pagpenitensya
 - k) paagi sa kaugalingon nga kinabubut-on
2. Ano ang kahulogan sang bag-o nga kahilwayan?

- a) kahilwayan sa pagbuhat sang kon ano nga naluyagan
 - b) kahilwayan sa pagpili sang kabubut-on sang Dios kag bulig sang Dios sa tanan nga butang
3. Ano bala ang ginasing sang Biblia nahanungod sang isa ka tumoluo nga nagapakigsumpong sa yawa?
- a) pagasilotan ka niya, kon pamatukan mo ang iya kabubut-on
 - b) magapalagyo siya sa inyo kon imo pagasumpungon
 - k) indi siya magasapak bisan ano pa ang himuon mo
4. Ano ang kinaugalingon nga mga kahilwayan ang mahimo paagi kay Jesu-Kristo?
- a) kahilwayan sa sala
 - b) kahilwayan sa bunga sang sala
 - k) kahilwayan sa gahum sang sala
 - d) kahilwayan sa presensya sang sala
 - e) kahilwayan sa silot sang sala
5. Ano ang ginatudlo sang Biblia nahanungod sa pagdaug sang kahadlok?
- a) maggamit sang mga salamangka
 - b) magsindi sang mga kandila sa mga santos
 - k) magpamangkot sa manugpakot
 - d) magsalig sa Ginuo nga namatay para sa imo kag nabanhaw gikan sa mga minatay.
6. Paano maseguro sang tawo nga ang iya ginatuohan husto sa panulok sang Dios?
- a) paagi sa damgo, mga tingog kag kinaugalingon nga balatyagon
 - b) paagi sa mga panghunahuna sang mga himata kag mga abyan wala sapayan sa ila espirituhanon nga pagkahamtong sa ihibalo sa Biblia.
 - k) paagi sa pagpabilin nga mapainubuson, kag mapinatawaron sa iban kag ang pagkamapinangamuyoon sa Dios samtang nagapangusisa sing

maid-id sa Biblia.

7. Linyahi ang tatlo ka sayop gikan sa diin mahilway ang isa ka tumoluo kon may husto nga ihibalo sa Biblia.
 - a) pagsimba sa mga larawan
 - b) pagpangamuyo sa Dios paagi kay Kristo Jesus
 - k) ang tanan nga paagi sang espiritismo kag kahadlok
 - d) pagsalig sa maayo nga mga buhat agud maluwas
 8. Ngaa nga kalabanan sang mga Kristohanon nagsimba sa nahauna nga adlaw sang semana, ang Domingo?
 9. Ngaa dapat naton ipain ang isa ka adlaw sa semana subong adlaw nga inugpahuway kag magakadto sa Balay sang Dios agud magsimba sa Ginoo?
 - a) ginasugo kita nga himuon naton gani dapat kita magmatinumanon
 - b) nagakalipay kita nga nabanhaw si Kristo Jesus gikan sa mga minatay kag nagahigugma kita sa Iya.
 10. Sa diin nasandig ang kalipay kag gahum sang kabuhi sang tumoluo?
 - a) paagi sa pagtuman sang mga tulomanon
 - b) sa presensya ni Kristo Jesus nga nagapabilin sa aton paagi sa Balaan nga Espiritu.
 - k) Ang magmaayo sa tanan nga tion.
- * Ginbasa bala nimo sing mainandamon ang mga bersikulo nga makita sa Juan 8:36; Santiago 4:7; I Pedro 5:7; 2 Corinto 5:16; Galatia 2:20?
- * Paano ang Dios nakapakighambal sa sini nga mga bersikulo?

.....
.....

PAHIBALO:

1. Buot kami karon magpakilala sang bag-o nga mga tulon-an nga ginatig-ulohan "Ang Imo Biblia". Ini ang labing daku nga kahigayunan sa pag-angkon sang kabug-usan nga panan-aw sang pinakabantog kag pinakadaku nga libro sa bug-os nga kalibutan-ang Pulong sang Dios sa tawo. Ngaa nga indi ka **MAGPALISTA KARON?**

2. **ANG IMO BIBLIA**

Ini nga kurso nagahatag sang lima ka palasandigan nga tulon-an kon paano kag ngaa ang tawo dapat magtuon sang Biblia, karon.

- * Paano makatuon sining libro
- * Ang maangkon sa pagtuon sang Biblia
- * Paano makita ang ginapangita sa Biblia
- * Ang mga libro sang Daan nga Katipan
- * Ang mga libro sang Bag-o nga Katipan
- * Paano naton mahibaloan nga ang Biblia Pulong sang Dios


3. Ang kurso nga "Ang Imo Biblia" maangkon sa Inglis sa isa ka libro ukon sa duha ka bahin.

Ang duha ka bahin nga libro lamang ang yara sa nagapangulo nga mga pinulongan sa Pilipinas. Ini nagasakop sang amo man nga mga tulon-an kaangay sang isa ka libro apang ang topiko ginbahin lamang sa duha ka bahin, apat ka leksyon sa nahauna kag tatlo sa ikaduha. Ang mga bumolutho nga buot mag-angkon sang kurso sa duha ka bahin mahimo makahatag sang ila bulig sa duha ka hulogan sa taglima ka pesos. Ang Inglis nga libro may kantidad nga P10.00 lamang. Ang inyo donasyon pagagamiton sa pag-imprensa sang dugang nga mga leksyon sa Biblia, mga palasinawan, paggrado, koreo kag sertipiko.

INTERNATIONAL CORRESPONDENCE INSTITUTE

PHILIPPINE NATIONAL OFFICE

P.O. Box 1084 - Manila



*Isa ka pagtulon-an sa Biblia sang I.C.I.
Para sa:*

- * Espirituhanon nga pagtubo.
- * Cristohanon nga kahamtong.
- * Katungdanan moral kag sa katinglan.

*May makagalanyat kag kaugalingon
nga paagi sa pagtudlo agud ikaw . . .*

- * makatuon sing madasig.
- * makadumdom sing mas madugay.
- * malingaw samtang nagatuon.

**INTERNATIONAL CORRESPONDENCE
INSTITUTE**

PAGTULON-AN PAMBALAY SA BIBLIA